

mihi abstulisti. Intelligent ergo quomodo dictus sit Filius Patris brachium, per quod Pater operatus est omnia: ne hoc non intelligendo, & in sui erroris tenebris permanendo, similes sint Judæis ipsis, de quibus dictum est, *Et brachium Domini cui revelatum est?*

Judæorum infidelitas an peccatum sit. 4. Hic occurrit altera quæstio, de qua quidem ut competenter aliquid disputetur, & omnes ejus latebrosissimi sinus perscrutentur, & excutiantur ut dignum est, nec mearum virium esse arbitror, nec angustiarum temporis, nec vestræ capacitatis. Tamen quia transire ad alia vestrâ exspectatione non sinimur, nisi aliquid inde dicamus, accipite quod potuerimus: & ubi vestræ exspectationi non suffecerimus, ab illo incrementum poscite qui nos plantare posuit & rigare: quia, sicut dicit Apostolus, *Neque qui plantat est aliquid, neque qui rigat, sed qui incrementum dat Deus. Quidam ergo inter se missitant, & ubi possunt aliquando proclamant, & turbulentia disceptatione contendunt, dicentes, Quid fecerunt Judæi, vel quæ culpa eorum fuit, si necesse erat ut sermo Isaiae prophetae impleretur quem dixit, Domine quis credit auditi nostro, & brachium Domini cui revelatum est?* Quibus respondemus, Dominum præscium futrorum, per Prophetam prædictissime infidelitatem Judæorum: prædictisse tamen, non fecisse. Non enim propterea quemquam Deus ad peccandum cogit, quia futura hominum peccata jam novit. Ipsorum enim præscivit peccata, non sua: non cujusquam alterius, sed ipsum. Quapropter si ea quæ ille præscivit ipsum, non sunt ipsum; non verè ille præscivit: sed quia illius præscientia falli non potest; sine dubio non aliis, sed ipsi peccant, quos Deus peccatores esse præscivit. Fecerunt ergo peccatum Judæi, quod eos non compulit facere, cui peccatum non placet; sed facturos esse prædictis, quem nihil later. Et ideo si non malum, sed bonum facere voluissent, non prohiberentur: & hoc facturi præviderentur ab eo qui novit quid sit quisque facturus, & quid ei sit pro ejus opere redditurus.

Major difficultas. 5. Sed & quæ sequuntur Evangelii verba plus urgent, & profundiorem faciunt quæstionem: adiungit enim, & dicit, * *Propterea non poterant credere, quia iterum dixit Isaías, Exæcavit oculos eorum, & induravit cor eorum, ut non videant oculis, & intelligent corde, & convertantur, & sanem illos.* Dicitur enim nobis, Si non potuerunt credere, quod peccatum est hominis non facientis quod non potest facere? Si autem non credendo peccaverunt, potuerunt ergo credere, & non fecerunt. Si ergo potuerunt, quomodo dicit Evangelium, *Propterea non poterant credere, quia iterum dixit Isaías, Exæcavit oculos eorum, & induravit cor eorum: ut, quod est gravius, ad Deum referatur causa qua non crediderunt; quandoquidem ipse exæcavit oculos eorum, & induravit cor eorum?* Non enim saltem hoc de diabolo dicitur, sed de Deo, quod ipsa prophetica Scriptura testatur. Nam si arbitremur hoc dictum de diabolo, quod exæcavit oculos eorum, & cor induravit: laborandum est quomodo illorum culpam, quia non crediderunt, possimus ostendere, de quibus dicitur, non poterant credere. Deinde quid respondebimus de alio Prophetæ ipsius testi-

Rom. 11. 7. monio, quod posuit Paulus apostolus dicens, *Quod quærebat Israël, hoc non est consecutus, electio autem consecuta est, ceteri verò exæcati sunt,* Tom. III. Pars II.

A sicut scriptum est, Dedit illis Deus spiritum compunctionis, oculos ut non videant, & aures ut non audiant, usque in hodiernum diem? Is. 6.10.

6. Audistis, Fratres, propositam quæstionem, nempe quæ profunda sit cernitis: sed respondeamus ut possumus. *Non poterant credere*, quia hoc Isaías propheta prædictit: hoc autem Propheta prædictit, quia Deus hoc futurum esse præscivit. Quare autem non poterant, si à me quæratur, citò respondeo, quia noblebant: malam quippe eorum

B voluntatem prævidit Deus, & per Prophetam prænuntiavit ille, cui abscondi futura non possunt. Sed aliam caussam, inquis, dicit Propheta, non voluntatis eorum. *Quam caussam dicit Propheta?* Quia dedit illis Deus spiritum compunctionis, oculos ut non videant, & aures ut non audiant, & exæcavit oculos eorum, & induravit cor eorum. Etiam

Difficultas causæ. C hoc eorum voluntatem meruisse respondeo. Sic enim exæcat, sic obdurat Deus, deserendo & non adjuvando: quod occulto judicio facere potest, iniquo non potest. Hoc omnino pietas religiosorum inconcussum debet inviolatumque servare, sicut Apostolus, cùm eamdem ipsam tractaret difficilimam quæstionem, *Quid ergo dicemus, inquit, numquid iniquitas apud Deum absit. Si ergo absit ut sit iniquitas apud Deum, sive quando adjuvat, misericorditer facit, sive quando non adjuvat, justè facit: quia omnia non temeritate, sed judicio facit. Porrò si judicia sanctorum justa sunt, quanto magis sanctificantis & justificantis Dei?* Justa

D ergo sunt, sed occulta. Ideo cùm quæstiones hujusmodi in medium venerint, quare alius sic, alius autem sic; quare ille Deo deferente exæcetur, ille Deo adjuvante illuminetur: non nobis judicium de judicio tanti judicis usurpemus, sed contremiscentes exclamemus cum Apostolo, *O altitudo divitiarum sapientiæ & scientiæ Dei, quæ inscrutabilia sunt judicia ejus & investigabiles viæ ejus!* Unde dictum est in Psalmo, *Judicia tua, sicut multa abyssus.* Rom. 9. 14.

E 7. Non ergo me, Fratres, ad hanc penetrandam altitudinem, ad hanc abyssum discutiendam, ad inscrutabilia perscrutanda, exspectatio Vestræ Caritatis impingat. Agnosco modulum meum, sentire mihi videor etiam modulum vestrum. Altius est hoc incrementis meis, & fortius viribus meis; puto quia & vestræ. Simul ergo audiamus admonentem Scripturam atque dicentem; *Altiora te ne quæsieris, & fortiora te ne scrutatus fueris.* Non quia ista negata sunt nobis, cùm Deus magister dicat, *Nihil est occultum quod non revelabitur;* sed si in quod pervenimus, in eo ambulemus, sicut dicit Apostolus, non solum quod nescimus & scire debemus, sed etiam si quid aliter sapimus, id quoque nobis Deus revelabit. Pervenimus autem in viam fidei, hanc perseverantissimè teneamus: ipsa perducet ad cubiculum regis, in quo sunt omnes thesauri sapientiæ & scientiæ absconditi. Non enim ipse Dominus Jesus Christus suis illis magnis & præcipue electis discipulis in videbat, quando dicebat,

F G Multa habeo vobis dicere, sed non potestis illa portare modò. Ambulandum est, proficiendum est, crescendum est, ut sint corda nostra capacia earum rerum, quas capere modò non possumus. Quòd si nos ultimus dies proficientes invenerit, ibi discemus quod hic non potuimus. Coloff. 2. 3. 10. Jan. 16.

H 8. Si quis autem istam quæstionem liquidiùs & melius novit se posse & confidit exponere, absit ut

Matth. 6.13. non sim paratior discere quād docere, Tantūm ne A
audeat quisquam liberum arbitrium sic defendere,
Luce 22. 32. ut nobis orationem qua dicimus, Ne nos inferas in
tentationem, conetur auferre: rursus ne quisquam
neget voluntatis arbitrium, & audeat excusare pec-
catum. Sed audiamus Dominum, & præcipientem,
& opitulanten; & jubentem quid facere debeamus
& adjuvantem ut implere possimus. Nam & quos-
dam nimia suæ voluntatis fiducia extulit in super-
biam; & quosdam nimia suæ voluntatis diffidentia
dejicit in negligentiam. Illi dicunt, Ut quid roga-
mus Deum ne vincamur temptatione, quod in nostra
est potestate? Isti dicunt, Ut quid conamur bene vi-
vere, quod in Dei est potestate? O Domine, ô Pater
qui es in cælis, ne nos inferas in quamlibet istarum
temptationum, sed libera nos à malo! Audiamus Do-
minum dicentem, Rogavi pro te Petre, ne deficiat
fides tua: ne sic existimemus fidem nostram esse in li-
bero arbitrio, ut divino non egeat adjutorio. Au-
diamus & Evangelistam dicentem, Dedit eis po-
testatem filios Dei fieri: ne omnino existimemus in
nostra potestate non esse quod credimus, verum
tamen in utroque illius beneficia cognoscamus.
Galat. 5. 6. Nam & agendæ sunt gratiæ, quia data est potestas;
1. Cor. 1. 31. & orandum, ne succumbat infirmitas. Ipsa est fides
quæ per dilectionem operatur, sicut ejus mensu-
ram Dominus cuique partitus est, ut qui gloriatur,
non in seipso, sed in Domino glorietur.

Rom. 10. 3. 9. Non itaque mirum est quia non poterant cre-
dere, quorum voluntas sic superba erat, ut igno-
rantes Dei justitiam, suam vellent constituere: sicut D
dicit de illis Apostolus, Justitiae Dei non sunt subje-
cti. Quia enim non ex fide, sed tamquam ex operi-
bus tumuerunt: ipso suo tumore cæcati, offenden-
t in lapidem offensionis. Sic autem dictum est
non poterant, ubi intelligendum est quòd nolebant:
quemadmodum dictum est de Domino Deo no-
stro, si non credimus, ille fidelis permanet, nega-
re seipsum non potest. De omnipotente dictum est,
non potest. Sicut ergo quòd Dominus
negare seipsum non potest, laus est voluntatis divi-
næ: ita quòd illi non poterant credere, culpa est
voluntas humanæ.

Rom. 4. 5. 10. Ecce dico & ego, quòd qui tam superbè sa-
piunt, ut suæ voluntatis viribus tantum existiment
esse tribuendum, ut negent sibi esse necessarium
divinum adjutorium ad bene vivendum, non pos-
sunt credere in Christum. Non enim aliquid pro-
sunt syllabæ nominis Christi, & sacramenta Chri-
sti, ubi resistitur fidei Christi. Fides autem
CHRISTI EST, credere in eum qui justificat im-
pium; credere in mediatorem, sine quo interposito
non reconciliamur Deo; credere in salvatorem,
qui venit quod perierat querere atque salvare; cre-
dere in eum qui dixit, Sine me nihil potestis facere.
Quia ergo ignorans Dei justitiam qua justificatur
impius, suam vult constituere qua convincatur su-
perbus, in hunc non potest credere. Hinc & illi
non poterant credere: non quia mutari in melius ho-
mines non possunt; sed quamdiu talia sapiunt, non
possunt credere. Hinc excæcantur, & indurantur; G
quia negando divinum adjutorium, non adjuvan-
tur. Hoc de Judæis qui excæcati & indurati sunt,
Deus præscivit, atque in ejus Spiritu Propheta
prædictus.

^a Fortè legendum, dictum non est: nisi sensus sit negationem præ-
fixam verbo videant, mente adjungi ad verbum intelligent. Et quidem
Vulgata Evangelii versio in excusis habet, & non intelligent corde,
sed in antiquis Corbeiensibus Bibliis Græco contentiens negationem

11. Quod verò addidit, Et convertantur & sa-
nem eos: utrum subaudiendum sit, non, id est,
non convertantur, connexâ desuper sententiâ, ubi
dictum est, ut non videant oculis & intelligent corde:
quia & hīc utique dictum^a est, ut non intelligent.
Et ipsa enim conversio de illius gratia est, cui dici-
tur, Deus virtutum converte nos. An fortè & hoc *Psal. 79. 4.*
de supernæ medicinæ misericordia factum intelli-
gendum est, ut quoniam superbæ & perversæ vo-
luntatis erant, & suam justitiam constituere vole-
bant, ad hoc desererentur, ut excæcentur; ad
hoc excæcentur, ut offenderent in lapidem of-
fensionis, & impleretur facies eorum ignominia;
atque ita humiliati quererent nomen Domini, &
non suam qua inflatur superbus, sed justitiam Dei
qua justificatur impius? Hoc enim multis eorum
profecit in bonum, qui de suo scelere compuncti,
in Christum postea crediderunt: pro quibus & ipse
oraverat dicens, Pater, ignosce illis, quia nesciunt *Luce 23. 34.*
quid faciunt. De qua eorum ignorantia & Aposto-
lus dicit, Testimonium illis perhibeo quia zelum *Rom. 10. 2.*
Dei habent, sed non secundùm scientiam: tunc *Eccl.*
enim & hoc subjunxit, atque ait, Ignorantes eum *“*
Dei justitiam, & suam volentes constituere, justi. *“*
tia Dei non sunt subiecti.

12. Hæc dixit Isaias, quando vidit gloriam ejus, *Iohann. 12. 41.*
& locutus est de eo. Quid viderit Isaias, & hoc quo-
modo ad Dominum Christum pertineat, in libro
ejus legendum & intelligendum est. Vedit enim
non sicuti est, sed modo quodam significativo,
sicut Prophetæ visio fuerat informanda. Nam vedit
& Moyses, & tamen ei quem videbat dicebat, Si *Exod. 33. 13.*
inveni gratiam ante te, ostende mihi temetipsum, *“*
manifeste ut videam te: quia non videbat sicuti
est. Quando autem nobis hoc futurum sit, idem
iste sanctus Johannes Evangelista in Epistola sua
dicit, Dilectissimi, filii Dei sumus, & nondum ap-*1. Iohann. 3. 2.*
paruit quid erimus: scimus quia cum apparuerit,
similes ei erimus, quoniam videbimus eum sicuti
est. Poterat dicere, quoniam videbimus eum, &
E non addere, sicuti est. Sed quia sciebat à quibus-
dam Patribus & Prophetis visum, sed non sicuti
est: ideo cum dixisset, videbimus eum, addidit,
sicuti est. Nemo enim vos fallat, Fratres, eorum *Arianorum*
qui dicunt invisibilem Patrem, & visibilem Filium.
Hi enim hoc asserunt qui putant eum esse creatu-
ram: nec intelligunt secundùm quid dictum sit,
Ego & Pater unum sumus. Prorsus in forma Dei in *Iohann. 10. 30.*
qua æqualis est Patri, etiam Filius invisibilis est: ut
autem ab hominibus videretur, formam servi ac-
cepit, & in b similitudine hominum factus, visibilis
factus est. Ostendit ergo se etiam antequam susci-
peret carnem oculis hominum, sicut voluit in sub-
jecta sibi creatura, non sicuti est. Mundemus corda
per fidem, ut illi ineffabili, &, ut ita dicam, invi-
sibili visioni præparemur: Beati enim mundo corde, *Matth. 5. 8.*
quoniam ipsi Deum videbunt.

13. * Verumtamen & ex principibus multi credide-*Iohann. 12.*
runt in eum, sed propter Pharisæos non confitebantur,
ut de synagoga non ejicerentur: * dilexerunt enim glo-*v. 42.*
riam hominum magis quam gloriam Dei. Videte quem
admodum notaverit Evangelista & improbaverit
quosdam, quos tamen in eum credidisse dixit: qui
in hoc ingressu fidei si proficerent, amorem quo-
que humanæ gloriæ proficiendo superarent, quem

hoc loco minimè repetit.

^b Editi, in similitudinem. At MSS. in similitudine: juxta Græc.
et οὐ ποιῶν Philip. 2. 7.

Galat. 6.14. superaverat Apostolus, dicens, Mihi autem absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo. Ad hoc enim & ipse Dominus crucem suam, ubi eum dementia superbæ impietatis irrisit, in eorum qui in illum crederent frontibus fixit, ubi est quodammodo sedes verecundiæ, ut de nomine ejus fides non erubescat, & magis Dei gloriam quam hominum diligit.

TRACTATUS LIV.

Ab eo quod ait Iesus, Qui credit in me, non credit in me, sed in eum qui misit me: usque ad id, Quæ ego loquor, sicut dixit mihi Pater, sic loquor.

Iac. 4.6. *1. Pet. 5.6.* *Johann. 12.43.* *Johann. 8.28.* 1. **L**OQUENTE Domino nostro Iesu Christo apud Judæos, & tanta miraculorum signa faciente, quidam crediderunt prædestinati in vitam æternam, quos etiam vocavit oves suas: quidam verò non crediderunt, nec poterant credere, eò quòd occulto, nec tamen injusto judicio Dei fuerant excæcati & indurati, deservente illo qui superbis resistit, humilibus autem dat gratiam. Eorum autem qui crediderunt, alii usque adeo confitebantur ut palmarum ramis acceptis venienti occurserent, in eadem laudis confessione lætantes: alii verò ex principibus non audiebant confiteri, ut de synagoga non ejicerentur; quos notavit Evangelista dicens, quòd dilexerunt gloriam hominum magis quam gloriam Dei. Eorum etiam qui non crediderunt, alii erant postea creduti, quos prævidebat ubi ait, Cùm exaltaveritis filium hominis, tunc agnosceris quia ego sum: alii verò in eadem infidelitate mansuri, quorum imitatrix est etiam ista gens Judæorum, quæ postmodum debellata, ad testimonium Prophetiæ quæ de Christo scripta est, in toto penè orbe dispersa est.

Johan. 12.44. 2. His ita se habentibus, & sua jam propinquante passione, * *Iesus clamavit, & dixit,* unde lectio cœpit hodierna: *Qui credit in me, non credit in me, sed in eum qui misit me:* * & *qui videt me, videt*

Johan. 7.16. *Suprà tratt.* *29.* *Johan. 14.1.* *Johan. 12.12.* *Johan. 10.34.* *Psal. 81.6.* *cum qui misit me.* Jam dixerat quodam loco, Mea doctrina non est mea, sed ejus qui misit me. Ubi intelleximus eum doctrinam suam dixisse Verbum Patris quod est ipse; & hoc significasse dicendo, Mea doctrina non est mea, sed ejus qui me misit, quòd à seipso ipse non esset, sed haberet à quo esset. Deus enim de Deo, Filius Patris: Pater autem non Deus de Deo, sed Deus Pater Filii. Nunc autem quod ait, *Qui credit in me, non credit in me, sed in eum qui misit me,* quomodo intellecturi sumus, nisi quia homo apparebat hominibus, cùm lateret Deus? Et ne putarent hoc eum esse tantummodo quod videbant, talem ac tantum se volens credi, qualis & quantus est Pater, *Qui credit in me,* inquit, *non credit in me,* id est, in hoc quod videt: *sed in eum qui misit me,* id est, in Patrem. Sed qui credit in Patrem, necesse est eum credat esse Patrem: qui autem credit eum Patrem, necesse est ut credat eum habere Filium: ac per hoc qui credit in Patrem, necesse est ut credat in Filium. Sed ne quisquam hoc credat de unigenito Filio, quod de iis qui dicti sunt filii Dei secundum gratiam, non naturam, sicut ait Evangelista, De-

dit eis potestatem filios Dei fieri; unde & illud est quod ipse Dominus commemoravit in Lege dictum, Ego dixi dii estis, & filii excelsi omnes: propterea dixit, *Qui credit in me, non credit in me;*

Ane totum quod de Christo creditur, secundum hominem crederetur. Ille ergo, inquit, credit in me, qui non credit in me secundum id quod me videt, sed in eum qui me misit: ut cùm credit in Patrem, credat eum habere Filium sibi æqualem, & tunc verè credit in me. Nam si putaverit eum non habere nisi filios secundum gratiam, qui sunt ejus utique creatura, non Verbum, sed facta per Verbum; nec habere Filium æqualem sibi atque coæternum, semper natum, pariter incommutabilem, ex nullo dissimilem atque imparem; non credit in Patrem qui eum misit, quia non est hoc Pater qui eum misit.

3. Et ideo cùm dixisset, *Qui credit in me, non credit in me, sed in eum qui misit me:* ne putaretur sic voluisse Patrem intelligi tamquam Patrem multorum filiorum per gratiam regeneratorum, non unici Verbi æqualis sibi, continuò subjecit, *Et qui videt me, videt eum qui misit me.* Numquid ait, Qui videt me, non videt me, sed eum qui misit me: sicut dixerat, *Qui credit in me, non credit in me, sed in eum qui misit me?* Illud namque dixit, ne sicut videbatur, crederetur tantummodo filius hominis: hoc autem dixit, ut Patri credetur æqualis. Qui credit in me, inquit, non credit in hoc quod videt me, sed credit in eum qui misit me. Aut cùm credit in Patrem qui sibi æqualem genuit me, non quomodo me videt, sed sic credit in me, quomodo in eum qui misit me: usque adeo enim nihil distat inter eum & me, ut qui me videt

Dvideat eum qui me misit. Apostolos suos certè ipse Dominus Christus misit, quod eorum etiam nomen indicat: nam sicut Græcè angeli, Latinè nuntii vocantur, ita Græcè Apostoli, Latinè misi appellantur. Numquam tamen aliquis Apostolorum dicere auderet, *Qui credit in me, non credit in me, sed in eum qui misit me:* omnino enim non diceret, *Qui credit in me.* Credimus enim Apostolo, sed non credimus in Apostolum: non enim Apostolus justificat impium. Credenti autem in Eum qui justificat impium, deputatur fides ejus ad justitiam. Posset dicere Apostolus, Qui recipit me, recipit eum qui me misit: vel, Qui audit me, audit eum qui me misit: hoc enim eis ipse Dominus ait, Qui vos recipit, me recipit, & qui recipit me, recipit eum qui me misit. Quia dominus honoratur in servo, & pater in filio: sed pater tamquam in filio, dominus tamquam in servo. Filius autem unigenitus rectè dicere potuit, Credite in Deum, & in me credite: & quod nunc ait, *Qui credit in me, non credit in me, sed in eum qui misit me.* Non à se abstulit fidem credentis, sed noluit in forma servi remanere credentem: quoniam cùm quisque credit in Patrem qui eum misit, profectò credit in Filium, sine quo Patrem non esse cognoscit; & ita credit ut credat æqualem, quoniam sequitur, *Et qui videt me, videt eum qui me misit.*

4. Adtende cetera: *Ego lux in mundum veni, ut omnis qui credit in me, in tenebris non maneat.* *Dixit quodam loco discipulis suis, Vos estis lux mundi,* non potest civitas abscondi super montem constituta, neque accendunt lucernam, & ponunt eam sub modio, sed super candelabrum, ut luceat omnibus qui in domo sunt: sic luceat lumen vestrum coram hominibus, ut videant opera vestra bona, & glorificant Patrem vestrum qui in cælis est: non tamen eis dixit, *Vos lux venistis in mundum,* ut omnis qui credit in vos, in tenebris

non maneat. Nusquam hoc legi posse confirmo. A geli? Numquid per nubem? quæ quando sonuit ad Lumina ergo sunt omnes sancti: sed credendo ab eo illuminantur, à quo si quis recesserit tenebrabitur. Lumen autem illud quo illuminantur, à se recedere non potest; quia incommutabile omnino est. Credimus ergo lumini illuminato, sicut prophetæ, sicut apostolo: sed ideo illi credimus, ut non in ipsum credamus quod illuminatur, sed cum illo credamus in illud lumen à quo illuminatur; ut & nos illuminemur, non ab illo, sed cum illo à quo ille. Cùm autem dicit, *Vt omnis qui credit in me, in tenebris non maneat:* satis manifestat omnes se in tenebris invenisse: sed ne in eis tenebris maneant in quibus inventi sunt, debent credere in lucem quæ venit in mundum, quia per illam factus est mundus.

Johann. 12. 47. 5. Et si quis audierit, inquit, verba mea, & non custodierit, ergo non judico eum. Mementote quæ vos audisse in superioribus lectionibus novi; & qui obliti forte estis, recolite; & qui non adfueritis, sed adestis, audite quomodo dicit Filius, *Ego non judico eum:* cùm dicat alio loco, Pater non judicat quemquam, sed omne judicium dedit Filio: nisi quia intelligendum est, modò non judico eum. Quare non judicat modò? Attende quid sequitur: *Non enim veni, inquit, ut judicem mundum, sed ut salvificem mundum:* id est, ut salvum faciam mundum. Nunc ergo est tempus misericordiæ, pòst erit judicii: quia Misericordiam, inquit, & judicium cantabo tibi Domine.

6. Sed de ipso etiam futuro novissimo judicio D videte quid dicat: *Qui spernit me & non accipit verba mea, habet qui judicet eum: sermo quem locutus sum, ille judicabit eum in novissimo die.* Non ait, *Qui spernit me, & non accipit verba mea, ego non judico eum in novissimo die.* Hoc enim si dixisset, non video quomodo posset non esse contrarium illi sententiæ ubi ait, Pater non judicat quemquam, sed omne judicium dedit Filio. Cùm verò dixit, *Qui spernit me, & non accipit verba mea, habet qui judicet eum:* exspectantibus autem quisnam ille E esset, secutus adjunxit, *Sermo quem locutus sum, ille judicabit eum in novissimo die:* satis manifestavit semetipsum judicatorum in novissimo die. Seipsum quippe locutus est, seipsum annuntiavit, seipsum januam posuit, qua ipse ad oves pastor intraret. Aliter itaque judicabuntur qui non audierunt, aliter qui audierunt & contemserunt. Qui enim si ne Lege peccaverunt, ait Apostolus, sine Lege & peribunt: & qui in Lege peccaverunt, per Legem

judicabuntur.

Johann. 12. 49. 7. *Quia ego, inquit, ex meipso non sum locutus.* Ideo se dicit non locutum ex seipso, quia non est ex seipso. Jam hoc saepe diximus: jam hoc tamquam notissimum non docere, sed admonere debemus. *Sed qui misit me Pater, ipse mihi mandatum dedit quid dicam & quid loquar.* Non laboraremus, si cum eis nos loqui sciremus, cum quibus superiora locuti sumus, & cum eis ipsis non omnibus, sed quæ audierunt memoriâ retinenter. bus: nunc verò quia fortasse aliqui adsunt, qui G non audierunt, eisque sunt similes qui obliti sunt quod audierunt, propter illos perferant moras nostras qui audita meminerunt. Quomodo dat mandatum Pater unico Filio? Quo verbo loquitur Verbo, cùm sit ipse Filius unigenitum Verbum? Numquid per Angelum, cùm per ipsum creati sint An-

A geli? Numquid per nubem? quæ quando sonuit ad Filium, non propter ipsum sonuit, quod alibi dicit etiam ipse; sed propter alios quos oportebat ita audire. Numquid per sonum labii emissum? qui non habet corpus, nec aliquo locorum intervallo Filius à Patre separatur, ut sit inter illos aër medius, quo percussa vox fiat & in aurem veniat. Absit ut talia de illa incorporea & ineffabili substantia suspicemur. Filius unicus est Verbum Patris, & sapientia Patris, in illa sunt omnia mandata Patris. Neque enim Patris mandatum Filius aliquando nesciebat, ut eum neceesse esset ex tempore habere quod antea non habebat. Ita enim à Patre quod habet accepit, ut nascendo acceperit, dederitque illi gignendo. Nam & vita est, & accepit vitam utique nascendo, non priùs sine vita existendo. Quia & Pater habet vitam, & quod habet est: nec accepit tamen, quia non ex aliquo est. Filius autem accepit vitam, dante Patre à quo est: & ipse quod habet, est: habet enim vitam, & vita est. Ipsum audi loquentem: Sicut habet, inquit, *Iohann. 5. 26.* Pater vitam in semetipso, sic dedit & Filio vitam habere in semetipso. Numquid existenti, & non habenti dedit? Sed eo dedit quo genuit, qui vitam genuit, & vita genuit vitam. Et quia parem genuit, non imparem vitam: ideo dictum est, Sicut habet ipse vitam in semetipso, sic dedit & Filio vitam habere in semetipso. Vitam dedit, quia gignendo vitam, quid dedit nisi esse vitam? Et quia æterna est ipsa nativitas, numquam non fuit Filius qui est vita, numquam fuit Filius sine vita: & sicut est nativitas æterna, sic est qui natus est vita æterna. Ita & mandatum non quod Filius non habebat, Pater dedit: sed, sicut dixi, in sapientia Patris, quod est Verbum Patris, omnia mandata sunt Patris. Dicitur autem mandatum datum, quia non est à seipso cui dicitur datum: & hoc est dare Filio sine quo numquam Filius fuit, quod est gignere Filium qui numquam non fuit.

8. Sequitur autem, *Et scio quia mandatum ejus vita æterna est.* Si ergo vita æterna est ipse Filius, & vita æterna est mandatum Patris; quid aliud dictum est, quām ego sum mandatum Patris? Proinde & id quod adjungit, & dicit, *Quæ ego loquor, sicut dixit mihi Pater, sic loquor:* non accipiamus, dixit mihi, quasi Pater verba locutus sit unico Verbo, aut egeat Dei verbis Dei Verbum. Dixit ergo Pater Filio, sicut dedit vitam Filio: non quod nesciebat vel non habebat, sed quod ipse Filius erat. Quid est autem, *sicut dixit mihi sic loquor,* nisi verum loquor? Ita ille dixit ut verax, ita iste loquitur ut veritas. Verax autem genuit veritatem. Quid ergo jam diceret veritati? Non enim imperfecta erat veritas, cui verum aliquid adderetur. Dixit ergo veritati, quia genuit veritatem. Porrò ipsa veritas sic loquitur, ut ei dictum est: sed intelligentibus, quos docet ut nata est. Ut autem crederent homines quod intelligere nondum valent, ex ore carnis verba sonuerunt, & abierunt; transvolantes soni strepuerunt, peractis morulis temporum suorum: sed res ipsæ quarum signa sunt soni, trajectæ quodammodo in eorum memoriam qui audierunt, etiam ad nos per litteras quæ visibilia signa sunt, pervenerunt. Non sic loquitur veritas: intelligentibus mentibus intus loquitur, sine sono instruit, intelligibili luce perfundit. Qui ergo potest in ea b vide nativitatis ejus æternitatem, ipse illam sic

* Sic duo MSS. Ceteri verò ut in editis, verbum loquor.

† Sic MSS. At Lov. andire: editi alii, credere.

audit loquentem, sicut ei dixit Pater quod loqueretur. Excitavit nos ad magnum desiderium interioris dulcedinis suæ: sed crescendo capimus, ambulando crescimus, proficiendo ambulamus, ut pervenire possimus.

TRACTATUS LV.

Ab eo loco, Ante diem festum Paschæ, sciens Jesus quia venit hora ejus: usque ad id, Et cœpit lavare pedes discipulorum, & extergere linteo quo erat præcinctus.

I. COENA Domini secundum Johannem, adjuvante ipso, debitum est explicanda tractatibus, & ut nobis posse donaverit,

Johann. 13. 1. explananda. *Ante diem autem festum Paschæ, sciens Iesus quia venit hora ejus, ut transeat ex hoc mundo ad Patrem, cum dilexisset suos qui erant in mundo, in finem dilexit eos.*

Pascha, Fratres, non sicut quidam existimant, Græcum nomen est, sed Hebræum: opportunissimè tamen occurrit in hoc nomine quædam congruentia utrarumque linguarum.

Quia enim pati Græcè πάθεια dicitur, ideo Pascha passio putata est, velut hoc nomen à passione sit appellatum: in sua verò lingua, hoc est in Hebræa, Pascha transitus dicitur: propterea tunc primùm Pascha celebravit populus Dei, quando

Exodi 14. 29. ex Aegypto fugientes, rubrum mare transferunt. Nunc ergo figura illa prophetica in veritate completa est, cum sicut ovis ad immolandum ducitur

Isa. 53. 7. Christus, cuius sanguine illitis postibus nostris, id est, cuius signo crucis signatis frontibus nostris, à perditione hujus sæculi tamquam à captivitate vel

Exodi 12. 43. intermissione Aegyptia liberamur: & agimus saluberrimum transitum, cum à diabolo transimus ad Christum, & ab isto instabili sæculo ad ejus fundatissimum regnum. Ideo quippe ad Deum permanentem transimus, ne cum mundo transeunte transeamus. De hac nobis collata gratia Deum

Coloss. 1. 13. laudans Apostolus dicit, *Qui eruit nos de potesta-*

te tenebrarum, & transtulit in regnum Filii cari- tatis suæ. Hoc itaque nomen, id est, Pascha, quod

Latinè, ut dixi, transitus nuncupatur, velut interpretans nobis beatus Evangelista, *Ante diem, inquit, festum Paschæ, sciens Iesus quia venit hora ejus, ut transeat ex hoc mundo ad Patrem.* Ecce Pascha, ecce transitus. Unde, & quò? *De hoc scilicet mundo ad Patrem.* Spes membris in capite data est, quod essent illo transeunte sine dubio se- cutura. Quid ergo infideles, & ab hoc capite atque ab ejus corpore alieni, nonne & ipsi transeunt, quia non permanent? Transeunt planè & ipsi: sed aliud est transire de mundo, aliud est transire cum mundo? aliud ad Patrem, aliud ad hostem. Nam

& Aegyptii transierunt, non tamen transierunt per mare ad regnum, sed in mari ad interitum.

2. Sciens ergo Iesus quia venit hora ejus, ut transiret ex hoc mundo ad Patrem, cum dilexisset suos qui erant in mundo, in finem dilexit eos. Utique ut & ipsi de hoc mundo ubi erant, ad suum caput, quod

hinc transisset, ejus dilectione transirent. Quid est enim, in finem, nisi in Christum? Finis enim Legis Christus, ait Apostolus, ad justitiam omni credenti. Finis perficiens, non interficiens: finis quo usque eamius, non ubi pereamus. Sic omnino intel-

Rom. 10. 4. ligendum est, Pascha nostrum immolatus est Christus. Ipse est finis noster, in illum est transitus no- ster. Nam video posse ista verba evangelica quo-

A dam humano modo etiam sic accipi, tamquam usque ad mortem Christus dilexerit suos, ut hoc videatur esse, in finem dilexit eos. Humana est hæc sententia, non divina: neque enim nos huc usque ille dilexit, qui semper & sine fine nos diligit. Absit ut dilectionem morte finierit, qui non est morte finitus. Etiam post mortem quinque fratres suos dilexit dives ille superbus atque impius, & usque ad mortem nos dilexisse putandus est Christus? absit, Carissimi. Nequaquam ille nos diligendo usque ad mortem veniret, si dilectionem nostram morte finiret. Nisi forte ita sit intelligendum, in finem dilexit eos: Quia tantum dilexit eos, ut moreretur propter eos. Hoc enim testatus est dicens, Majorem *Iohann. 13. 13.* hac caritatem nemo habet, quām ut animam suam ponat quis pro amicis suis. Ita sanè non prohibemus intelligi, in finem dilexit, id est, usque ad mortem illum dilectio ipsa perduxit.

3. Et cœnâ, inquit, factâ, cum diabolus jam *Iohan. 13. 22.* mississet in cor, ut traderet eum Iudas Simonis Iscariotes:

* sciens quia omnia dedit ei Pater in manus, v. 3.

& quia à Deo exitit, & ad Deum vadit, * surgit à v. 4.

cœna, & ponit vestimenta sua. Et cum accepisset lin-

teum, præcinxit se. * Deinde mittit aquam in pelvem, v. 5.

& cœpit lavare pedes discipulorum: & exter gere lin-

teo quo erat præcinctus. Non ita debemus intelli-

gere cœnam factam veluti jam consummatam at-

que transactam: adhuc enim cœnabatur, cùm

Dominus surrexit & pedes lavit discipulis suis. Nam

postea recubuit, & buccellam suo traditori postea

dedit, utique cœnâ nondum finitâ, hoc est dum

adhuc panis esset in mensa. Cœnâ ergo factâ, di-

ctum est, jam paratâ, & ad convivantium men-

sam usumque perductâ.

4. Quod autem ait, *Cum diabolus jam mississet in cor, ut traderet eum Iudas Simonis Iscariotes.* Si

quæris quid missum sit in cor Judæ, hoc utique, ut traderet eum. Missio ista, spiritalis suggestio est:

non fit per aurem, sed per cogitationem; ac per

hoc non corporaliter, sed spiritaliter. Neque enim

E spiritale quod dicitur, semper in laude accipien-

dum est. Novit Apostolus quædam spiritalia ne-

quitiæ in cœlestibus, adversus quæ nobis collecta-

Ephes. 6. 11. tionem esse testatur: non autem essent etiam maligna spiritalia, si non essent etiam maligni spiritus.

A spiritu enim spiritalia nominantur. Sed quomo-

do ista fiant ut diabolicæ suggestiones immittan-

F tur, & humanis cogitationibus misceantur, ut eas

tamquam suas deputet homo, unde scit homo?

Nec dubitandum est etiam bonas suggestiones à

B bono spiritu ita latenter ac spiritaliter fieri: sed in-

terest quibusnam earum mens humana consentiat,

divino auxilio vel deserta per meritum, vel adjuta

per gratiam. Factum ergo jam fuerat in corde Ju-

dæ per immissionem diabolicam, ut traderet dis-

pulus magistrum, sed quem non didicerat Deum.

Jam talis venerat ad convivium, explorator pasto-

ris, insidiator salvatoris, venditor redemptoris; jam

talis venerat, & videbatur, & tolerabatur, & se

G ignorari arbitrabatur: quia in eo quem volebat

fallere, fallebatur. At ille isto in ipso corde intus

inspecto, nesciente scienter utebatur.

5. Sciens quia omnia dedit ei Pater in manus.

Ergo & ipsum traditorem. Nam si eum in mani-

bus non haberet, non utique illo uteretur ut vellet.

Proinde jam traditor traditus erat ei quem tradere

cupiebat, atque ita malum tradendo faciebat, ut

de illo tradito bonum fieret quod nesciebat. Scie-

bat enim Dominus quid faceret pro amicis, qui patienter utebatur inimicis: ac si omnia dederat Pater in manus ejus, & in usum mala, & in effetum bona. Sciens etiam quia à Deo exit, & ad Deum vadit: nec Deum cùm inde exiret, nec nos deserens cùm rediret.

6. Hæc ergo sciens, surgit à cena, & ponit vestimenta sua: & cùm accepisset linteum, præcinxit se. Deinde mittit aquam in pelvem, & cœpit lavare pedes discipulorum, & extergere linteo quo erat præcinctus. Debemus, Dilectissimi, sensum Evangelistæ diligenter adtendere. Locuturus quippe de tanta Domini humilitate, priùs celsitudinem ejus voluit commendare. Ad hoc pertinet quod ait, *Sciens quia omnia dedit ei Pater in manus, & quia à Deo exit, & ad Deum vadit.* Cùm illi ergo omnia Pater dedisset in manus, ille discipulorum non manus, sed pedes lavit: & cùm se sciret à Deo exisse, & ad Deum pergere, non Dei Domini, sed hominis servi implevit officium. Ad hoc autem pertinet quod etiam de traditore ipsius, qui jam talis venerat, qui nec ab illo ignorabatur, præloqui voluit: ut hoc quoque ad maximum cumulum humilitatis accederet, quòd etiam illi non dignatus est pedes lavare, cuius manus jam prævidebat in scelere.

7. Quid autem mirum si surrexit à cena, & posuit vestimenta sua, qui cùm in forma Dei esset, semetipsum exinanivit? Et quid mirum si præcinxit se linteo, qui formam servi accipiens habitu inventus est ut homo? Quid mirum si misit aquam in pelvem unde lavaret pedes discipulorum, qui in terram sanguinem fudit, quo immunditiam dilueret peccatorum? Quid mirum, si linteo quo erat præcinctus, pedes quos laverat, tergit, qui carne qua erat indutus, Evangelistarum vestigia confirmavit? Et linteo quidem ut se præcingeret, posuit vestimenta quæ habebat: ut autem formam servi acciperet quando semetipsum exinanivit, non quod habebat depositum, sed quod non habebat accepit. Crucifigendus sanè suis expoliatus est vestimentis, & mortuus involutus est linteis: & tota illa ejus passio, nostra purgatio est. Passurus igitur exitia, præmisit obsequia: non solum eis pro quibus erat subiturus mortem, sed etiam illi qui eum fuerat traditurus ad mortem. Tanta est quippe humanæ humilitatis utilitas, ut eam suo commendaret exemplo etiam divina sublimitas: quia homo superbis in æternum periret, nisi illum Deus humilis inveniret. Venit enim filius hominis querere & salvum facere quod perierat. Perierat autem superbiam deceptoris secutus, ergo humilitatem redemptoris sequatur inventus.

TRACTATUS LVI.

Ab eo quod scriptum est, Venit ergo ad Simonem Petrum, &c. usque ad id, Qui lotus est, non indiget nisi ut pedes lavet, sed est mundus totus.

1. *C*um lavaret pedes discipulorum Dominus, Venit ad Simonem Petrum: & dicit ei Petrus, Domine, tu mihi lavas pedes? Quis enim non expavesceret lavari sibi pedes à Dei Filio? Quamvis itaque magnæ fuisset audacia contradicere servum domino, hominem Deo: tamen hoc Petrus facere maluit, quām perpeti ut sibi pedes lavarentur à Domino & Deo. Nec pu-

* Unus è MSS. quos tantum lavet.

A tare debemus hoc Petrum inter ceteros formidasse atque recusasse, cùm id alii ante ipsum libenter vel æquanimiter sibi fieri permisissent. Facilius quippe sic accipiuntur ista verba Evangelii, quia cùm dictum esset, Cœpit lavare pedes discipulorum, & extergere linteo quo erat præcinctus: deinde subiunctum est, *Venit ergo ad Simonem Petrum,* quasi aliquibus jam lavisset, & post eos venisset ad primum. Quis enim nesciat primum Apostolorum esse beatissimum Petrum? Sed non ita intelligendum est quòd post aliquos ad illum venerit: sed quòd ab illo cœperit. Quando ergo pedes discipulorum lavare cœpit, venit ad eum à quo cœpit, id est, ad Petrum: & tunc Petrus, quod etiam quilibet eorum expavisset, expavit, atque ait, *Domine, tu mihi lavas pedes?* Quid est, tu? Quid est, mihi? Cogitanda sunt potius quām dicenda: ne forte quod ex his verbis aliquatenus dignum concipit anima, non explicet lingua.

2. Sed respondit Iesus, & dixit ei, *Quod ego facio, tu nescis modò, scies autem postea.* Nec tamen ille Dominici facti altitudine exterritus, permittit fieri, quod cur fieret ignorabat: sed usque ad suos pedes humilem Christum adhuc non vult videre, non potest sustinere. *Non lavabis mihi, inquit, pedes in æternum.* Quid est, in æternum? Numquam hoc feram, numquam patiar, numquam sinam: hoc quippe in æternum non fit, quod numquam fit. Tum salvator ægrum reluctantem de ipsius salutis periculo exterrens, *Si non lavero te, inquit, non habebis partem mecum.* Ita dictum est, *Si non lavero te,* cùm de solis pedibus ageretur: quomo- do dici adsolet, *Calcas me,* quando sola planta calcatur. At ille amore & timore perturbatus, & plus expavescens Christum sibi negari, quām usque ad suos pedes humiliari: *Domine, ait, non tantum pedes meos: sed & manus & caput.* Quando quidem sic minaris, lavanda tibi membra mea, non solum ima non subtraho, verū etiam prima substerno. Ne mihi neges capiendam tecum partem, nullam tibi nego abluendam mei corporis partem.

3. Dicit ei Iesus, *Qui lotus est, non habet opus nisi pedes lavare, sed est mundus totus.* Hic moveatur fortassis quis, & dicat, Immo si mundus est totus, quid ei opus est vel pedes lavare? Dominus autem neverat quod dicebat, etiamsi nostra infirmitas ejus secreta non penetrat. Verumtamen quantum nos erudire, & ex lege sua docere dignatur, pro captu meo, pro modulō meo, aliquid etiam ego de hujus quæstionis profunditate illo adjuvante respondeam: ac primùm ipsam locutionem non sibi esse contrariam facillimè ostendam. Quis enim non ita rectissimè loqui possit, Mundus est totus præter pedes? Elegantiū autem loquitur si dicit, Mundus est totus nisi pedes, * quod tantumdem valet. Hoc ergo ait Dominus, *Non habet opus nisi pedes lavare, sed est mundus totus.* Totus utique præter pedes, vel nisi pedes, quos habet opus lavare.

4. Sed quid est hoc? quid sibi vult? quid hoc necessarium est ut quæramus? Dominus dicit, veritas loquitur, quod opus habeat pedes lavare etiam ille qui lotus est. Quid, Fratres mei, quid putatis? nisi quia homo in sancto quidem baptismo totus abluitur, non præter pedes, sed totus omnino: verumtamen cùm in rebus humanis postea vivitur,

vivitur, utique terra calcatur. Ipse igitur humani affectus, sine quibus in hac mortalitate non vivitur, quasi pedes sunt, ubi ex humanis rebus afficiuntur, & sic afficiuntur, ut si dixerimus, quia peccatum non habemus, nos ipsos decipiamus, & veritas in nobis non sit. Quotidie igitur pedes lavat nobis, qui interpellat pro nobis: & quotidie nos opus habere ut pedes lavemus, id est, vias spiritualium gressuum dirigamus, in ipsa oratione Dominica confitemur, cum dicimus, Dimitte nobis debita nostra, sicut & nos dimittimus debitoribus nostris. Si enim confiteamur, sicut scriptum est, peccata nostra, profecto ille qui lavit pedes discipulorum suorum, fidelis est & justus qui dimittat nobis peccata, & mundet nos ab omni iniquitate, id est, usque ad pedes quibus conversamur in terra.

5. Proinde Ecclesia quam mundat Christus la-
vacio aquæ in verbo, non solum in illis est sine ma-
culâ & ruga, qui post lavacrum regenerationis con-
tinuò ex hujus vitæ contagione tolluntur, nec cal-
cant terram ut opus habeant pedes lavare, verum
etiam in iis quibus istam misericordiam præbens
Dominus, fecit eos de sæculo isto lotis etiam pedi-
bus emigrare. In his autem qui hic demorantur,
etiamsi munda sit, quoniam justè vivunt: opus
tamen habent pedes lavare, quoniam sine peccato
utique non sunt. Propter hoc dicit in Cantico
canticorum, Lavi pedes meos, quomodo inquinabo
illos? Dicit enim hoc cum cogitur ad Christum
venire, & terram calcare cum venit. Alia quæstio
rursus exoritur. Nonne Christus sursum est? Non-
ne adscendit in cælum, & sedet ad dexteram Pa-
tris? Nonne Apostolus clamat, & dicit, Si ergo
resurrexisti cum Christo, quæ sursum sunt sapite,
ubi Christus est ad dexteram Dei sedens, quæ sur-
sum sunt quærite, non quæ super terram? Quo-
modo ergo ut ad Christum eamus, terram calcare
compellimur: cum potius nobis sursum cor ha-
bendum sit ad Dominum, ut cum illo esse possi-
mus? Videtis Fratres hodierni temporis angustias
istam coartare quæstionem. Quod & si vos fortè
minùs videtis, ego utcumque video quantæ dis-
putationis indigeat. Unde peto ut eam potius sus-
pendi, quam vel negligentius vel angustius pertra-
ctari, non fraudata, sed dilata exspectatione pa-
tiamenti. Aderit enim Dominus qui nos debitores
facit, ut faciat etiam redditores.

TRACTATUS LVI.

*Quoniam modo Ecclesia timeat inquinare pedes,
dum pergit ad Christum.*

1. **N**ON immemor mei debiti, jam reddendi tempus agnosco. Donet unde redam, qui donavit ut debeam. Donavit enim dilectionem, de qua dictum est, Nemini quidquam debeatis, nisi ut invicem diligatis: donet etiam sermonem, quem video me debere dilectis. Exspectationem vestram ad hoc nempe distuleram, ut explicarem sicut possem, quemadmo-
dum etiam per terram veniatur ad Christum: cum potius jubeamur quæ sursum sunt quærere, non quæ super terram. Sursum enim Christus est sedens ad dexteram Patris: sed profecto & hic est, propter quod & Saulo in terra sœvienti dicit, Quid me persequeris? Ut autem hoc quærendum suscipieremus, id tractabatur quod pedes Dominus

A discipulis lavit, cum jam ipsi discipuli loti essent, nec opus haberent nisi pedes lavare. Ubi visum est intelligendum, quod baptismus quidem homo totus abluitur: sed dum isto postea vivit in sæculo, humanis affectibus terram velut pedibus calcans, ipsa scilicet conversatione vitæ hujus contrahit unde dicat, Dimitte nobis debita nostra. Ac sic etiam Matth. 6. inde mundatur ab eo qui pedes lavit discipulis suis, Iohann. 13. 5. nec desinit interpellare pro nobis. Hinc occur- Rom. 8. 34. runt ex Cantico canticorum Ecclesiæ verba di- centis, Lavi pedes meos, quomodo inquinabo eos? Cant. 5. 3. cum vellet ire, & aperire ei qui venerat ad eam, & pulsaverat, sibique aperiri poposcerat, ille specio- Psal. 44. 3. sus formâ pœ filii hominum. Hinc quæstio nata est quam coartare noluimus angustiis temporis, ideoque distulimus, quoniam modo Ecclesia timeat inquinare pedes, dum pergit ad Christum, quos baptimate laverat Christi.

2. Sic enim ait, Ego dormio, & cor meum vi- Cant. 5. 22. gilat: vox fratuelis mei pulsat ad januam. Dein C de dicit etiam ipse, Aperi mihi soror mea, proxima mea, columba mea, perfecta mea: quia caput meum repletum est rore, & crines mei noctis gut- tis. Et respondet illa, Exui me tunica mea, quo- v. 3. modo induam eam? Lavi pedes meos, quomodo inquinabo illos? O admirabile sacramentum! ô grande mysterium! Ergone timet inquinare pedes, veniendo ad eum qui lavit suorum discipulorum pedes? Timet certè, quia per terram venit ad eum, qui etiam in terra est, quia suos hic constitutos D non deserit. An non ipse ait, Ecce ego vobiscum Matth. 28. sum usque ad consummationem sæculi? An non ipse ait, Videbitis cælos apertos, & Angelos Dei Iohann. 1. 51. adscendentes & descendentes ad filium hominis: Si adscendunt ad eum propterea quia sursum est, quomodo ad eum descendunt, si non etiam hic est? Dicit ergo Ecclesia, Lavi pedes meos, quo- modo inquinabo eos? In eis hoc dicit qui possunt omni fæce mundati dicere, Cupio dissolvi & esse Philip. 1. 23. cum Christo, permanere autem in carne magis & 24. necessarium propter vos. In eis hoc dicit qui prædicant Christum & aperiunt illi ostium, ut habi- Ephes. 13. 17. tet per fidem in cordibus hominum. In his hoc di- cit, cum deliberant, utrum ministerium tale susci- piant, cui se minùs idoneos existimant, ut sine cul- pa impleant, ne fortè aliis prædicantes, ipsi reprobi- 1. Cor. 9. 27. fiant. Tutiùs enim veritas auditur quam prædicatur: quoniam cum auditur, humilitas custoditur: cum autem prædicatur, vix non subrepit cuivis ho- minum quantulacumque jaætantia, in qua utique F inquinantur pedes.

3. Ergo ut Apostolus Jacobus dicit, Sit omnis homo velox ad audiendum, tardus autem ad lo- quendum. Dicit & alius homo Dei, Auditui meo Psal. 50. 10. dabis gaudium & lætitiam, & exultabunt ossa hu- miliata. Hoc est quod dixi, Cum veritas auditur, humilitas custoditur. Dicit & alius, Amicus autem Iohann. 3. 29. sponsi stat & audit eum, & gaudio gaudet propter vocem sponsi. Fruamur auditu, sine strepitu nobis loquente intrinsecus veritate. Quamquam etiam cum forinsecus insonat per legentem, per annun- tiatorem, per prædicantem, per disputantem, per præcipientem, per consolantem, per exhortantem, per ipsum etiam cantantem atque psallentem: ipsi qui hæc agunt, inquinare pedes suos timeant, cum placere hominibus subrepente amore humanæ laudis affectant. Ceterum qui eos audit libenter & pie, non habet locum jaætandi se in laboribus alienis: &

T t

non inflatis ossibus, sed humiliatis gaudio gaudet propter vocem Dominicæ veritatis. Proinde in eis qui libenter & humiliter audire noverunt, & vitam quietam in studiis dulcibus & salubribus agunt, sancta delicietur Ecclesia, & dicat, Ego dormio, & cor meum vigilat. Quid est, Ego dormio, & cor meum vigilat: nisi, ita quiesco ut audiam? Otium meum non impenditur nutriendæ desidiæ, sed percipiendæ sapientiæ. Ego dormio, & cor meum vigilat: vaco, & video, quoniam tu es Dominus: quia sapientia scribæ in tempore otii; & qui minoratur actu, ipse percipiet eam. Ego dormio, & cor meum vigilat: ego requiesco à negotiosis actibus, & animus meus divinis se intendit affectibus.

4. Sed in iis qui isto modo suaviter & humilianter requiescant, dum otiosè oblectatur Ecclesia, ecce pulsat ille qui ait, Quæ dico vobis in tenebris, dicite in lumine, & quod in aure auditis, prædicate super teœta. Vox ergo ejus pulsat ad januam, & dicit, Aperi mihi soror mea, proxima mea, columba mea, perfecta mea, quia caput meum repletum est rore, & crines mei noctis guttis. Velut si dicaret, Tu vacas, & contra me ostium clausum est: tu studes otio paucorum, & abundante iniquitate refrigescit caritas multorum. Nox quippe, iniquitas est: ros verò ejus & guttae, hi sunt qui refrigerescunt & cadunt, & faciunt refrigerescere caput Christi, hoc est, ut non ametur Deus. Caput enim Christi Deus. Sed portantur in crinibus, id est, in sacramentis visilibus tolerantur: nequaquam interiora sensus adtingunt. Pulsat ergo ut excutiat quietem sanctis otiosis, & clamat, Aperi mihi, de sanguine meo soror mea, de accessu meo proxima mea, de spiritu meo columba mea, de sermone meo quem pleniùs ex otio didicisti perfecta mea, aperi mihi, prædica me. Ad eos quippe qui clauerunt contra me, quomodo intrabo sine aperiente? Quomodo enim audient sine prædicante?

5. Hinc fit ut etiam hi qui amant otium studiorum bonorum, & nolant perpeti laboriosarum molestias actionum, eo quod minùs idoneos ad hæc ministranda, & sine reprehensione agenda se sentiunt, malling, si fieri posset, sanctos Apostolos & prædicatores veritatis antiquos excitari adversus abundantiam iniquitatis, qua fervor friguit caritatis. Sed in eis qui jam de corpore exierunt, & carnis indumento exscoliati sunt, (neque enim ab ea separati sunt,) respondet Ecclesia, Exui me tunicâ meâ, quomodo induam eam? Recipietur quidem illa tunica, & in eis qui jam exuti sunt, rursus vestietur carne Ecclesia: non tamen nunc quando ferre faciendi sunt frigidi, sed tunc quando resurrecti sunt mortui. Passa ergo difficultatem propter inopiam prædicatorum, & recolens illa sua membra sana sermonibus, sancta moribus, sed jam exuta corporibus, ingemit & dicit Ecclesia, Exui me tunicâ meâ, quomodo induam eam? Membra illa mea quæ Christo aperire evangelizando excellentissimè potuerunt, quomodo ad corpora quibus exuta sunt, redire nunc possunt?

6. Deinde respiciens ad eos qui prædicare, & populos adquirere ac regere, ac sic Christo aperire utcumque possunt, sed in his difficultatibus actionum peccare metuunt, Lavi, inquit, pedes meos, quomodo inquinabo illos? Quisquis enim in verbo non offendit, hic perfectus est vir. Et quis est perfectus? quis est qui non offendit in tanta abundantia iniquitatis, tanto frigore caritatis? Lavi pedes

A meos, quomodo inquinabo eos? Quandoquidem lego, & audio, Nolite multi magistri fieri Fratres, ibidem 1. quoniam majus judicium sumitis: in multis enim offendimus omnes. Lavi pedes meos, quomodo inquinabo eos? Sed ecce surgo, & aperio. Christe lava eos, Dimitte nobis debita nostra, quoniam non est extincta caritas nostra: quia & nos dimittimus debitoribus nostris. Quando te audimus, exsultant tecum in cœlestibus ossa humiliata. Sed quando te prædicamus, terram calcamus ut tibi aperiamus: & ideo si reprehendimur, perturbamur; si laudamur, inflamur. Lava pedes nostros antè mundatos, sed cum ad aperiendum tibi per terram pergimus inquinatos. Hæc vobis hodie fatis sint, Dilectissimi. Si quid secus quam oportuit dicentes fortassis offendimus, vel laudibus vestris immoderatus quam oportuit elevati sumus; impetrare mundationem pedibus nostris, Deo placentibus orationibus vestris.

TRACTATUS LVIII.

Ab eo quod Dominus dicit, Et vos mundi estis, sed non omnes: usque ad id, Exemplum dedi vobis, ut quemadmodum ego feci vobis, ita & vos faciatis.

1. **J**AM illa verba Evangelii, ubi Dominus lavans pedes discipulis suis, ait, Qui lotus est semel, non habet necessitatem nisi pedes lavare, sed est mundus totus, Dilectioni Vestrae, ut Dominus donare dignatus est, exposuimus: nunc quod sequitur videamus. *Et vos, inquit, mundi estis, sed non omnes.* Hoc quid sit ne quæreremus, ipse Evangelista patefecit, adjungens, *Sciebat enim quis. nam esset qui tradiceret eum: propterea dixit, Non estis mundi omnes.* Quid hoc apertius? Proinde ad sequentia transeamus.

2. *Postquam ergo lavit pedes eorum, & accepit vestimenta sua, cum recubuisse iterum, dixit eis, Scitis quid fecerim vobis?* Nunc est ut beato Petro redditur illa promissio: dilatus enim fuerat, quando expavescendi & dicenti, Non lavabis mihi pedes in æternum, resonsum est ei, Quod ego facio, tu nescis modò, scies autem postea. Ecce est ipsum postea: jam tempus est ut dicatur, quod paulò antè dilatum est. Memor itaque Dominus se promisisse jam dudum scientiam facti sui tam inopinati, tam mirabilis, tam expavescendi, & nisi ipse vehementer terruisset, nullo modo sinendi, ut magister non tantum ipsorum, sed Angelorum, & Dominus non tantum ipsorum, sed rerum omnium, lavaret pedes discipulorum & servorum suorum. Hujus ergo tanti facti quoniam promiserat scientiam dicens, *Scies autem postea, quid sit quod fecit, docere nunc incipit.*

3. *Vos, inquit, vocatis me magister & Domine, & bene dicitis: sum etenim. Bene dicitis, quia verum dicitis: sum quippe quod dicitis. Homini præceptum est, Non te laudet os tuum, sed laudet te os proximi tui.* Periculosest enim sibi placere, cui cavendum est superbire. Ille autem qui super omnia est, quantumcumque se laudet, non se extollit excelsus: nec potest rectè dici arrogans Deus. Nobis namque expedite eum nosse, non illi: nec eum quisque cognoscit, si non se indicet ipse qui novit. Si ergo non se laudando quasi arrogantiam vitare voluerit, nobis sapientiam denegabit. Et magistrum quidem quod se esse dicit, nemo reprehenderet,

Cit. in Q. **Cecilium.** **In Oratore.** **2. Cor. 12.6.** **1. Cor. 1.31.** **Psal. 33.3.** **Iohann. 13. v. 14.** **S. Benedic-**
etiam qui eum nihil esse aliud quam hominem cre-
deret: quoniam id profitetur, quod & ipsi homines
in quibuslibet artibus usque adeo sine arrogantia
profidentur, ut professores vocentur. Quod verò
dominum & ipse se dicit discipulorum suorum, cùm
sint illi etiam secundum sacerdolum ingenui, quis fe-
rat in homine? Sed Deus loquitur. Nulla est hīc
elatio tantæ celitudinis, nullum mendacium veri-
tatis: nobis subjacere illi utile est celitudini, nobis
servire utile est veritati. Quod se Dominum dicit,
non illi vitium est, sed nobis beneficium. Cujusdam
sacerdotalis auctoris verba laudantur, quia dixit,

B. **Cum omnis arrogantia odiosa est, tum illa ingenii &**
eloquentiae multò molestissima, & tamen idem ip-
se cùm de sua eloquentia loqueretur, Dicerem, in-
quit, perfectam, si ita judicarem, nec in veritate
crimen arrogantiae pertimescerem. Si igitur ille ho-
mo eloquentissimus in veritate arrogantiam non ti-
meret, quomodo arrogantiam ipsa veritas timet?
Dicat se Dominum qui Dominus est, dicat verum
qui Veritas est: ne non discam ego quod utile est,
dum tacet ille quod est. Beatissimus Paulus, non
utique unigenitus Dei Filius, sed unigeniti Dei Filii
servus & apostolus; non veritas, sed particeps veri-
tatis; ait liberè & constanter, Et si voluero gloria-
ri, non ero insipiens, veritatem enim dico. Neque
enim in seipso, sed in ipsa veritate quæ superior est
ipso, & humiliter & veraciter gloriaretur: quoniam
& ipse præcepit, ut qui gloriatur, in Domino glo-
rietur. Itane non timeret insipientiam, si gloriari
vellet amator sapientiae: & in gloria sua timeret in-
sipientiam ipsa sapientia? Non timuit arrogantiam
qui dixit, In Domino laudabitur anima mea: & in
laude sua timeret arrogantiam potestas Domini, in
quæ laudatur anima servi? Vos, inquit, vocatis me
Magister & Domine, & bene dicitis; sum etenim. Ideo
bene dicitis, quia sum: nam si non essem quod di-
citis, malè diceretis, etiamsi me laudaretis. Quo-
modo ergo negaret veritas, quod dicunt discipuli
veritatis? quomodo quod dicunt qui didicerunt,
negaret ipsa unde didicerunt? quomodo fons ne-
gat, quod bibens prædicat? quomodo lux occul-
tat, quod videns indicat?

F. **4. * Si ergo, inquit, ego lavi pedes vestros Domi-**
nus & Magister, debetis & vos alterius lavare
pedes. * Exemplum enim dedi vobis, ut quemadmodum
ego feci vobis, & vos ita faciatis. Hoc est beate Pe-
tre quod nesciebas, quando fieri non sinebas. Hoc
tibi postea sciendum promisit, quando ut sinneres
terruit te Magister tuus & Dominus tuus, lavans
pedes tuos. Didicimus, Fratres, humilitatem ab ex-
celso: faciamus invicem humiles, quod humiliter
fecit excelsus. Magna est hæc commendatio hu-
militatis: & faciunt sibi hoc invicem fratres, etiam
opere ipso visibili, cùm se invicem hospitio reci-
piunt: est enim apud plerosque consuetudo hujus
humilitatis, usque ad factum quo cernatur expressa.
Unde Apostolus cùm viduam bene meritam com-
mandaret, Si hospitio, inquit, recepit, si sancto-
rum pedes lavit. Et apud sanctos ubicumque hæc
consuetudo non est, quod manu non faciunt, cor-
de faciunt, si in illorum numero sunt quibus dicitur
in Hymno beatorum trium virorum, Benedicite
sancti & humiles corde Domino. Multò autem est
melius, & sine controversia verius, ut etiam ma-
nibus fiat; nec dignetur quod fecit Christus, fa-
cere Christianus. Cùm enim ad pedes fratris incli-
natur corpus, etiam in corde ipso vel excitatur, vel si

Tom. III. Pars II.

A. jam inerat, confirmatur ipsius humilitatis affectus:

5. Sed excepto isto morali intellectu, ita nos
hujus Dominici facti altitudinem commendasse
meminimus, quod lavando pedes jam lotorum at-
que mundorum discipulorum, significaverit Domi-
nus propter humanos quibus in terra versamur affec-
tus, ut quantumlibet profecerimus in apprehen-
sione justitiae, sciamus nos sine peccato non esse:
quod subinde abluit interpellando pro nobis, cùm
oramus Patrem qui in cælis est, ut debita nostra
Math. 6: 12.
dimittat nobis, sicut & nos dimittimus debitori-
bus nostris. Quomodo ergo ad hunc intellectum
poterit pertinere hoc quod ipse postea docuit,
ubi sui facti exposuit rationem dicens, Si ergo ego
lavi vestros pedes Dominus & Magister, debetis &
vos alterius lavare pedes. Exemplum enim dedi
vobis, ut quemadmodum ego vobis feci, ita & vos fa-
ciatis? Numquid dicere possumus quod etiam fra-
ter fratrem à delicti poterit contagione mundare?
Immo verò id etiam nos esse admonitos in hujus
Dominici operis altitudine noverimus, ut confessi
invicem delicta nostra oremus pro nobis, sicut &
Christus interpellat pro nobis. Audiamus Aposto-
lum Jacobum hoc ipsum evidentissime præcipien-
tem & dicentem, Confitemini invicem delicta ve-
Iacob. 5: 16.
stra, & orate pro vobis. Quia & ad hoc Dominus
nobis dedit exemplum. Si enim ille qui ullum pec-
catum nec habet nec habuit nec habebit, orat pro
peccatis nostris, quantò magis nos invicem pro no-
stris orare debemus? Et si dimittit nobis ille cui non
D. habemus quod dimittamus, quantò magis dimit-
tere nobis debemus invicem, qui sine peccato hīc
vivere non valemus? Quid enim videtur in hac al-
titudine sacramenti Dominus significare, cum dicit,
Exemplum enim dedi vobis, ut quemadmodum ego
feci vobis, ita & vos faciatis: nisi quod apertissime
dicit Apostolus, Donantes vobis metipis, si quis
adversus aliquem habet querelam, sicut & Domi-
minus donavit vobis, ita & vos? Invicem itaque no-
bis delicta donemus, & pro nostris delictis invicem
oremus, atque ita quodammodo invicem pedes no-
stris lavemus. Nostrum est, donante ipso, ministe-
rium caritatis & humilitatis adhibere: illius est ex-
audire, ac nos ab omni peccatorum contaminatio-
ne mundare per Christum, & in Christo, ut quod
aliis etiam dimittimus, hoc est in terra solvimus,
solvatur in cælo.

TRACTATUS LIX.

Ab eo quod Dominus dicit, Amen, amen dico vobis,
non est servus major domino suo: usque ad id, Qui
autem me accipit, accipit eum qui misit me.

I. AUDIVIMUS in sancto Evangelio lo-
quentem Dominum atque dicentem,
* Amen, amen dico vobis, non est servus **Iohann. 13: v. 16.**
major domino suo, neque apostolus major eo qui misit
illum: * si hæc scitis, beati eritis si feceritis ea. Hoc **v. 17.**
ideo dixit, quia laverat discipulorum pedes, magi-
ster humilitatis & verbo & exemplo: sed poteri-
mus ea quæ sunt operiosius differenda ipso adjuvan-
te differere, si non in eis quæ manifesta sunt immo-
remur. Cùm ergo hæc Dominus præmisisset, ad-
junxit, Non de omnibus vobis dico, ego scio quos ele- **v. 18.**
gerim: sed ut impleatur Scriptura, Qui manducat pa- **Psal. 40: 10.**
nem mecum, levabit super me calcaneum suum. Hoc
quid est aliud, nisi conculcabit me? Notum est de
quo loquatur, Judas ille traditor ejus adtingitur,

Tt ij

Ergo ipsum non elegerat, unde ab eis quos elegit, A & hoc intelligi, quoniam geminæ est ille gigas substantiæ, qui exultavit ad currēdā viam: Verbuī enim caro factum est, hoc est, Deus homo factus est. Proinde ita dixisse posset videri, *Qui accipit si quem misero, me accipit secundūm hominem: Qui autem me secundūm Deum accipit, accipi eum qui me misit.* Sed cūm ista dicebat, non ab illo naturæ unitas; sed in eo qui mittitur, mittentis commendabatur auctoritas. Sic itaque eum qui missus est unusquisque accipiat, ut in illo eum qui misit attendat. Si ergo adtendas Christum in Petro, invenies discipuli præceptorem: si autem adtendas Patrem in Filio, invenies Unigeniti Genitorem: ac sic in eo qui missus est, sine ullo accipis errore mittem. Ea quæ sequuntur in Evangelio, non sunt temporis brevitate coartanda. Et ideo sermo iste, Carissimi, velut ovium sanctorum cibus, si sufficit, salubriter capiatur: si exiguis est, desiderabiliter ruminetur.

1. Cor. ii. 29. 10an. 13. 19. Psal. 40. 10. Iohann. 6. 7. 1. Cor. ii. 29. 10an. 13. 19. Psal. 40. 10. Iohann. 13. 20. Occurrit Arianis. Iohann. 10. 8.

2. Deinde sequitur, & dicit, *Amen, amen dico vobis, qui accipit si quem misero, me accipit; qui autem me accipit, accipit eum qui me misit.* Tantumne distare intelligi voluit inter eum quem mittit & seipsum, quantum inter seipsum & Patrem Deum? Hoc si isto modo acceperimus, nescio quos gradus, quod absit, Arianorum more faciemus. Illi quippe cūm audiunt hæc evangelica verba, seu legunt, statim ad illos gradus sui dogmatis currunt, quibus non adscendunt ad vitam, sed præcipitantur in mortem. Continuò quippe dicunt, *Quantum Apostolus Filii distat à Filio, quamvis dixerit, Qui accipit si quem misero, me accipit: tantum & Filius distat à Patre, quamvis dixerit, Qui autem me accipit, accipit eum qui me misit.* Sed si hoc dicis, oblitus es hæretice gradus tuos. Si enim tanto intervallo propter hæc Domini verba Filium à Patre, quantum Apostolus distinguis à Filio, ubi positurus es Spiritum sanctum? Exciditne tibi, eum vos ponere solere post Filium? Erit ergo ipse inter Apostolum & Filium: & multò amplius distabit Filius ab Apostolo quam Pater à Filio. An fortè ut inter Filium & Apostolum, atque inter Patrem & Filium maneat paribus intervallis ista distinctio, æqualis erit Spiritus sanctus Filio? Sed nec hoc vultis. Ubi ergo eum posituri estis, si quanta Filium Patri, tanta Apostolum Filio discretionem supponitis? Cohibete itaque vestræ præsumptionis audaciam; & in his verbis nolite querere quantam Filii & Apostoli, tantam Patris Filiique distantiam. Ipsum Filium audite potius dicentem, *Ego & Pater unus sumus.* Ubi veritas vobis inter Genitorem & Unigenitum nullam distantia suspicionem reliquit, ubi gradus vestros Christus elisit, ubi scalas vestras petra confregit.

3. Sed hæreticorum calumniæ refutatæ, quoniam modo nos accepturi sumus hæc Dominica verba, *Qui accipit si quem misero, me accipit: qui autem me accipit, accipit eum qui me misit?* Si enim voluerimus intelligere ideo dictum, *Qui me accipit, accipit eum qui me misit,* quod unius naturæ sint Pater & Filius: consequens videbitur ex eorumdem verborum regula, qua dictum est, *Qui accipit si quem misero, me accipit, ut unius naturæ sit Filius & Apostolus.* Posset quidem non inconvenienter

C

D

E

F

G

H

I

J

K

L

M

N

O

P

Q

R

S

T

U

V

W

X

Y

Z

psal. 18. 6. Iohann. 1. 14.

TRACTATUS LX.

In illud, Cūm hæc dixisset Jesus turbatus est spiritu.

1. **N**ON parva, Fratres, ex Evangelio beati Johannis nobis proponitur quæstio, ubi ait, *Cūm hæc dixisset Jesus, turbatus est Iohann. 13. spiritu, & protestatus est, & dixit, Amen, amen dico vobis, quia unus ex vobis tradet me.* Hincne turbatus est Jesus, non carne, sed spiritu, quia dicturus fuerat, *Vnus ex vobis tradet me?* Numquidnam illi hoc tunc primùm venit in mentem, vel tunc primum ei subito revelatum est, eumque repentina tanti mali novitas turbavit? Nonne hinc paulò antè loquebatur dicens, *Qui manducat mecum panem, levabit super me calcaneum?* Nonne etiam jam superius dixerat, *Et vos mundi estis, sed non omnes?* Ubi Evangelista subjunxit, *Sciebat enim quisnam esset qui traderet eum:* quem jam & antè significaverat dicens, *Nonne ego vos duodecim elegi, & unus ex vobis diabolus est?* Quid est ergo quod nunc turbatus est spiritu, cūm protestatus est, & dixit, *Amen, amen dico vobis, quia unus ex vobis tradet me?* An quia eum jam fuerat expressurus, ut non lateret in ceteris, sed discerneretur à ceteris, ideo turbatus est spiritu? An quia ipse traditor jam fuerat exiturus, ut Judæos, quibus Dominus ab eo traderetur, adduceret, turbavit eum imminentis passio, & periculum proximum, & traditoris impendens manus, cuius fuerat præcognitus animus? Tale quippe hoc est quod Jesus turbatus est spiritu, quale etiam illud quod ait, *Nunc anima mea turbata est, & quid dicam?* Pater salva me ex hora 10an. 12. hac, sed propterea veni in horam hanc. Sicut ergo tunc ejus anima turbata est horâ propinquante passionis: ita etiam nunc exituro Juda atque venturo, & propinquante tanto scelere traditoris, *turbatus est spiritu.*

2. Turbatus est ergo potestatem habens ponendi animam suam, & potestatem habens iterum sumendi eam. Turbatur tam ingens potestas, turbatur petræ firmitas: an potius in eo nostra turbatur infirmitas? Ita verò: nihil indignum credant servi de Domino suo, sed agnoscent se membra in capite suo. Qui mortuus est pro nobis, turbatus est idem ipse pro nobis. Qui ergo potestate mortuus est, potestate turbatus est: qui transfiguravit corpus hu. Philip 3. 28 militatis nostræ conforme corpori gloriæ suæ,

transfiguravit etiam in se affectum infirmitatis nostræ, compatiens nobis affectu animæ suæ. Proinde quando turbatur magnus, fortis, certus, invictus, non ei timeamus quasi deficiat: non perit, sed nos querit. Nos, inquam, nos omnino sic querit: nos ipsos in illius perturbatione videamus, ut quando turbamur, non desperatione pereamus. Quando turbatur qui non turbaretur nisi volens, eum consolatur qui turbatur & nolens.

3. Pereant argumenta philosophorum, qui negant in sapientem cadere perturbationes animorum. Stultam fecit Deus sapientiam hujus mundi: *1. Cor. 1. 20.*

Psal. 93. 11. & Dominus novit cogitationes hominum, quoniam vanæ sunt. Turbetur planè animus Christianus, non miseriâ, sed misericordiâ: timeat ne pereant homines Christo, contristetur cum perit aliquis Christo; concupiscat adquiri homines Christo, lætitetur cum adquiruntur homines Christo: timeat & sibi ne pereat Christo, contristetur peregrinari se à Christo; concupiscat regnare cum Christo, lætitetur dum sperat se regnatum esse cum Christo. *C* Ista sunt certè quatuor quas perturbationes vocant, timor & tristitia, amor & lætitia. Habeant eas justis de caussis animi Christiani, nec philosophorum Stoicorum, vel quorumcumque similium consentiatur errori: qui profectò quemadmodum vanitatem existimant veritatem, sic stuporem depuant sanitatem; ignorantēs sic hominis animum, quemadmodum corporis membrum, desperatiū agrotare, quando & doloris amiserit sensum.

4. Sed dicit aliquis, Numquid animus Christiani debet etiam morte impendente turbari? Ubi est *Philip. 1. 23.* enim quod ait Apostolus, concupiscentiam se habere dissolvi & esse cum Christo: si illud quod concupiscit, potest eum turbare cum venerit? Facile est quidem istis ad hæc respondere, qui & ipsam lætitiam perturbationem vocant. Quid si enim propterea morte imminentे turbatur, quia morte imminente lætatur? Sed hoc, inquiunt, gaudium, non lætitia nominanda est. Quid est hoc, nisi easdem res sentire, & rerum nomina velle mutare? *E* Verum nos sacris litteris accommodemus auditum, & secundum ipsas potius istam quæstionem Dominino adjuvante solvamus: nec quoniam scriptum est, *Cum hæc dixisset Iesus, turbatus est spiritu, dicamus eum lætitiam fuisse turbatum;* ne verbis suis nos ipse convincat ubi dicit, Tristis est anima mea usque ad mortem. Tale aliquid etiam hinc intelligendum est, quando suo traditore jam tunc solo exituro, & cum suis sociis continuò reddituro, *Iesus turbatus est spiritu.*

5. Firmissimi quidem sunt Christiani, si qui sunt, qui nequaquam morte imminentے turbantur: sed numquid Christo firmiores? Quis hoc insanissimus dixerit? Quid est ergo quod ille turbatus est, nisi quia infirmos in suo corpore, hoc est in sua Ecclesia, suæ infirmitatis voluntaria similitudine consolatus est: ut si qui suorum adhuc morte imminentے turbantur in spiritu, ipsum intueantur, ne hoc ipso se putantes reprobos, pejore desperationis morte sorbeantur? Quantum itaque bonum de participatione divinitatis ejus exspectare & sperare debemus, cuius nos & perturbatio tranquillat, & infirmitas firmat? Sive ergo isto loco ipsum Judam pereuntem miserando turbatus est, sive sua morte propinquante turbatus est: non est tamen ullo modo dubitandum, non eum animi infirmitate, sed potestate turbatum; ne nobis desperatio salutis oriatur, quando

A non potestate, sed infirmitate turbamur. Carnis quippe ille gerebat infirmitatem, quæ infirmitas resurrectione consumta est. Sed qui non solum homo, verum etiam Deus erat, ineffabili distantia universum genus humanum animi fortitudine superabat. Non ergo aliquo est cogente turbatus, sed turbavit semetipsum, quod de illo evidenter expressum est, *Iohann. 11. 33.* quando Lazarum suscitavit: nam ibi scriptum est, quod turbaverit semetipsum, ut hoc intelligatur & ubi non scriptum legitur, & tamen eum legitur B fuisse turbatum. Affectum quippe humanum, quando oportuisse judicavit, in seipso potestate comovit, qui hominem totum potestate suscepit.

TRACTATUS LXI.

Ab eo quod Dominus ait, Amen, amen dico vobis quia unus ex vobis tradet me: usque ad id, Ille est cui ego tinctum panem porrexero.

1. **H**oc Evangelii capitulum, Fratres, ita nobis exponendum hac lectione propositum est: ut jam etiam de traditore Domini per panem tinctum eique porrectum satis evidenter expresso aliquid dicere debeamus. Et de illo quidem, quod eum jam demonstratus Jesus turbatus est spiritu, præterito sermone disserui: sed fortassis quod ibi non dixi, etiam hoc nobis Dominus significare sua perturbatione dignatus est, quod scilicet falsos fratres, & Dominicī agri illa zizania ita necesse est usque ad messis tempus inter frumenta tolerari, ut quando ex eis aliqua separari etiam ante messem urgens caussa compellit, fieri sine Ecclesiæ perturbatione non possit. Hanc perturbationem sanctorum suorum per schismaticos & hæreticos futuram, quodammodo prænuntians Dominus, præfiguravit in seipso, cum exituro Juda homine malo, & commixtionem frumenti, in qua diu fuerat toleratus, separatione apertissima relicturo, turbatus est non carne, sed spiritu. Spiritales enim ejus in hujusmodi scandalis non perversitate, sed caritate turbantur: ne forte in separatione aliquorum zizaniorum, simul aliquod eradiceret & triticum.

2. *Turbatus itaque est Iesus spiritu, & protestatus Iohann. 13. 11.* est, & dixit, Amen, amen dico vobis, quia unus ex vobis tradet me. Unus ex vobis, numero, non merito, specie, non virtute, commixtione corporali, non vinculo spiritali, carnis adjunctione, non cordis socius unitate: proinde non qui ex vobis est, sed qui ex vobis exiturus est. Nam quomodo erit verum quod protestatus est Dominus, & dixit, Unus ex vobis: si verum est quod ait idem ipse in Epistola sua, cuius est hoc Evangelium, Ex nobis exierunt, *1. Iohann. 2. 19.* sed non erant ex nobis: nam si fuissent ex nobis, mansissent utique nobiscum? Non erat igitur ex illis Judas: mansisset enim cum illis, si esset ex illis. Quid est ergo, Unus ex vobis tradet me: nisi, Unus ex vobis exiturus est, qui me tradet? Quia & ille qui ait, Si fuissent ex nobis, mansissent utique nobiscum: jam dixerat, Ex nobis exierunt. Ac per hoc utrumque verum est, & ex nobis, & non ex nobis: secundum aliud ex nobis, secundum aliud non ex nobis: secundum communionem sacramentorum ex nobis, secundum suorum proprietatem criminum non ex nobis.

3. *Adspiciebant ergo ad invicem discipuli, hæstan- 10. Iohann. 13. 22.* tes de quo diceret. Sic quippe in eis erat erga Magistrum suum pia caritas, ut tamen eos humana alterum de altero stimularet infirmitas. Nota quidem Tt iii

sibi erat cuiusque conscientia, verumtamen quia proximi erat ignota, ita sibi unusquisque erat certus, ut incerti essent & in ceteris singuli, & in singulis ceteri.

v. 23. 4. Erat ergo recumbens unus ex discipulis ejus in sinu Iesu, quem diligebat Iesus. Quid dixerit, in sinu,

v. 25. paulò post ait, ubi dicit, supra pectus Iesu. Ipse est Iohann. 21. Johannes cuius est hoc Evangelium, sicut postea manifestat. Erat enim eorum haec consuetudo qui

20. G 24. sacras litteras nobis ministrarunt, ut quando ab ali- quo eorum divina narrabatur historia, cum ad seip-

B sum veniret, tamquam de alio loqueretur; & sic se insereret ordini narrationis suæ, tamquam rerum gestarum scriptor, non tamquam sui ipsius prædi-

cator. Nam & hoc sanctus Matthæus fecit, qui cum in textu narrationis suæ venisset ad seipsum,

Matth. 9. 9. Vedit, inquit, in telonio sedentem quemdam pu- blicanum, nomine Matthæum, & ait illi, Sequere me. Non ait, Vedit me, & dixit mihi. Hoc fecit &

Exodi 6. 1. beatus Moyses, ita de seipso tamquam de alio cun- &c.

2. Cor. 12. 2. eta narravit, & ait, Dixit Dominus ad Moysen. C In usitatiū apostolus Paulus, non in historia, ubi

rerum gestarum suscipitur explicanda narratio, sed in Epistola hoc fecit. Nam utique de seipso ait, Scio

» hominem in Christo ante annos quatuordecim, sive

» in corpore, sive extra corpus, nescio, Deus scit,

» raptum hujusmodi usque in tertium cælum. Quo-

circa quod etiam hic beatus Evangelista non ait,

Eram recumbens in sinu Jesu, sed ait, Erat recum- bens unus ex discipulis: nostrorum auctorum con-

suetudinem agnoscamus potius quam miremur. Quid enim deperit veritati, quando & res ipsa dici-

tur, & modo quodam dicendi jactantia devitatur? Hoc quippe narrabat, quod ad ejus laudem maxi-

mam pertinebat.

5. Quid est autem, quem diligebat Iesus? Quasi

aliros non diligeret, de quibus idem ipse Johannes su-

periūs ait, In finem dilexit eos. Et ipse Dominus,

Majorem hac caritatem nemo habet, quam ut ani-

am suam ponat pro amicis suis. Et quis enumeret

omnia divinarum testimonia paginarum, quibus E

Dominus Jesus, non illius neque eorum quæ tunc

erant tantum, sed etiam post futurorum membro-

rum suorum, & totius Ecclesiæ suæ dilector ostendit?

Sed profectò latet hic aliquid, & pertinet

ad sinum in quo recumbebat qui ista dicebat. Per

sinum quippe quid significatur aliud quam secre-

tu? Sed alius est opportunitior locus, ubi nobis

Dominus aliquid donet de hoc secreto, quantum

sufficiat, dicere.

6. Innuit ergo Simon Petrus, & dicit et. Notanda F locutio est, dici aliquid non sonando, sed tantum-

modo innuendo: Innuit, inquit, & dicit: utique

innuendo dicit. Si enim cogitando aliquid dicitur,

sicut Scriptura loquitur, Dixerunt apud semetip-

pos: quantò magis innuendo, ubi jam foras quali-

buscumque signis promittur quod fuerat corde con-

ceptum? Quid ergo dixit innuendo? quid nisi quod

sequitur? Quis est de quo dicit? Hæc verba Petrus

innuit: quia non sono vocis, sed motu corporis di-

xit. Itaque cum recubuisse ille supra pectus Iesu. Hic G

est utique pectoris sinus, sapientiæ secretum. Dicit

w. 26. ei, Domine quis es? * Respondit Iesus, Ille est cui ego

tinctum panem porrexero. Et cum tinxisset panem, de-

w. 27. dit Iude Simonis Iscariotæ. * Et post panem, tunc in-

troivit in illum satanas. Expressus est traditor, nu-

dæ sunt latebræ tenebrarum. Bonum est quod

* Sic omnes MSS. At editi, quomodo non damnatur.

A accepit, sed malo suo accepit, quia malè bonum malus accepit. Verùm de isto pane tinteto qui porr̄ectus est factō, & de his quæ sequuntur, multa dicenda sunt: quibus necessarium est plus temporis, quam nunc habemus jam in istius fine sermonis.

TRACTATUS LXII.

Ab eo quod scriptum est, Et cum tinxisset panem, dedit Judæ: usque ad id, Nunc clarificatus est filius hominis.

1. **S** CIO, Carissimi, moveri posse nonnullos,

sive pios ut requirant, sive impios ut reprehendant, quod postea quam panem tintatum traditori suo Dominus dedit, intraverit in illum satanas. Sic enim scriptum est, Et cum tinxiſ-

set panem, dedit Iude Simonis Iscariotæ: * & post v. 26.

panem tunc introivit in illum satanas. Dicunt enim,

Itane hoc meruit panis Christi porrectus de mensa Christi, ut post illum intraret in ejus discipulum satanas? Quibus respondemus, hinc nos potius doceri, quam sit cavendum male accipere bonum.

Multum quippe interest, non quid accipiat, sed quis accipiat: nec quale sit quod datur, sed qualis sit ipse cui datur. Nam & bona obsunt, & mala

prosunt, sicut fuerint quibus dantur. Peccatum, Rom. 7. 13. inquit Apostolus, ut appareat peccatum, per bo-

num mihi operatum est mortem. Ecce per bonum factum est malum, dum male accipitur bonum. Itemque ipse ait, In magnitudine revelationum 2 Cor. 11. 7.

D mearum ne extollar, datus est mihi stimulus carnis * &c.

meæ, angelus satanæ qui me colaphizet: propter « quod ter Dominum rogavi, ut auferret eum à me, »

& dixit mihi, Sufficit tibi gratia mea, nam virtus in infirmitate perficitur. Ecce per malum factum est bonum, dum bene accipitur malum. Quid ergo

miraris si datus est Judæ panis Christi, per quem manciparetur diabolo: cum videas è contrario da-

tum Paulo angelum diaboli, per quem perficeretur in Christo? Ita & malo bonum obfuit, & ma-

lum bono profuit. Recordamini unde sit scriptum, Quicumque manducaverit panem, aut biberit ca-

licem Domini indignè, reus erit corporis & san- 1. Cor. 11. 27.

guinis Domini. Et de his erat sermo, cum hoc Apo-

stolus diceret, qui Domini corpus velut alium ci-

bum quemlibet indiscretè negligenterque sume-

bant. Hic ergo si corripitur qui non dijudicat, hoc est, non discernit à ceteris cibis Dominicum cor-

pus; quo modo damnatur qui ad ejus mensam

ingratus? tangit negligentia convivantis, qua pœna

percutitur venditor invitantis? Quid erat autem panis traditori datus, nisi demonstratio cui gratia

fuerit ingratus?

2. Intravit ergo post hunc panem satanas in Domini traditorem, ut sibi jam traditum pleniū possideret, in quem prius intraverat ut deciperet.

Neque enim non in illo erat quando perrexit ad Juddæos, & de pretio tradendi Domini pactus est,

cum hæc apertissimè Lucas Evangelista testetur & dicat, Intravit autem satanas in Judam, qui cognoscitabatur Iscariotes, unum de duodecim; & abiit, « &c.

& locutus est cum principibus sacerdotum. Ecce a ubi ostenditur quod jam intraverat satanas in Judam. Prius ergo intraverat, immittendo in cor

eius cogitationem qua traderet Christum: talis enim jam venerat ad coenandum. Nunc autem

post panem intravit in eum, non ut adhuc alienum tentaret, sed ut proprium possideret.

3. Non autem, ut putant quidam negligenter legentes, tunc Judas Christi corpus accepit. Intelligentium est enim, quod jam omnibus eis distribuerat Dominus sacramentum corporis & sanguinis sui, ubi & ipse Judas erat, sicut sanctus Lucas & 21. evidentissime narrat: ac deinde ad hoc ventum est, ubi secundum narrationem Johannis apertissime Dominus per buccellam tintam atque porrectam suum exprimit traditorem fortassis per panis B tinctionem, illius significans fictionem. Non enim omnia quae tinguuntur, abluuntur: sed ut inficiantur, nonnulla tinguuntur. Si autem bonum aliquid hinc significat tintio, eidem bono ingratum non immerito est secuta damnatio.

4. Adhuc tamen Judae possesto, non a Domino, sed a diabolo, cum homini ingrato intrasset panis in ventrem, hostis in mentem: adhuc, inquam, tanti mali jam corde concepti plenus restabat effectus, cuius jam præcesserat damnandus affectus. Itaque cum Dominus panis vivus paneum mortuo tradidisset, & panem tradendo panis traditorem ostendisset: *Quod facis, inquit, fac citius.* Non præcepit facinus: sed prædixit Judae malum, nobis bonum. Quid enim Judae pejus, & quid nobis melius quam traditus Christus, ab illo adversus illum, pro nobis præter illum? *Quod facis fac citius.* O verbum libentius parati, quam irati! o verbum non tam pœnam exprimens proditoris, quam mercedem significans Redemptoris! Dixit enim, *Quod facis fac citius*, non tam in perniciem perfidi sœviendo, quam ad salutem fidelium festinando: quia traditus est propter delicta nostra, & dilexit Ecclesiam, & semetipsum tradidit pro ea. Unde & de seipso dicit Apostolus, *Ephes. 5. 2.* Qui dilexit me, & tradidit seipsum pro me. Nisi ergo se traderet Christus, nemo traderet Christum. Quid habet Judas, nisi peccatum? Neque enim in tradendo Christo salutem nostram cogitavit, propter quam traditus est Christus, sed cogitavit pecuniae lucrum, & invenit animæ detrimentum. Accepit mercedem quam voluit, sed nolenti est data quam meruit. Tradidit Judas Christum, tradidit Christus seipsum: ille agebat negotium suæ venditionis, iste nostræ redēctionis. *Quod facis, fac citius;* non quia tu potes, sed quia hoc vult qui totum potest.

5. * *Hoc autem nemo scivit discubentium ad quid dixerit ei.* * Quidam enim putabant, quia loculos habebat Judas, quia dicit ei Iesus, *Eme ea quae opus sunt nobis ad diem festum*, aut egenis ut aliquid daret. Habebat ergo & Dominus loculos, & a fidelibus oblata conservans, & suorum necessitatibus & aliis indigentibus tribuebat. Tunc primùm Ecclesiastice pecuniae forma est instituta, ubi intelligeremus quod præcepit non cogitandum esse de crastino, non ad hoc fuisse præceptum, ut nihil pecuniae servetur a sanctis: sed ne Deo pro ista serviatur, & propter inopiæ timorem justitia deseratur. Nam & Apostolus in posterum providens, ait, *Si quis fidelis habet viduas, sufficienter tribuat eis, ut non gravetur Ecclesia, quod veris viduis sufficere possit.*

6. *Cum ergo accepisset ille buccellam, exiit continuo. Erat autem nox.* Et ipse qui exiit, erat nox.

* 31. *Cum ergo exiisset nox, Ait Iesus, Nunc clarificatus*

* MSS. plerique, factionem: minus bene, ut patet ex Tract. 61. n. 6

A est filius hominis. Dies ergo diei eruſtuavit verbum, id est, Christus discipulis fidelibus, ut audirent eum, & amarent sequendo: & nox nocti annuntiavit scientiam, id est, Judas Judæis infidelibus, ut venirent ad eum, & apprehenderent persequendo. Sed jam hinc in sermonem Domini, qui factus est ad pios, antequam teneretur ab impiis, intentior flagitatur auditor: & ideo eum præcipitare non debet, sed differre potius disputator.

TRACTATUS LXIII.

De eo quod Dominus ait, Nunc clarificatus est filius hominis: usque ad id, Et continuo clarificabit eum.

I. **N**TENDAMUS mentis obtutum, & adjuvante Domino, Deum requiramus. Divini cantici vox est, *Quærite Deum, & vivet anima vestra.* Quæramus inveniendum, quæramus inventum. Ut inveniendus quæratur, occultus est: ut inventus quæratur, immensus est. Unde alibi dicitur, *Quærite faciem ejus semper.* Satiat enim quærentem in quantum capit: & invenientem capaciorem facit, ut rursus quærat b impleri, ubi plus capere cœperit. Non ergo ita dictum est, *Quærite faciem ejus semper,* quemadmodum de quibusdam, Semper discentes, & ad scientiam veritatis numquam pervenientes: sed potius sicut ille ait, *Cum consummaverit homo, tunc incipit:* donec ad illam vitam veniamus, ubi sic impleamur, ut capaciores non efficiamur, quia ita perfecti erimus, ut jam non proficiamus. Tunc enim ostendetur nobis, quod sufficit nobis. Hinc autem semper quæramus, & fructus inventionis non sit finis inquisitionis. Neque enim propterea non semper, quia hinc tantum: sed ideo hinc semper dicimus esse quærendum, ne aliquando hinc putemus ab inquisitione cessandum. Nam & de quibus dictum est, Semper discentes, & ad veritatis scientiam numquam pervenientes: hinc sunt utique semper discentes: cum vero de hac vita exierint, jam non erunt discentes, sed erroris sui mercedem recipientes. Sic enim dictum est, Semper discentes, & ad veritatis scientiam numquam pervenientes: tamquam diceretur, Semper ambulantes, & ad viam numquam pervenientes. Nos autem semper ambulemus in via, donec eò veniamus, quod dicit via: nusquam in ea remaneamus, donec perducat ubi maneamus: atque ita, & quærendo tendimus, & inveniendo ad aliquid pervenimus, & ad id quod restat quærendo & inveniendo transimus, quo usque ibi fiat finis quærendi, ubi perfectioni non superest intentio proficiendi. Hæc prælocutio, Dilæctissimi, intentam fecerit Caritatem Vestram ad istum Domini sermonem, quem ad discipulos habuit ante passionem: profundus est enim, & utique ubi multum laboratus est disputator, non remissus debet esse auditor.

2. Quid ergo ait Dominus postea quam Judas exiit, ut citius ficeret quod erat facturus, hoc est, G Dominum traditurus? Quid ait dies, cum exisset nox? Quid ait Redemptor, cum exisset venditor? Nunc, inquit, clarificatus est filius hominis. Quare Joh. 13. 31. nunc? Numquid quia exiit qui tradat, quia imminent qui teneant & occident? Itane nunc clarificatus est, quia propè est ut humilietur amplius: cui jam impedit ut alligetur, ut judicetur, ut con-

1 b Sic aliquot MSS. At editi, implere.

demnetur, ut irrideatur, ut crucifigatur, ut interrimatur? Hæcne est clarificatio, an potius humiliatio? Nonne quando miracula faciebat, ait tamen de illo iste Johannes, Spiritus non erat datus, quia Jesus nondum erat glorificatus? Tunc ergo nondum erat glorificatus, cùm mortuos suscitat; & nunc est glorificatus, cùm mortuis propinquaret? Nondum erat glorificatus faciens divina, & glorificatus est passurus humana? Mirum, si hoc Deus ille magister significabat & docebat his verbis. Altius est perscrutandum Altissimi dictum, qui se aliquantum manifestat ut inveniamus, & iterum occultat ut inquiramus, & de inventis ad invenienda tamquam passibus innitamur. Video hinc aliquid quod præfiguret magnum aliquid. Exiit Judas, & clarificatus est Jesus; exiit filius perditionis, & clarificatus est filius hominis. Ille quippe exierat, propter quem dictum erat eis, Et vos mundi estis, sed non omnes. Exeunte itaque immundo, omnes mundi remanserunt, & cum suo mundatore manserunt. Tale aliquid erit cùm vi-

Johan. 13. 10. *Matth. 13.* 43. *1. Cor. 10.* 4.

etus à Christo transierit hic mundus, & nemo in populo Christi remanebit immundus: cùm zizaniis à trito separatis, justi fulgebunt sicut sol in regno Patris sui. Hoc futurum prævidens Dominus, & nunc significatum esse contestans, descendente Juda tamquam zizaniis separatis, remanentibus tamquam trito Apostolis sanctis. *Nunc*, inquit, *clarificatus est filius hominis*: tamquam diceret, Ecce in illa mea clarificatione quod erit, ubi malorum nullus erit, ubi bonorum nullus perit. Sic autem non est dictum, *Nunc significata est clarificatio filii hominis*, sed dictum est, *Nunc clarificatus est filius hominis*: quemadmodum non est dictum. Petra significabat Christum, sed Petra erat Christus. Nec dictum est, Bonum semen significabat filios regni, aut zizania significabant filios maligni: sed dictum est, Bonum semen hi sunt filii regni, zizania autem filii maligni. Sicut ergo solet loqui Scriptura, res significantes tamquam illas quæ significantur appellans, ita locutus est Dominus dicens, *Nunc clarificatus est filius hominis*: postea quām separato inde nequissimo, & secum remanentibus sanctis, significata est glorificatio ejus, quando separatis inquis manebit in æternitate cum sanctis.

Johan. 13. 32. *Matth. 13.* 38. *1. Cor. 10.* 4.

3. Cùm autem dixisset, *Nunc clarificatus est filius hominis*: adjunxit, *Et Deus clarificatus est in eo*. Ipsa est enim clarificatio filii hominis, ut Deus clarificetur in eo. Si enim non ipse in seipso, sed Deus in illo clarificatur, tunc illum Deus in se clarificat. Denique tamquam ista exponens, adjungit, & dicit, *Si Deus clarificatus est in eo*, & *Deus clarificabit eum in semetipso*. Hoc est, *Si Deus clarificatus est in eo*, quia non venit facere voluntatem suam, sed voluntatem ejus qui misit illum: & *Deus clarificabit eum in semetipso*, ut natura humana in qua est filius hominis, quæ à Verbo æterno suscepta est, etiam immortalis æternitate donetur. *Et continuò*, inquit, *clarificabit eum*. Resurrectionem scilicet suam, non sicut nostram in fine sæculi, sed continuò futuram hac adtestatione prædicens. Ipsa est enim clarificatio, de qua Evangelista jam dixerat, quod paulò ante commemoravi, quia propterea nondum Spiritus datus erat illo novo modo in eis, quibus fuerat eo modo post resurrectionem credentibus dandus, quia Jesus nondum fuerat clarificatus: id est, nondum fuerat mortalitas immortalis.

A tate vestita, & in æternam virtutem temporalis infirmitas commutata. Potest & de ista clarificatione dictum videri, *Nunc clarificatus est filius hominis*: ut quod ait *nunc*, non ad imminentem passionem, sed ad vicinam resurrectionem pertinere credatur, tamquam fuerit factum quod erat tam proxime jam futurum. Hodie dilectioni vestrae ista suffecerint: cùm donaverit Dominus, de consequentibus differemus.

TRACTATUS LXIV.

In id quod Dominus dicit, Filioli, adhuc modicum vobiscum sum, quæretis me, & sicut dixi Iudeis, quò ego vado, vos non potestis venire, & vobis dico modò.

1. **A**DVERTENDA est, Carissimi, Dominicorum verborum ordinata conexio. Cùm enim superius dixisset, posteà quām Judas egressus est, & ab illa sanctorum etiam corporali conversatione sejunctus est, *Nunc clarificatus est filius hominis*, & Deus clarificatus est in eo: quod sive futurum regnum significans dixit, quando mali separabuntur à bonis, sive quòd ejus resurrectio tunc futura esset, id est, differenda non esset, sicut in finem sæculi nostra differtur: ac deinde addidisset, *Si Deus clarificatus est in eo*, & *Deus clarificabit eum in semetipso*, & continuò clarificabit eum, quod sine ulla ambiguitate de sua resurrectione continuò futura testatus est: adjectit, atque ait, *Filioli adhuc modicum vobiscum sum*. Ne putarent ergo quòd sic eum clarificatus esset Deus, ut non eis conjungeretur ulterius ea conversatione qua in terra est, *Adhuc modicum*, inquit, *vobiscum sum*: tamquam diceret, Continuò quidem resurrectione clarificabor: non tamen continuò adscensurus in cælum, sed *adhuc modicum vobiscum sum*. Sicut enim scriptum est in Actibus Apostolorum, fecit cum eis post resurrectionem quadraginta dies intrans & exiens, manducans & bibens: non quidem habens esuriendi ac sitiendi egestatem, sed usque ad ista carnis insinuans veritatem, quæ cibandi ac potandi jam non habebat necessitatem, sed potestatem. Hos ergo quadraginta dies significavit dicendo, *Adhuc modicum vobiscum sum*, an aliquid aliud? Potest enim & sic intelligi, *Adhuc modicum vobiscum sum*, Adhuc, sicut vos, in hac infirmitate carnis etiam ipse sum, donec scilicet moreretur atque resurgeret: quia postea quām resurrexit, cum illis quidem fuit diebus, ut dictum est, quadraginta exhibitione corporalis præsentia: sed non cum illis fuit consortio infirmitatis humanæ.

2. Est & alia divina præsentia sensibus ignota mortalibus, de qua item dicit, Ecce ego vobiscum sum, usque ad consummationem sæculi. Hoc certè non est, *Adhuc modicum vobiscum sum*: non enim modicum est usque ad consummationem sæculi. Aut si & hoc modicum est: (volat enim ætas, & in oculis Dei mille anni sicut dies unus, aut sicut Vigilia in nocte:) non tamen hoc significare voluisse credendus est nunc, quandoquidem secutus adjunxit, *Quæretis me*, & sicut dixi Iudeis, quòd *ego vado*, vos non potestis venire. Utique post hoc modicum quòd vobiscum sum, *Quæretis me*, & quòd *ego vado*, vos non potestis venire. Numquid post consummationem sæculi, quòd ipse vadit, venire non poterunt? Et ubi est quod aliquantò post in hoc

Johann. 17. 24. hoc ipso sermone dicturus est, Pater, volo ut ubi A
ego sum, & ipsi sint mecum? Non ergo de illa sua
cum suis præsentia, qua cum illis est usque ad con-
summationem sæculi, nunc locutus est, ubi ait,
*Adhuc modicum vobiscum sum: sed vel de infirmi-
tate mortali, qua cum illis erat usque ad passio-
nem suam; aut de præsentia corporali, qua cum
illis futurus erat usque ad adscensionem suam.
Quodlibet horum quis eligat, cum fide non li-
tigat.*

Lucus 24. 44. 3. Ne cui autem videatur abhorrere iste sensus B
à vero, quo dicimus Dominum mortalis carnis
communionem, in qua cum discipulis usque ad
passionem fuit, significare potuisse dicendo, *Ad-
huc modicum vobiscum sum: apud alium quoque
Evangelistam post resurrectionem verba ejus ad-
tendat, ubi ait, Hæc locutus sum vobis, cùm ad-
huc essem vobiscum. Quasi tunc non erat cum ip-
sis simul adstantibus, videntibus, tangentibus,
colloquentibus. Quid est ergo, cùm adhuc essem
vobiscum, nisi cùm adhuc essem in carne morta-
li, in qua estis & vos? Tunc enim quidem in eadem
carne resuscitatus erat: sed cum illis in eadem mor-
talitate jam non erat. Quapropter sicut ibi jam
immortalitate carnis induitus veraciter ait, cùm
adhuc essem vobiscum; ubi nihil aliud intelligere
possimus, nisi cùm adhuc essem in carnis mor-
talitate vobiscum: ita & hæc non absurdè dixisse in-
telligitur, *Adhuc modicum vobiscum sum, tamquam
diceret, Adhuc modicum sicut vos estis, mortalis
sum ego. Ergo sequentia videamus.**

Johann. 13. 33. 4. *Quæretis me, & sicut dixi Iudeis, quò ego
vado, vos non potestis venire: & vobis dico modò.
Hoc est, modò non potestis. Iudeis autem cùm
hoc diceret, non addidit modò. Isti itaque venire
non poterant tunc quò ille ibat, sed poterant po-
stea: nam apostolo Petro apertissimè paulò
v. 36. pòst ait. Cùm enim dixisset ille, Domine quò va-
dis? Respondit ei, Quò ego vado, non potes me
modò sequi, sequeris autem postea. Sed hoc quid
sit, non negligenter est prætereundum. Quò enim
sequi tunc non poterant discipuli Dominum, sed
postea poterant? Si dixerimus ad mortem: homini
nato quod invenitur tempus, quo ad moriendum
non sit idoneus; quandoquidem talis est in corpore
corruptibili hominum sors, ut non sit in ea facilior
vita quam mors? Non igitur adhuc minus idonei
erant sequi Dominum ad mortem, sed minus idonei
erant sequi Dominum ad vitam quæ non habet
mortem. Illò quippe ibat Dominus, ut surgens à
mortuis jam non moreretur, & mors ei ultrà non
dominaretur. Moriturum quippe Dominum pro
justitia quomodo jam fuerant secuti, adhuc mar-
tyrio non maturi? Aut iturum Dominum ad im-
mortalitatem carnis, quomodo jam fuerant secuti,
quandolibet morituri, sed in sæculi fine re-
surrecturi? Aut iturum Dominum ad sinum Patris,
nec reliquerunt eos, unde nec recessit cùm venisset
ad eos, quomodo jam fuerant secuti; cùm esse
nemo possit in illa felicitate nisi perfectus in cari-
tate? Ideoque docens quomodo idonei esse pos-
sint pergere quò ille antecedebat, *Mandatum,* in-
quit, *novum do vobis, ut diligatis invicem.* Hi sunt
gressus quibus sequendus est Christus: sed de his
sermo uberior in aliud tempus est differendus.*

TRACTATUS LXV.

*In id quod Dominus ait, Mandatum novum do vo-
bis, ut diligatis invicem sicut dilexi vos, ut &
vos invicem diligatis: in hoc cognoscent omnes
quia mei discipuli estis, si dilectionem habueri-
tis in invicem.*

DOMINUS Jesus mandatum novum se
discipulis suis dare testatur, ut diligent
invicem: *Mandatum, inquit, novum do Iohann. 13.*
vobis, ut diligatis invicem. Nonne jam erat hoc ^{34.}
mandatum in antiqua Dei Lege, ubi scriptum est,
Diliges proximum tuum tamquam teipsum? Cur *Levit. 19.*
ergo novum appellatur à Domino, quod tam ve- ^{18.}
tus esse convincitur? An ideo est mandatum no-
vum, quia exuto vetero induit nos hominem no-
vum? Innovat quippe audientem, vel potius obe-
dientem, non omnis, sed ista dilectione quam Domi-
nus ut à carnali dilectione distingueret, addidit,
sicut dilexi vos. Nam diligunt invicem mariti &
uxores, parentes & filii, & quæcumque alia inter-
se homines necessitudo humana devinxerit: ut ta-
ceamus de dilectione culpabili atque damnabili,
qua diligunt invicem adulteri & adulteræ, scorta-
tores & meretrices, & quoscumque alios non hu-
mana necessitudo, sed humanæ vitæ noxia turpu-
do conjungit. Mandatum ergo novum dedit nobis
Christus, ut diligamus invicem, sicut & ipse dile-
xit nos. Dilectione ista nos innovat, ut simus homi-
nes novi, heredes Testamenti novi, cantatores
Dcantici novi. Hæc dilectione, Fratres Carissimi, an-
tiquos etiam tunc justos, tunc Patriarchas & Pro-
phetas, sicut postea beatos Apostolos innovavit:
ipsa & nunc innovat gentes, & ex universo genere
humano quod diffunditur toto orbe terrarum, fa-
cit & colligit populum novum, corpus novæ nuptæ
Filii Dei unigeniti sponsæ, de quadicitur in Cantico
canticorum, *Quæ est ista quæ adscendit dealba-* ^{Cant. 8. 5.}
ta? utique dealbata, quia innovata; unde nisi man- ^{sec. Lxx.}
dato novo? Propter quod pro invicem sollici- ^{1. Cor. 12.}
*Eta sunt membra in ea, & si patitur unum mem-^{26.}
brum, compatiuntur omnia membra, & si glorifi-
catur unum membrum, congaudent omnia mem-
bra. Audiunt enim, atque custodiunt, *Mandatum*
novum do vobis, ut vos invicem diligatis: non sicut se
diligunt qui corrumpunt; nec sicut se diligunt ho-
mines, quoniam homines sunt: sed sicut se diligunt
quoniam dii sunt & filii Altissimi omnes, ut sint Fi-
lio ejus unico fratres, ea dilectione invicem diligen-
tes, qua ipse dilexit eos, perducturus eos ad illum fi-
nem qui sufficiat eis, ubi satietur in bonis deside- ^{Psal. 102. 5.}
rium eorum. Tunc enim aliquid desiderio non de-
redit, quando omnia in omnibus Deus erit. Talis fi- ^{1. Cor. 15.}
nis non habet finem. Nemo ibi moritur, quò ne-
mo pervenit, nisi huic sæculo moriatur, non mor-
te omnium, qua corpus ab anima deseritur; sed
morte electorum, qua etiam cùm in carne mortali
adhuc manetur, cor sursum ponitur. De quali
morte dicebat Apostolus, Mortui enim estis, & ^{Col. 3. 3.}
vita vestra abscondita est cum Christo in Deo.
GHinc fortasse dictum est, Valida est sicut mors di- ^{Cant. 8. 6.}
lectio. Hac enim dilectione fit, ut in isto adhuc
corruptibili corpore constituti moriamur huic sæ-
culo, & vita nostra abscondatur cum Christo in
Deo: immo ipsa dilectio est mors nostra sæculo, &
vita cum Deo. Si enim mors est quando de corpo-
re anima exit, quomodo non est mors quando de
mundo amor noster exit? Valida est ergo sicut mors*

Vu

dilectio. Quid eā validius, qua vincitur mundus?

2. Nolite itaque Fratres mei putare in hoc quod ait Dominus, *Mandatum novum do vobis, ut vos invicem diligatis*, illud majus prætermissum esse mandatum, quo præcipitur ut diligamus Dominum Deum nostrum ex toto corde, ex tota anima, & ex toto mente; tamquam enim hoc prætermisso videtur dictum, *ut diligatis invicem*, velut hoc ad illud alterum non pertineat, quo dictum est, *Diliges proximum tuum tamquam te ipsum*. In his enim duabus præceptis, inquit, tota Lex pendet, & Prophetæ. Sed bene intelligentibus utrumque invenitur in singulis. Nam & qui diligit Deum, non eum potest contémnere præcipientem ut diligit proximum: & qui sanctè ac spiritaliter diligit proximum, quid in eo diligit nisi Deum? Ipsa est dilectio ab omni mundana dilectione discreta, quam distinguendo addidit Dominus, *sicut dilexi vos*. Quid enim nisi Deum dilexit in nobis? Non quòd habebamus, sed ut haberemus: ut perducat nos, sicut paulò antè dixi, ubi sit Deus omnia in omnibus. Sic etiam medicus rectè dicitur ægros diligere: & quid in eis nisi salutem diligit, quam cupid utique revocare, non morbum, quem venit expellere? Sic ergo & nos invicem diligamus; ut quantum possumus, invicem ad habendum in nobis Deum curâ dilectionis adtrahamus. Hanc dilectionem nobis donat ipse qui ait, *Sicut dilexi vos, ut & vos diligatis invicem*. Ad hoc ergo nos dilexit, ut & nos diligamus invicem: hoc nobis conferens diligendo nos, ut mutua dilectione constrangamur inter nos, & tam dulci vinculo connexis membris corpus tanti capitum simus.

3. *In hoc cognoscetis*, inquit, *omnes, quia mei discipuli estis, si dilectionem habueritis in invicem*: tamquam diceret, Alia munera mea habent vobiscum etiam non mei, non solum naturam, vitam, sensum, rationem, & eam salutem quæ hominibus pecoribusque communis est; verum etiam linguis, sacramenta, prophetiam, scientiam, fidem, distributionem rerum suarum pauperibus, & traditionem corporis sui, ut ardeant: sed quoniam caritatem non habent, ut cymbala concrepant, nihil sunt, nihil illis prodest. Non ergo in illis quamvis bonis muneribus meis, quæ habere possunt etiam non discipuli mei: sed *in hoc cognoscetis omnes quia mei discipuli estis, si dilectionem habueritis in invicem*. O sponsa Christi pulcra inter mulieres! ô dealbata adscendens, & incumbens super fratrelem tuum! quoniam cuius lumine illustraris ut candeas, ejus adjutorio fulciris ne cadas: ô quam bene cantatur tibi in illo Canticō canticorum velut epithalamio tuo, *Quia caritas in deliciis tuis*. Ipsa non comperdit cum impiis animam tuam: ipsa discernit caussam tuam, & sicut mors valida est, & in deliciis tuis est. Quam mirandi generis mors est, cui parum fuit non esse in peccatis, nisi esset insuper in deliciis? Sed hīc jam iste sermo claudatur: ab alio exordio tractanda sunt quæ sequuntur.

TRACTATUS LXVI.

De eo quod sequitur, Dicit ei Simon Petrus, Domine quòd vadis? usque ad id, Amen, amen dico tibi, non cantabit gallus, donec ter me neges.

4. **C**UM Dominus Jesus sanctam dilectionem, qua se invicem diligenter, discipulis commendaret, Dicit ei Simon Petrus,

3 Sent. diff.
27. c. Cùm
autem duo.

Matth. 22.
39. &c.

1. Cor. 15.
28.

Johan. 13.
35.

1 Cor. 13. 1.

Cant. 7. 6.
sec Lxx.

Johan. 13. 36.

A Domine quòd vadis? Sic utique hoc dixit Magistro discipulus, & Domino servus, tamquam sequi paratus. Propterea quippe Dominus, qui ejus animum vidit, quare hoc interrogaverit, sic ei respondit: *Quò ego vado, non potes me modò sequi*: tamquam diceret, Propter quod interrogas, non potes modò. Non ait, non potes: sed, non potes modò, dilationem intulit, non spem tulit: & eamdem spem quam non tulit, sed potius dedit, sequenti voce firmavit, addendo atque dicendo, *Sequaris autem postea*. Quid festinas Petre? Nondum te suo spiritu solidavit petra. Noli extolli præsumendo, non potes modò: noli dejici desperando, sequeris postea. Sed adhuc ille quid dicit? *Quare te non possum sequi modò*? *Animam meam pro te ponam*. Quid in animo ejus esset cupiditatis, videbat: quid virium, non videbat. Voluntatem suam jactabat infirmus, sed inspiciebat valetudinem medicus: iste promitterebat, ille prænoscebat: qui nesciebat, audebat; qui præsciebat, docebat. Quantum sibi assumserat Petrus intuendo quid vellet, ignorando quid posset? Quantum sibi assumserat, ut cùm venisset Dominus animam suam ponere pro amicis suis, ac per hoc & pro ipso, ille hoc Domino offerre consideret: & nondum pro se positâ animâ Christi, animam suam polliceretur se positurum esse pro Christo? Respondit ergo Iesus, *Animam tuam pro me pones*? Itane facies pro me, quod nondum ego pro te? *Animam tuam pro me pones*? Præire potes, qui sequi non potes? Quid tantum præsumis? quid de te sentis? quid esse te credis? Audi quid sis: *Amen, amen dico tibi, non cantabit gallus, donec ter me neges*. Ecce quomodo tibi citò apparebis, qui magna loqueris; & te parvulum nescis. Qui mihi promittis mortem tuam, ter negabis vitam tuam. Qui te jam putas mori posse pro me, priùs vive pro te: nam timendo mortem carnis tuæ, mortem dabis animæ tuæ. Quanta enim vita est confiteri Christum, tanta mors est negare Christum.

2. An apostolus Petrus, sicut eum quidam favore perverso excusare nituntur, Christum non negavit, quia interrogatus ab ancilla hominem se nescire respondit, sicut alii Evangelistæ contestantur expressius? Quasi verò qui hominem Christum negat, non Christum negat; & hoc in eo negat quod factus est propter nos, ne periret quod fecerat nos. Ergo qui ita confitetur Christum Deum, ut hominem neget, non pro illo mortuus est Christus; quia secundum hominem mortuus est Christus. Qui negat hominem Christum, non reconciliatur per mediatorem Deo. Unus enim Deus, & unus mediator Dei & hominum homo Christus Jesus. Qui negat hominem Christum, non justificatur: quia sicut per inobedientiam unius hominis peccatores constituti sunt multi, ita & per obedientiam unius hominis justi constituentur multi. Qui negat hominem Christum, non resurget in resurrectionem vitæ: quia per hominem mors, & per hominem resurrecio mortuorum: sicut enim in Adam omnes moriuntur, ita & in Christo omnes vivificabuntur. Per quid autem caput est Ecclesiæ, nisi per hominem, quod Verbum caro factum est? id est, Dei Patris Unigenitus Deus homo factus est. Quomodo est igitur in corpore Christi, qui negat hominem Christum? Qui enim caput negat, quomodo est membrum? Sed quid multis immorer, cùm ipse Dominus abstulerit omnes humanæ argumentationis ambages? Non enim

*Ambrosius
in Luc. c. 22.*

1. Tim. 2. 5.

Roms. 5. 19.

1. Cor. 15.

a 21. & 22.

ait, Non cantabit gallus donec hominem neges: aut sicut loqui familiariore cum hominibus dignatione consuevit, Non cantabit gallus donec filium hominis ter neges: sed ait, *donec me ter neges*. Quid est, *me*, nisi quod erat; & quid nisi Christus erat? Quidquid ergo ejus negavit, ipsum negavit, Christum negavit, Dominum Deum suum negavit. Quia & ille condiscipulus ejus Thomas, quando exclamavit, Dominus meus & Deus meus, non Verbum, sed carnem tetigit; non incorpoream Dei naturam, sed hominis corpus curiosis manibus contrectavit. Hominem itaque tetigit, & tamen Deum cognovit. Si ergo quod iste tetigit, hoc Petrus negavit: quod iste exclamavit, hoc Petrus offendit. *Non cantabit gallus, donec ter me neges*. Dicas licet, Nescio hominem; dicas licet, Homo nescio quid dicis; dicas licet, Non sum ex discipulis ejus: me negabis. Si, quod dubitare nefas est, Christus hoc dixit, verumque prædictum, procul dubio Petrus Christum negavit. Non accusemus Christum, cùm defendimus Petrum. Peccatum agnoscat infirmitas, nam mendacum non habet veritas. Agnovit quippe peccatum suum infirmitas Petri, prorsus agnovit: & quantum mali Christum negando commiserit, plorando monstravit. Ipse suos redarguit defensores, & unde eos convincat, producit lacrymas testes. Neque nos cùm ista dicimus, primum Apostolorum accusare delectat: sed hunc intuendo admoneri nos oportet, ne homo quisquam de humanis viribus fidat. Nam quid aliud pertinuit ad doctorem salvatoremque nostrum, nisi ut nobis nequaquam de se quemquam præsumere debere, in ipso primo Apostolorum demonstraret exemplo? In anima itaque Petri contingit, quod offerebat in corpore. Non tamen pro Domino, ut temere præsumebat, præcessit, sed aliter quam putabat. Namque ante mortem & resurrectionem Domini & mortuus est negando, & revixit plorando: sed mortuus est, quia superbè ipse præsumpsit; revixit autem, quia benignè ille respexit.

TRACTATUS LXVII.

De eo quod Dominus dicit, Non turbetur cor vestrum: usque ad id, Iterum venio, & accipiam vos ad meipsum.

I. **R**IGENDA est nobis, Fratres, ad Deum major intentio, ut verba sancti Evangelii, quæ modò in nostris auribus sonuerunt, etiam mente capere utcumque possimus. Ait enim Dominus Jesus, *Non turbetur cor vestrum*. F ^a *Credite in Deum, & in me credite*. Ne mortem tamquam homines timerent, & ideo turbarentur, consolatur eos, etiam se Deum esse contestans. *Credite*, inquit, *in Deum, & in me credite*. Consequens est enim, ut si in Deum creditis, & in me credere debeatis: quod non esset consequens, si Christus non esset Deus. *Credite in Deum, & in eum credite*, cui natura est, non rapina, esse æqualem Deo: semetipsum enim exinanivit; non tamen formam Dei amittens, sed formam servi accipiens. Mortem metuitis huic formæ servi: *non turbetur cor vestrum*, suscitabit illam formam Dei.

2. Sed quid est quod sequitur, *In domo Patris mei mansiones multæ sunt*, nisi quia & sibi metuebant? Unde audire debuerunt, *Non turbetur cor ve-*

^a Pauciores MSS. *Creditis*, juxta Vulgatam: porro Græcum verbum, quod in hoc versiculo bis ponitur, *metuere* ancepit, si-

A *strum*. Quis enim eorum non metueret, cùm Petro dictum esset fidentiori atque promtiori, Non cantabit gallus donec ter mē neges? Tamquam ergo essent ab illo perituri, meritò turbabantur: sed cùm audiunt, *In domo Patris mei mansiones multæ sunt*: *si quo minus, dixisse vobis, quia vado parare vobis locum*: à perturbatione recreantur, certi ac fidentes etiam post pericula temptationum se apud Deum cum Christo esse mansuros. Quia etsi alius est alio fortior, alius alio sapientior, alius alio iustior, alius alio sanctior: *in domo Patris mansiones multæ sunt*, nullus eorum alienabitur ab illa domo, ubi mansionem pro suo quisque accepturus est merito. Denarius quidem ille æqualis est omnibus, quem pater-familiâs eis qui operati sunt in vinea jubet dari omnibus, non in eo discernens qui minùs & qui amplius laborarunt: quò utique denario vita significatur æterna, ubi amplius alio nemo vivit, quoniam vivendi non est diversa in æternitate mensura. Sed multæ mansiones, diversas meritorum in C una vita æterna significant dignitates. Alia est enim gloria solis, alia gloria lunæ, alia gloria stellarum: stella enim ab stella differt in gloria, sic & resurrectio mortuorum. Tamquam stellæ sancti diversas mansiones^b diversæ claritatis, tamquam in cælo, fortiuntur in regno; sed propter unum denarium nullus separatur à regno: atque ita Deus erit omnia in omnibus, ut quoniam Deus caritas est, per caritatem fiat, ut quod habent singuli, commune fit omnibus. Sic enim quisque etiam ipse habet, D cùm amat in altero quod ipse non habet. Non erit itaque aliqua invidia imparis claritatis, quoniam regnabit in omnibus unitas caritatis.

3. Proinde respuendi sunt à corde Christiano, qui putant ideo dictum multas esse mansiones, quia extra regnum cælorum erit aliquid, ubi maneat beati innocentes, qui sine baptismo ex hac vita emigrarunt, quia sine illo in regnum cælorum intrare non poterunt. Hæc fides non est fides; quoniam non est vera & catholica fides. Itane tandem E stulti homines, & carnalibus cogitationibus excœcati, cùm reprobandi essetis, si mansionem non dico Petri & Pauli vel cujuslibet Apostolorum, sed cujuscumque parvuli baptizati à regno cælorum separaretis; non vos putatis esse reprobando, qui domum Dei Patris inde separatis? Non enim ait Dominus, In universo mundo, aut In universa creatura, aut In vita vel beatitudine sempiterna mansiones multæ sunt: sed, *In domo*, inquit, *Patris mei mansiones multæ sunt*. Nonne ista est domus ubi ædificationem habemus ex Deo, domum non manufactam æternam in cælis? Nonne ista est domus de qua cantamus Domino, Beati qui habitant in domo tua, in sæcula sæculorum laudabunt te? Ergone vos non domum cujusque baptizati fratris, sed domum ipsius Dei Patris, cui omnes fratres dicimus, Pater noster qui es in cælis, à regno separare cælorum, aut eam sic dividere audebitis, ut aliquæ mansiones ejus sint in regno cælorum, aliquæ autem extra regnum cælorum? Absit, absit, ut qui volunt habitare in regno cælorum, in hac stultitia velint habitare vobiscum: absit, inquam, ut cùm omnis domus regnantium filiorum non sit alibi nisi in regno, ipsius regiæ domus pars aliqua non sit in regno.

4. * *Et si abiiero, inquit, & preparavero vobis* Ioh. 14. ^{v. 3.}

grecans creditis vel credite.

^b Sic MSS. At editi, diversas claritates.

*cum ; iterum venio , & accipiam vos ad meipsum , ut A
v. 4. ubi sum ego & vos sitis . * Et quò ego vado scitis , &
viam scitis . O Domine Jesu , quomodo vadis para-
re locum , si jam multæ mansiones sunt in domo
Patris tui , ubi tecum habitabunt tui ? Aut si accipis
eos ad teipsum , quomodo iterum venis qui non re-
cedis ? Ista , Carissimi , si breviter explicare cone-
mur , quantum videtur hodierno satis esse sermoni ,
coartata utique non clarebunt , & erit ipsa brevitas
altera obscuritas : proinde hoc debitum differa-
mus , quod opportuniùs vobis patre familiâs nostro B
largiente reddamus .*

TRACTATUS LXVIII.

In eamdem lectionem .

DE B E R I vobis , Fratres Carissimi , jam-
que esse reddendum quod distulera-
mus , agnoscimus , quomodo intelligi
possint non esse inter se ista duo contraria , quòd
vobam. 14. 2. cùm dixisset Dominus , *In domo Patris mei man-
siones multæ sunt : si quo minùs , dixisset vobis , quia C
vado parare vobis locum : ubi satis ostendit ideo se
hoc illis dixisse , quia jam ibi sunt mansiones multæ , & non est opus aliquam præparare : rursus di-*
*v. 3. cit , Et si abiero & præparavero vobis locum ; iterum
venio , & accipiam vos ad meipsum , ut ubi ego sum &
vos sitis . Quomodo vadit , & parat locum , si jam
multæ mansiones sunt ? Si quo minùs , dixisset , Vado parare . Aut si adhuc parandus est , cur non
meritò dixisset , Vado parare ? An istæ mansiones
& sunt , & parandæ sunt ? Si quo minùs enim es-
sent , dixisset , Vado parare . Et tamen quia ita sunt
ut parandæ sint , non eas vadit parare sicut sunt :
sed si abierit & paraverit sicut futuræ sunt , iterum
veniens accipiet suos ad seipsum , ut ubi est ipse , sunt
etiam ipsi . Quomodo ergo mansiones in domo Pa-
tris non aliæ , sed ipsæ , & sine dubio jam sunt sicut
parandæ non sunt , & nondum sunt sicut parandæ
sunt ? Quomodo putamus , nisi quomodo etiam
Propheta prædicat Deum , quia fecit quæ futura
sunt ? Non enim ait , Qui facturus est quæ futura
sunt : sed , Qui fecit quæ futura sunt . Ergo & fecit
ea , & facturus est ea . Nam neque facta sunt , si
ipse non fecit : neque futura sunt , si ipse non fe-
cerit . Fecit ergo ea prædestinando , facturus est ope-
rando . Sicut discipulos quando elegerit , satis indi-
cat Evangelium , tunc utique quando eos vocavit :
Ephes. 1. 4 & tamen ait Apostolus , Elegit nos ante mundi con-
stitutionem : prædestinando utique , non vocando .
Rom. 8. 30. Quos autem prædestinavit , illos & vocavit : elegit
prædestinando ante mundi constitutionem , ele-
git vocando ante mundi consummationem . Sic &
mansiones præparavit & præparat ; nec alias , sed
quas præparavit , has præparat , qui fecit quæ fu-
tura sunt : quas præparavit prædestinando , præpa-
rat operando . Jam ergo sunt in prædestinatione : si
quo minùs , dixisset , Ibo & parabo , id est , præde-
stinabo . Sed quia nondum sunt in operatione , *Et si
abiero , inquit , & præparavero vobis locum , iterum
venio , & accipiam vos ad meipsum .**

*Isa. 45. 11.
sec. Lxx.**De pœnit.
dist. 4. c. In
domo .**Luca 6. 13.**Ephes. 1. 4**Rom. 8. 30.**Johann. 14. 3.**2. Cor. 15. 23.**Cor. 2. 14.*

2. * Parat autem quodammodo mansiones , man-
sionibus parando mansores . Quippe cùm dixerit ,
v. 2. *In domo Patris mei mansiones multæ sunt : quid puta-
mus esse domum Dei , nisi templum Dei ? Quod
autem sit , interrogetur Apostolus , & respondeat ,
1. Cor. 3. 17. Templum enim Dei sanctum est , quod estis vos .
Hoc est etiam regnum Dei , quod Filius traditurus
est Patri : unde dicit idem Apostolus , initium Chri-*

A stus , deinde qui sunt Christi in præsentia ejus : de-
inde finis , cùm tradiderit regnum Deo & Patri : id
est , quos redemit sanguine suo , tradiderit contem-
plando etiam Patri suo . Hoc est regnum cælo-
rum , de quo dicitur , Simile est regnum cælorum , Matth. 13.
homini seminanti bonum semen in agro suo . Bo- 38. &c.
num autem semen , hi sunt filii regni : qui etsi nunc
habent permixta zizania , mittet in fine Rex ipse .
Angelos suos , & colligent de regno ejus omnia
scandala . Tunc justi fulgebunt sicut sol , in regno
Patris sui . Regnum fulgebit in regno , cùm regno
venerit regnum , quod nunc oramus , & dicimus ,
Veniat regnum tuum . Nunc ergo jam regnum vo- Matth. 6.
catur , sed adhuc convocatur : si enim regnum non 10.
vocaretur , Colligent de regno ejus omnia scandala ,
non diceretur . Sed nondum regnat hoc regnum .
Proinde sic jam est regnum , ut cùm de illo collecta
fuerint omnia scandala tunc perveniat ad regnum :
ut non solùm regni nomen , sed etiam regnandi ha-
beat potestatem . Huic quippe regno ad dexteram
stanti , in fine dicetur , Venite benedicti Patris mei , Matth. 25.
percipite regnum : id est , qui regnum eratis & non
regnabatis , venite , regnate : ut quod in spe fuer-
atis , etiam in re esse possitis . Hæc ergo domus Dei ,
hoc templum Dei , hoc regnum Dei , regnumque
cælorum adhuc ædificatur , adhuc fabricatur , ad-
huc paratur , adhuc congregatur . In illo erunt man-
siones , sicut eas adhuc parat Dominus : in illo jam
sunt , sicut prædestinavit jam Dominus .

3. Sed quid est quòd ut præpararet abiit , cùm
D profecto nos ipsos præpararet , quod non faciet si
reliquerit ? Agnoscó Domine ut possum : nimi-
rum illud significas , quia ut parentur istæ man-
siones , vivere debet justus ex fide . Qui enim à Rom. 1. 17.
Domino peregrinatur , opus habet ex fide vi- 2. Cor. 5. 6.
vere ; quia per hanc ad speciem contemplandam
paratur . Beati enim mundo corde , quia ipsi Deum Matth. 5. 8.
videbunt : & , Fide mundat corda eorum . Illud in Act. 15. 9.
Evangelio , hoc in Apostolorum Actibus legitur . Fi-
des autem , qua eorum qui Deum visuri sunt , quam-
diu pereginantur , corda mundantur , quod non
videt credit : nam si vides , non est fides . Credenti
colligitur meritum , videnti redditur præmium . Eat
ergo Dominus & paret locum ; eat ne videatur , la-
teat ut credatur . Tunc enim locus paratur , si ex
fide vivatur . Creditus desideretur , ut desideratus
habeatur : desiderium dilectionis , præparatio est
mansonis . Ita Domine para quod paras : nos enim
tibi paras , & te nobis paras ; quoniam locum paras ,
& tibi in nobis , & in te nobis . Tu enim dixisti ,
Manete in me , & ego in vobis . Quantum quisque Iohann. 15. 4.
fuerit particeps tui , alius minùs , alius amplius , hæc
erit diversitas præriorum pro diversitate merito-
rum : hæc erit multitudo mansionum pro disparilita-
te mansorum ; sed tamen omnium in æternitate vi-
vorum , & sine fine beatorum . Quid est quòd vadis ?
Quid est quòd venis ? Si bene te intelligo , nec unde
vadis , nec unde venis , recedis : vadis latendo , venis
apprendo . Sed nisi maneas regendo , ut proficia-
mus bene viuendo ; quomodo parabitur locus , ubi
possimus manere perfruendo ? Hæc de verbis quæ
recitata sunt evangelicis , satis dicta sint , quòd usque
ait Dominus , Iterum venio , & accipiam vos ad meipsum . Iohann. 14. 3.
Quid autem sit quod sequitur , ut ubi ego sum ,
& vos sitis : * & quò ego vado scitis , & viam scitis : v. 4.
post interrogationem quæ sequitur à discipulo fa-
ctam , tamquam per eum & nos interrogemus , me-
lius audiemus opportuniùsque tractabimus .

TRACTATUS LXIX.

In id quod Dominus dicit; Et quò ego vado scitis, & viam scitis: usque ad id, Nemo venit ad Patrem nisi per me.

NUNC est, Dilectissimi, ut quantum valamus, intelligamus de verbis Domini posterioribus priora, & consequentibus præcedentia, in eo quod audistis apostolo Thomæ interroganti esse responsum. Dixerat enim superiùs Dominus, cùm de mansionibus loqueretur, quas & esse dixit in domo Patris sui, & ire se ut præparet eas; ubi intelleximus & esse jam mansiones ipsas in prædestinatione, & præparari eas cùm eorum qui ibi mansuri sunt per fidem corda mundantur, quoniam ipsa Dei domus ipsi sunt: & quid est aliud manere in domo Dei, quam esse in populo Dei, cùm idem populus est in Deo, & Deus in eo? Hoc ut præpararet, Dominus abiit: ut credendo in eum qui non videtur, ea quæ in specie semper futura est, nunc per fidem mansio præparetur. Propter hoc ergo dixerat, * Et si abiero, & præparavero vobis locum, iterum venio & accipiam vos ad meipsum, ut ubi ego sum & vos sitis: * & quò ego vado scitis, & viam scitis. Ad hæc, Dicit ei Thomas, Domine, nescimus quò vadis, & quomodo possimus viam scire? Utrumque illos Dominus dixerat scire, utrumque dicit iste nescire, & locum quò itur, & viam quà itur. Sed nescit ille mentiri: ergo isti sciebant, & scire se nesciebant. Convincat eos jam scire, quod se putant ad huc usque nescire. Dicit ei Iesus, Ego sum via, & veritas, & vita. Quid est, Fratres? Ecce audivimus discipulum interrogantem, audivimus & magistrum docentem: & nondum capimus, etiam post vocem sonantem, sententiam latitantem. Sed quid non possimus capere? Numquid poterant ei dicere Apostoli ejus cum quibus loquebatur, Nescimus te? Proinde si eum sciebant, & via ipse est, viam sciebant: si eum sciebant, & veritas ipse est, veritatem sciebant: si eum sciebant, & vita ipse est, vitam sciebant. Ecce scire convicti sunt, quod se scire nesciebant.

2. Quid igitur & nos in isto sermone non cepimus? Quid putatis, Fratres mei, nisi quia dixit, Et quò vado scitis, & viam scitis? Et ecce cognovimus quò sciebant viam, quia sciebant ipsum qui est via: sed via est quà itur, numquid via est & quò itur? Utrumque autem illos dixerat scire, & quò vadit, & viam. Opus ergo erat, ut diceret, Ego sum via, ut ostenderet eos, quia eum scirent, viam scire quam putaverant se nescire: quid autem opus erat ut diceret, Ego sum via, & veritas, & vita, cùm viâ cognitâ qua iret, restaret nosse quò iret: nisi quia ibat ad veritatem, ibat ad vitam? Ibat ergo ad seipsum, per seipsum. Et nos quò imus, nisi ad ipsum; & quà imus, nisi per ipsum? Ipse igitur ad seipsum per seipsum; nos ad ipsum per ipsum: immo verò & ad Patrem & ipse & nos. Nam & de seipso alibi dicit, Ad Patrem vado: & hoc loco propter nos, Nemo, inquit, venit ad Patrem, nisi per me. Ac per hoc & ipse per seipsum & ad seipsum & ad Patrem, & nos per ipsum & ad ipsum & ad Patrem. Quis hæc capit, nisi qui spiritualiter sapit? Et quantum est quod hæc capit, etiamsi spiritualiter sapit? Fratres, quid à me ista vobis vultis exponi? Cogitate quam excelsa sint. Videtis quid sim, video quid sitis: in ognibus nobis corpus quod cor-

A rumpitur aggravat animam, & deprimit terrena inhabitatio sensum multa cogitantem. Putamusne possumus dicere, Ad te levavi animam meam, qui habitas in cælo? Sed sub tanto pondere ubi ingemiscimus gravati, quomodo levabo animam meam, nisi mecum lever qui posuit pro me suam? Dicam ergo quod possum, capiat vestrum qui potest. Quod donante dico, eo donante capit qui capit, & eo donante credit qui nondum capit. Nisi enim credideritis, inquit Propheta, non intelligetis.

Psalm. 122. 1.

*Isa. 7. 9.
sec. Lxx.*

B 3. Dic mihi Domine meus, quid dicam servis tuis conservis meis? Thomas apostolus ut te interrogaret, habuit te ante se; nec tamen intelligeret te, nisi haberet in se: ego interrogo te, quia te scio esse super me: interrogo autem in quantum possum super me effundere animam meam, ubi non sonantem & tamen docentem audiam te. Dic mihi, obsecro, quomodo vadis ad te? Numquidnam ut venires ad nos, reliqueras te: maximè quia non à teipso venisti, sed Pater te misit? Scio quidem quod te exinanisti, sed quia formam servi accepisti, non quia formam Dei vel ad quam redires dimisisti, vel quam reciperes amisisti: & tamen venisti, & non solum usque ad carnales oculos, verùm etiam usque ad manus hominum pervenisti. Quomodo, nisi in carne? Per hanc venisti manens ubi eras, per hanc redisti non relinquens quò veneras. Si ergo per hanc venisti & redisti; per hanc procul dubio non solum nobis es qua veniremus ad te, verùm etiam tibi qua venires & redires via fuisti. Cùm verò ad

Philip. 2. 7.

C D vitam, quod es ipse, īsti; eamdem profectò carnem tuam de morte ad vitam duxisti. Aliud quippe Dei Verbum est, aliud homo: sed Verbum caro factum est, id est homo. Non itaque alia Verbi, alia est hominis persona, quoniam utrumque est Christus una persona: ac per hoc quemadmodum caro cùm mortua est, Christus est mortuus; & cùm caro sepulta est, Christus est sepultus; (sic enim corde credimus ad justitiam, sic ore confessio nem facimus ad salutem:) ita cùm caro à morte

Rom. 10. 10.

E venit ad vitam, Christus venit ad vitam. Et quia Verbum Dei Christus est, Christus est vita. Ita miro quodam & ineffabili modo, qui numquam dimisit vel amisit seipsum, venit ad seipsum. Venerat autem, ut dictum est, per carnem Deus ad homines, veritas ad mendaces: Deus enim verax, omnis autem homo mendax. Cùm itaque ab hominibus abstulit, atque illuc ubi nemo mentitur, carnem suam levavit; idem ipse, quia Verbum caro factum est, per seipsum, id est, per carnem, ad veritatem, quod est ipse, remeavit. Quam quidem veritatem, quamvis inter mendaces, & in morte servavit: aliquando enim Christus fuit mortuus, sed numquam fuit falsus.

*Rom. 3. 4.
Psalm. 115. 11.*

F 4. Accipite quamvis diversum & longè impar exemplum, tamen utcumque ad intelligendum Deum, ex his quæ propriùs subjecta sunt Deo. Ecce ego ipse, quantum adtinet ad animum meum, cùm hoc sim quod estis & vos, si taceo, apud meipsum sum: si autem loquor vobis quod intelligatis, quodammodo ad vos procedo, nec me relinquo, sed & ad vos accedo, & non recesso unde procedo. Cùm autem tacuero, quodammodo ad me redeo; & quodammodo vobiscum maneo, si tenueritis quod audistis in sermone quem dico. Si hoc potest imago quam fecit Deus, quid potest non à Deo facta, sed ex Deo nata imago Dei Deus: cuius illud, quo ad nos egressus est, & in quo à nobis regressus est,

Viiij

Rom 6.9. corpus, non sicut meus elapsus est sonus, sed ma-
net ibi ubi jam non moritur, & mors ei ultrà non
dominabitur? Multa de his evangelicis verbis adhuc
dici fortasse poterant & debebant: sed non sunt
corda vestra spiritualibus cibis quamlibet suavibus
oneranda: maximè quia spiritus promptus est, caro
autem infirma.

*Matth. 26.
41.*

TRACTATUS LXX.

*De eo quod Dominus ait, Si cognovissetis me, &
Patrem meum utique cognovissetis: usque ad id,
Non credis quia ego in Patre, & Pater in me est?*

v. 1. **V**ERBA sancti Evangelii, Fratres, ita
rectè intelliguntur, si cum superioribus
reperiuntur habere concordiam: conve-
nire enim debent præcedentia consequentibus,
quando veritas loquitur. Superius dixerat Domi-
v. 2. *nus, Et si abiero, & præparavero vobis locum, iterum
venio, & accipiam vos ad mesum, ut ubi ego sum,
& vos sitis:* deinde addiderat, *Et quò ego vado scitis, & viam scitis:* nihilque aliud ostendit esse quod
dixit, nisi quia ipsum sciebant. Quid ergo esset ire
ad seipsum per seipsum, quod etiam discipulis præ-
stat ut eant ad ipsum per ipsum, ut potuimus pri-
stino sermone jam diximus. Quod itaque ait, *Ut ubi
ego sum, & vos sitis*, ubi erant futuri nisi in ipso?
Ac per hoc est etiam ipse in seipso, & ideo ibi illi
ubi & ipse, id est, in ipso. Ipse est igitur vita æter-
na in qua futuri sumus, cùm acceperit nos ad se: &
ipsa vita æterna quod ipse est in ipso est, ut ubi est
ipse, & nos simus, hoc est, in ipso. Sicut enim ha-
v. 3. *bet Pater vitam in semetipso, & utique non aliud
est vita quam habet, nisi quod est ipse qui hanc ha-
bet: sic dedit Filio habere vitam in semetipso, cùm
ipse sit eadem vita quam habet in semetipso. Num-
quid autem nos vita quod est ipse, hoc erimus,
cùm in illa vita, hoc est in ipso esse cœperimus?
Non utique, quia ipse existendo vita habet vitam,
& ipse est quod habet, & quod vita est in ipso, ipse
est in seipso: nos autem non ipsa vita, sed ipsius vitæ
participes sumus; atque ita ibi erimus, ut in nobis
ipsis non quod ipse est esse possimus, sed nos ipsi
non vita, ipsum habeamus vitam, qui seipsum ha-
bet vitam, eò quòd ipse sit vita. Denique ipse & in
seipso est immutabiliter, & in Patre inseparabiliter:
nos verò cùm in nobis ipsis esse voluissemus, ad nos
v. 4. *Psal 41.7.* *ipso turbati sumus; unde illa vox est, Ad me ipsum
turbata est anima mea: atque in deterius commu-
tati, neque id quod fuiinus, manere potuimus. Cùm
autem per ipsum venimus ad Patrem, sicut ait, Ne-
mo venit ad Patrem nisi per me: manentes in illo,
nec à Patre nos quisquam poterit separare, nec ab
illo.**

10. an. 14.6.

v. 5. **C**onnectens itaque consequentia præceden-
tibus, *Si cognovissetis me*, inquit, & *Patrem meum
utique cognovissetis.* Hoc est quod ait, *Nemo venit ad
Patrem nisi per me.* Deinde subjungit, *Et à modò
cognoscetis eum, & vidistis eum.* Sed Philippus unus
v. 6. ex Apostolis, quid audierit non intelligens, *Domi-
ne*, inquit, *ostende nobis Patrem, & sufficit nobis.* G
Cui Dominus, *Tanto*, inquit, *tempore vobis sum, & non cognovissetis me, Philippe?* Qui videt me, videt & Patrem. Ecce increpat quòd tanto tempore cum ipsis erat, & non cognoscebat. Nonne ipse dixerat, *Et quò ego vado scitis, & viam scitis:* & se nescire dicentes, eos hæc scire convicerat, addendo

A atque dicendo, *Ego sum via, veritas & vita?* Quo-
modo nunc dicit, *Tanto tempore vobis sum, & non cognovissetis me:* cùm profectò & quò iret, &
viam scirent, non ob aliud nisi quòd ipsum utique
scirent? Sed facile ista solvitur quæstio, si dicamus
quòd eum aliqui eorum sciebant, aliqui nesciebant,
atque in his qui nesciebant & Philippus erat, ut
quod ait, *Et quò ego vado scitis, & viam scitis,* illis
dixisse intelligatur qui sciebant; non Philippo cui
dictum est, *Tanto tempore vobis sum, & non co-
gnovissetis me, Philippe?* His ergo qui Filium jam no-
verant, etiam illud de Patre dictum est, *Et à modò
cognoscetis eum & vidistis cum:* dictum est enim pro-
pter omnimodam similitudinem, quæ illi cum Pa-
tre est, ut ideo à modò dicerentur nosse Patrem,
quia noverant similem Filium. Ergo jam sciebant
Filium, etsi non omnes, certè quidam eorum qui-
bus dicitur, *Et quò vado scitis, & viam scitis:* ipse
est enim via. Sed Patrem nesciebant, ideo audiunt,
Si cognovissetis me, & Patrem meum cognovissetis: per
me utique & illum. Alius enim ego sum, alias ille.
Sed ne putarent dissimilem, *Et à modò*, inquit, *co-
gnoscetis cum, & vidistis eum.* Viderunt enim ejus
simillimum Filium, sed admonendi fuerant talem
esse etiam Patrem quem nondum videbant, qua-
lis est Filius quem videbant. Et ad hoc valet quod
postea Philippo dicitur, *Qui videt me, videt & Pa-
trem.* Non quòd ipse esset Pater & Filius, quod in
Sabellianis, qui vocantur etiam Patrpassiani, ca-
tholica fides damnat: sed quòd tam similes sint Pa-
ter & Filius, ut qui unum noverit, ambos noverit.
Solemus enim de simillimiis duobus ita loqui eis qui
unum illorum vident, & qualis est alius volunt nos-
se, ut dicamus, *Vidistis istum, illum vidistis.* Sic
ergo dictum est, *Qui me videt, videt & Patrem:* non utique ut ipse sit Pater qui Filius, sed quòd à
Patris similitudine in nullo prorsus discrepet Filius.
Nam nisi duo essent Pater & Filius, non dictum es-
set, *Si cognovissetis me, & Patrem meum cognovissetis.* Ut-
v. 7. *que enim, quia nemo, inquit, venit ad Patrem nisi
per me: si cognovissetis me, & Patrem meum cognovissetis:* quoniam ego per quem venitur ad Patrem, perdu-
cam vos ad eum, ut ipsum etiam cognoscatis. Sed
quoniam illi sum omnino simillimus, à modò cognos-
cetis eum, cùm cognoscitis me: & vidistis eum, si
oculis cordis vidistis me.

v. 8. **E** 3. Quid ergo est quod dicas Philippe, *Ostende
nobis Patrem, & sufficit nobis?* *Tanto*, inquit, tem-
pore vobis sum, & non cognovissetis me, Philippe?
Qui videt me, videt & Patrem. Quòd si ad te mul-
tum est hoc videre, saltem quod non vides hoc cre-
de. *Quomodo enim dicas, inquit, Ostende nobis Pa-
trem?* Si me vidisti qui omnimodo similis sum, vidi-
sti illum cui similis sum. Quòd si videre non potes,
v. 9. *Non saltem credis quia ego in Patre & Pater in me* *v. 10.*
est? Poterat hīc dicere Philippus: Video quidem
te, & credo simillimum esse Patri; sed numquid
arguendus & objurgandus est, qui cùm similem
videt, etiam illum cui similis est vult videre? Simil-
lem quidem novi, sed adhuc alterum sine altero
novi: non mihi sufficit, nisi & illum cuius est iste
similis noverim. *Ostende itaque nobis Patrem, &
sufficit nobis.* Sed ideo Magister disipulum argue-
bat, quoniam cor postulantis videbat. Tamquam
enim melior esset Pater quam Filius, ita Philippus
Patrem nosse cupiebat: & ideo nec Filium sciebat,
quo melius esse aliquid credebat. Ad hunc sensum

* Hic in MSS. erat, *Si cognovissetis:* altero hujus vers. loco, *utique cognoscetis:* sed nunc plures à secunda manu habent utrobique, *cognovissetis.*

corrigendum dictum est, *Qui videt me, videt & Patrem.* Quomodo tu dicas, Ostende nobis Patrem? Video quomodo tu dicas: non alterum quæreris videre similem, sed illum putas esse meliorem. Non credis quia ego in Patre & Pater in me est? Cur in similibus distantiam cupis cernere? cur inseparabiles separatim desideras nosse? Deinde non ad solum Philippum, sed ad eos pluraliter loquitur, quæ non sunt in angustias coartanda, ut adjuvante ipso diligentius exponantur.

TRACTATUS LXXI.

In id quod Dominus dicit, Verba quæ ego loquor vobis, à meipso non loquor: usque ad id, Si quid petieritis Patrem in nomine meo, hoc faciam.

I. **A**UDITE auribus, accipite mentibus dilectissimi, loquentibus quidem nobis, sed ipso docente qui non recedit à nobis. Dominus dicit, quod modò cùm legeretur audistis, *Verba quæ ego loquor vobis, à meipso non loquor: Pater autem in me manens ipse facit opera.* Ergo & verba opera sunt? Planè ita est. Nam profectò qui proximum loquendo ædificat, bonum opus operatur. Sed quid est, à meipso non loquor, nisi à meipso non sum qui loquor? Ei quippe tribuit quod facit, de quo est ipse qui facit. Pater enim Deus non est de aliquo, Filius autem Deus est quidem Patri æqualis, sed de Patre Deo. Ideo ille Deus, sed non de Deo; & lumen, sed non de lumine: iste verò Deus de Deo, lumen de lumine.

Arianis & Sabellianis occurrit. **2.** Nam in his duabus sententiis, unâ qua dictum est, *Non à meipso loquor;* aliâ qua dictum est, *Pater autem in me manens ipse facit opera:* singulas tenentes, diversi nobis adversantur hæretici, qui non ex una parte, sed in contraria conantes, à via veritatis exorbitant. Ariani quippe dicunt, Ecce inæqualis est Patri Filius, à seipso non loquitur. Dicunt Sabelliani contrà, id est, Patrissiani, Ecce qui Pater est ipse & Filius: quid enim est, *Pater in me manens ipse facit opera,* nisi in me maneo ego qui facio? Contraria dicitis: sed non eo modo sicut est falsum contrarium vero, sed sicut sunt inter se duo falsa contraria. Errando in diversa istis, in medio est via quam reliquistis. Inter vos ipsos longiore intervallo separati estis, quàm ab ipsa via cuius desertores estis. Vos hinc, vos autem illinc, huc venite; alteri ad alteros transire nolite, sed hinc atque illinc ad nos veniendo, invicem vos invenite. Sabelliani agnoscite quem prætermittitis, Ariani æquate quem subditis, & in via vera nobiscum ambulabitis. Est enim quod invicem ex vobis alteri ex alteris admoneri triique debeatis. Audi Sabelliane: Usque adeo non ipse Pater, sed alter est Filius, ut eum Arianus inæqualem asserat Patri. Audi Ariane: Usque adeo Filius æqualis est Patri, ut Sabellianus eumdem esse dicat & Patrem. Tu adde quem tollis, tu adimple quem minuis, & nobiscum ambo consistitis: quia nec tu tollis, nec tu minuis eum qui & alter est à Patre, ut convincas Sabellianum, & æqualis Patri, ut convincas Ariam. Utrisque enim clamat, Ego & Pater unus sumus. **Quod** ait, unus, audiant Ariani: quod ait, sumus, audiant Sabelliani: & nec illi æqualem, nec illi alterum negando sint vani. Si ergo quoniam dixit, *Verba quæ ego loquor vobis, à meipso non loquor,* propterea putatur usque adeo imparis potestatis, ut non quod ipse vult faciat: audiatur quod dixit, Sicut Pater

A suscitat mortuos & vivificat, sic & Filius quos vult vivificat. Item si quoniam dixit, *Pater in me manens ipse facit opera,* propterea putatur non alias esse Pater, alias ipse: audiatur quod dixit, Quæcumque Pater facit, hæc & Filius similiter facit: & intelligatur non bis unus, sed duo unum. Verùm quia sic æqualis alter alteri, ut tamen alter ex altero, ideo non loquitur à semetipso, quia non est à seipso: & ideo Pater in illo manens facit opera ipse, quia per quem & cum quo facit, non est nisi ab ipso. Denique adjungit, & dicit, *Non creditis quia ego in Patre, & Pater in me est?* Alioquin propter opera ipsa credite. Antea solus Philippus arguebatur, nunc autem non ibi eum solum fuisse qui esset arguendus ostenditur. Propter opera, inquit, ipsa credite, quia ego in Patre & Pater in me est: neque enim si separati essemus, inseparabiliter operari ulla ratione possemus.

3. Sed quid est quod sequitur, * Amen, amen v. 12. dico vobis, qui credit in me, opera quæ ego facio, & ipse faciet, & majora horum faciet, quia ego ad Patrem vado; * & quæcumque petieritis in nomine meo, v. 13. hæc faciam. Ut glorificetur Pater in Filio, * si quid v. 14. petieritis in nomine meo, hoc faciam? Ergo & illa majora opera seipsum facturum esse promisit. Non se extollat servus supra dominum, & discipulus su- iohann. 13. pra magistrum: majora quàm ipse facit dicit eos esse facturos; sed in eis vel per eos se faciente, non ipsis tamquam ex seipisis. Ei quippe cantatur, Dili- psal. 17. gam te, Domine virtus mea. Sed quæ sunt tandem dista majora? An fortè quod ægros ipsis transeuntibus, etiam eorum umbra sanabat? Majus est enim ut sanet umbra quàm fimbria. Illud per se, hoc per ipsos, sed tamen utrumque ipse. Verumtamen quando ista dicebat, verborum suorum opera commendabat: sic enim dixerat, *Verba quæ ego loquor* iohann. 14. *vobis, à me ipso non loquor, Pater autem in me ma-* nens ipse facit opera. Quæ opera tunc dicebat, nisi verba quæ loquebatur? Audiebant & credebant illi, & eorumdem verborum fructus erat fides illorum: verumtamen evangelizantibus discipulis, non tam pauci quàm illi erant, sed gentes etiam crediderunt, hæc sunt sine dubitatione majora. Nec tamen ait, Majora horum facietis, ut solos Apostolos ea putaremus esse facturos: sed, *Qui credit in me, inquit, opera quæ ego facio, & ipse faciet, & majora horum faciet.* Itane quicumque credit in Christum, facit quæ Christus, vel majora quàm Christus? Non prætereunter ista tractanda sunt, nec debent festinatione præcipitari: sed ea cogit F concludendus jam sermo iste differri.

TRACTATUS LXXII.

In eamdem lectionem.

I. **Q**UID sibi velit, & quomodo accipient dum sit quod Dominus ait, *Qui credit in me, opera quæ ego facio & ipse faciet,* non est facile comprehendere: & cùm hoc ad intelligendum difficultimum sit, adjecit aliud difficilius, *Et majora horum faciet.* Quid est hoc? Qui faceret opera quæ Christus fecit, non inveniebamus: qui etiam majora faciet, inventuri sumus? Sed dixeramus sermone pristino, quia majus fuit umbræ suæ transitu, quod discipuli fecerunt, quàm fimbriæ suæ tactu, quod ipse Dominus fecit, sanare lan- matth. 9. guentes; & quia plures Apostolis, quàm ipso per os proprium prædicante Domino crediderunt: ut

hæc viderentur opera intelligenda esse majora: A ciat. Quæ opera, nisi ut ex impio justus fiat?

Johann. 15. 5. non quò major esset Magistro discipulus, vel Domino servus, vel adoptatus Unigenito, vel homo Deo; sed quòd per illos ipse dignaretur eadem ma-

Johann. 14. 12. jora facere, qui dicit illis alio loco, Sine me nihil potestis facere. Ipse quippe, ut alia omittam, quæ sunt innumerabilia, sine ipsis fecit eos, sine ipsis fecit hunc mundum; & quia homo etiam ipse fieri dignatus est, sine ipsis fecit & seipsum. Quid autem illi sine ipso nisi peccatum? Denique & hīc id quod de hac re poterat nos movere, mox abstulit:

v. 13. * & quæcumque petieritis in nomine meo, hæc faciam. Qui dixerat faciet, pōst ait faciam, tamquam diceret, Non vobis impossibile hoc videatur: non enim poterit esse major me qui credit in me, sed ego facturus sum & tunc majora quām nunc; majora per eum qui credit in me, quām præter eum per me: ego tamen ipse præter eum, ego ipse per eum: sed quando præter eum, non faciet ipse; quando autem per eum, quamvis non per semetipsum, faciet & ipse. Porro autem majora facere per eum quām præter eum, non est defectio, sed dignatio.

Psal. 115. 12. Quid enim retribuant servi Domino, pro omnibus quæ retribuit eis? Quandoquidem inter cetera bona etiam hoc eis donare dignatus est, ut majora faceret per illos quām præter illos. Nonne ab ore illius dives ille tristis abscessit, quando vitæ æternæ consilium quæsivit? Audivit, abjecit: & tamen postea quod ab illo auditum non fecit unus, ficerunt multi, cùm loqueretur per discipulos magister bonus; contemtibilis ei quem divitem per seipsum monuit, amabilis eis quos ex divitibus pauperes per pauperes fecit. Ecce majora fecit prædicatus à credentibus, quām locutus audientibus.

v. 2. Verūm hoc adhuc movet, quòd hæc majora per Apostolos fecit: non autem ipsos tantum significans ait, Opera quæ ego facio & vos facietis, & majora horum facietis: sed omnes ad suam familiam pertinentes intelligi volens, Qui credit in me, inquit, opera quæ ego facio, & ipse faciet, & majora horum faciet. Si ergo qui credit faciet, non credit utique qui non faciet: sicuti est, Qui diligit me, mandata mea custodit: unde profectò qui non custodit, non diligit. Item alio loco, Qui audit, inquit, verba mea hæc, & facit ea, similabo eum viro prudenti, qui ædificat domum suam supra petram: qui ergo non est similis huic viro prudenti, procul dubio aut verba hæc audit & non facit, aut omnino nec audit. Qui credit, inquit, in me, licet moriatur, vivet: qui ergo non vivet, non utique credit. Tale etiam hoc est, Qui credit in me, faciet: non utique credit qui non faciet. Quid est hoc, Fratres? Numquid inter credentes in Christum non est computandus, qui non fecerit opera majora quām Christus? Durum est, absurdum est, ferri non potest: non toleratur nisi intelligatur.

Rom. 4. 5. Apostolum igitur audiamus: Credenti, inquit, in eum qui justificat impium, deputatur fides ejus ad justitiam. In hoc opere faciamus opera Christi, quia & ipsum credere in Christum, opus est Christi. Hoc operatur in nobis, non utique sine nobis. Audi ergo jam, & intellige, Qui credit in me, opera quæ ego facio & ipse faciet: prius ego facio, deinde & ipse faciet; quia facio ut fa-

3. Et majora horum faciet. Quorum obsecro? Numquidnam omnium operum Christi majora facit, qui cum timore & tremore suam ipsius salutem *Philip. 2. 11.* operatur? Quod utique in illo, sed non sine illo Christus operatur. Prorsus majus hoc esse dixerim, quām est cælum & terra, & quæcumque certuntur in cælo & in terra. Et cælum enim & terra *Matth. 24.* transibit: prædestinatur autem, id est, eorum *v. 15.* quos præscit, salus & justificatio permanebit. In illis tantum opera Dei, in his autem etiam est imago Dei. Sed & in cælis, Sedes, Dominationes, Principatus, Potestates, Archangeli, Angeli, opera sunt Christi: numquid etiam his operibus majora facit, qui operante in se Christo, cooperatur æternam salutem ac justificationem suam? Non hīc audeo præcipitare sententiam: intelligat qui potest, judicet qui potest, utrum majus sit justos creare quām impios justificare. Certè enim si æqualis est utrumque potentia, hoc majoris est misericordia. Hoc est enim magnum pietatis sacramentum, quod manifestatum est in carne, justificatum est in spiritu, apparuit Angelis, prædicatum est in gentibus, creditum est in mundo, assumatum est in gloria. Sed omnia opera Christi intelligere ubi ait, Majora horum faciet, nulla nos necessitas cogit. Horum enim forsitan dixit, quæ in illa hora faciebat: tunc autem verba fidei faciebat, & de his operibus fuerat prælocutus dicens, Verba quæ *Iohann. 14. 10.* ego loquor vobis, à meipso non loquor, Pater autem in D me manens ipse facit opera. Tunc igitur verba ejus erant opera ejus. Et utique minus est verba justitiae prædicare, quod fecit præter nos, quām impios justificare, quod ita facit in nobis, ut faciamus & nos. Restat inquirere quomodo accipiendum sit, Quodcumque petieritis in nomine meo, hoc faciam. Propter multa enim quæ petunt fideles ejus, nec accipiunt, non parva hinc exoritur quæstio: sed quoniam sermo iste jam claudendus est, ei considerandæ atque tractandæ tribuatur saltem parva dilatio.

TRACTATUS LXXIII.

Item in eamdem lectionem.

MAGNAM spem Dominus suis promisit * sperantibus, dicens, * *Quia ego ad Patrem vado, & quodcumque petieritis in nomine meo, hoc faciam.* Sic ergo perrexit ad Patrem, ut non relinqueret indigentes, sed exaudiaret petentes. Sed quid est, quodcumque petieritis, cùm videamus plerumque fideles ejus petere, & non accipere? An fortè propterea quia male petunt? Nam hoc exprobavit apostolus Jacobus dicens, Petitis, & non accipitis, eo quod male petitatis, ut in concupiscentiis vestris insumatis. Male ergo usurus eo quod vult accipere, Deo potius miserante non accipit. Proinde si hoc ab illo petitur unde homo lædatur exauditus, magis metendum est, ne quod posset non dare propitius, det iratus. An non videmus Israëlitas malo suo impestrasse, quod culpabili concupiscentiâ petierunt? *Num. 13. 32.* Concupierant enim carnibus vesci, quibus pluebatur manna de cælo. Fastidiebant quippe quod habebant, & quod non habebant, impudenter petebant: quasi non melius peterent, non ut cibus qui deerat indecenti desiderio præstaretur, sed ut ille

^a In tribus MSS. orantibus.

ille qui aderat sanato fastidio sumeretur. Quando enim nos delectant mala, & non delectant bona, rogare debemus potius Deum ut delectent bona, quām ut concedantur mala. Non quia malum est carne vesci, cūm de hac re loquens Apostolus dicit, *Omnis creatura Dei bona est*, & nihil abjectandum quod cum gratiarum actione accipitur:

I. Tim. 4. 4. sed quia sicut item ipse ait, *Malum est homini qui per offensionem manducat*: & si hominis offensionem, quantō magis Dei? Cujus in Israēlitis non parva erat offensio, repudiare quod dabat sapientia, & petere id quod inhiabat concupiscentia: quamvis illi nec peterent, sed quia deerat murmurarent. Sed ut sciremus non Dei creaturam esse culpabilem, sed inobedientiam contumacem & inordinatam cupiditatem; non propter porcum, sed propter pomum mortem primus homo invenit, &

Gen. 3. 6. *Gen. 15. 24.* Esau primatus suos non propter gallinam, sed propter lenticulam perdidit.

2. Quomodo ergo intelligendum est, *Quodcumque petieritis, hoc faciam*, si Deus aliqua petentibus fidelibus etiam consulendo non facit? An

Johann. 14. 12. forte solis Apostolis dictum debemus accipere? absit. Unde enim ad hoc venit ut diceret, superius dixerat, *Qui credit in me, opera quae ego facio faciet, & majora horum faciet*: de qua re pristino sermone tractavimus. Et ne quisquam hoc sibi tribueret, ut etiam illa opera majora seipsum facere ostenderet, adjecit, atque ait: *Quia ego ad Patrem vado; & quodcumque petieritis in nomine meo, hoc faciam*.

V. 13. Numquid in eum soli Apostoli crediderunt? Ad eos itaque loquebatur dicendo, *Qui credit in me, in quibus eo donante etiam nos sumus, qui utique non quodcumque petierimus accipimus*. Ipsos quoque beatissimos si cogitemus Apo-

I. Cor. 15. stolos, invenimus eum qui plus omnibus laboravit, non autem ipse, sed gratia Dei cum ipso, ter-

2. Cor. 12. 8. Dominum rogasse ut ab eo discederet angelus satanæ, nec tamen quod rogaverat accepisse. Quid dicimus, Carissimi? Putabimusne hoc promissum ubi ait, *Quodcumque petieritis hoc faciam*, nec Apostolis fuisse ab illo completum? Et cui tandem quod promittit implebit, si Apostolos suos in sua promissione fraudavit?

3. Evigila igitur homo fidelis, & vigilanter audi quod illic positum est, *in nomine meo*: ipsum enim quodcumque, non ait petieritis utcumque, sed *in nomine meo*. Qui promisit ergo tam magnum beneficium, quid vocatur? Utique Christus Jesus: Christus significat regem, Jesus significat Salvatorem: non utique nos salvos faciet, quicumque rex, sed rex Salvator: ac per hoc quodcumque petimus adversus utilitatem salutis, non petimus in nomine Salvatoris. Ettamen ipse Salvator est, non solum quando facit quod petimus, verum etiam quando non facit: quoniam quod videt peti contra salutem, non faciendo potius se exhibet Salvatorem. Novit enim medicus quid pro sua, quid contra suam salutem poscat ægrotus; & ideo contraria poscentis non facit voluntatem, ut faciat sanitatem. Quapropter quando volumus ut faciat quodcumque petimus, non utcumque, sed *in nomine ejus petamus*, hoc est in nomine Salvatoris petamus. Non ergo contra nostram salutem petamus: quod si fecerit, non ut Salvator facit, quod est nomen ejus fidelibus ejus. Est quippe impius & damnator, qui dignatur fidelibus esse Salvator. Qui ergo credit in eum, quodcumque petierit in eo no-

A mine, quod est illis qui credunt in eum, hoc facit: quoniam hoc sicut Salvator facit. Si autem qui in eum credit, aliquid per ignorantiam contra suam salutem petit, non in nomine Salvatoris petit: quia Salvator ejus non erit, si quod ejus salutem impedire fecerit. Unde tunc expedit potius, ut non faciendo propter quod invocatur, faciat quod vocatur. Propterea non solum Salvator, sed etiam magister bonus, ut faciat quodcumque petierimus, in ipsa oratione quam nobis dedit, docuit quid petamus: ut etiam sic intelligamus non petere nos in nomine magistri, quod petimus præter regulam ipsius magisterii.

4. Sanè quædam quamvis in nomine ejus petamus, id est secundum Salvatorem & secundum magistrum petamus: non tunc quando petimus facit, sed tamen facit. Neque enim quia & illud petimus ut veniat regnum Dei, propterea non facit quod petimus, quia non statim cum illo in æternitate regnamus: differtur enim quod petimus, non negatur. Verumtamen orantes tamquam seminantes non deficiamus, tempore enim proprio metemus. Et simul petamus quando bene petimus, ut non faciat quod non bene petimus: quia & ad hoc pertinet quod in eadem oratione Dominica dicimus, *Ne nos inferas in temptationem*. Neque enim parva est tentatio, si contra tuam sit caussam tua postulatio. Non autem negligenter audiendum est, quod Dominus, ne quisquam eum putaret, quod se promisit facere petentibus sine Patre esse factu-

Drum, cūm dixisset, *Quodcumque petieritis in nomine meo, hoc faciam*, continuò subjicit, * *vt glorificetur Pater in Filio*, * *si quid petieritis in nomine meo, hoc faciam*. Nullo modo igitur sine Patre hoc Filius facit, quandoquidem ut in illo Pater glorificetur, propterea facit. Facit ergo Pater in Filio, ut Filius glorificetur in Patre: & facit Filius in Patre, ut Pater glorificetur in Filio; quoniam unum sunt Pater & Filius.

TRACTATUS LXXIV.

De eo quod ait, Si diligitis me, mandata mea servate: usque ad id, Apud vos manebit, & in vobis erit.

1. **A**UDIVIMUS, Fratres, cūm Evangelium legeretur, Dominum dicentem, * *Si diligitis me, mandata mea servate: Iohann. 14.* * *& ego rogaro Patrem, & alium paracletum dabit vobis, ut maneat vobiscum in æternum*, * *Spiritum veritatis, quem mundus non potest accipere; quia non videt eum, nec scit eum. Vos autem cognoscetis eum, quia apud vos manebit, & in vobis erit*. Multa sunt, quæ in istis paucis verbis Domini requirantur: sed multum est ad nos, vel omnia quæ hīc querenda sunt querere, vel omnia quæ hīc querimus invenire. Verumtamen quantum nobis Dominus donare dignatur, pro nostra & vestra capacitate, quid dicere debeamus, & quid audire debeatis, adtententes, per nos, Carissimi, quod possumus sumite, & ab illo quod non possumus poscite. Spiritum paracletum Christus promisit Apostolis, quo autem modo promiserit, advertamus. *Si diligitis me, inquit, mandata mea servate: & ego rogaro Patrem, & alium paracletum dabit vobis, ut maneat vobiscum in æternum, Spiritum veritatis*. Hic est utique in Trinitate Spiritus sanctus, quem Patri & Filio consubstantiale & coæternum fides

catholica confitetur: ipse est de quo dicit Aposto-
lus, Caritas Dei diffusa est in cordibus nostris per
Spiritum-sanctum, qui datus est nobis. Quomodo
ergo Dominus dicit, *Si diligitis me, mandata mea
servate; & ego rogabo Patrem, & alium paracletum
dabit vobis:* cum hoc dicat de Spiritu-sancto,
quem nisi habeamus, nec diligere Deum possu-
mus, nec ejus mandata servare? Quomodo diligi-
mus ut eum accipiamus, quem nisi habeamus, di-
ligere non valemus? Aut quomodo mandata serva-
bimus, ut eum accipiamus, quem nisi habeamus,
mandata servare non possumus? An forte præce-
dit in nobis caritas, qua diligimus Christum, ut di-
ligendo Christum ejusque mandata faciendo, me-
reamur accipere Spiritum-sanctum, ut caritas non
Christi, quæ jam præcesserat, sed Dei Patris dif-
fundatur in cordibus nostris per Spiritum-sanctum,
qui datus est nobis? Perversa est ista sententia. Qui
enim se Filium diligere credit, & Patrem non dili-
git; profectò nec Filium diligit, sed quod sibi ipse
confinxit. Deinde Apostolica vox est, Nemo di-
cit Dominus Jesus, nisi in Spiritu-sancto: Et quis
Dominum Jesum, nisi qui eum diligit, dicit, si eo
modo dicit, quo Apostolus intelligi voluit? Multi
enim voce dicunt, corde autem & factis negant:
sicut de talibus ait, Confitentur enim se nosse
Deum, factis autem negant. Si negatur factis, pro-
cul dubio etiam dicitur factis. Nemo itaque dicit
Dominus Jesus, animo, verbo, facto, corde, ore,
opere, nemo dicit Dominus Jesus, nisi in Spiritu-
sancto: & nemo sic dicit, nisi qui diligit. Jam ita-
que Apostoli dicebant, Dominus Jesus. Et si eo
modo dicebant, ut non fietè dicerent, ore con-
fidentes, corde & factis negantes; prorsus si ve-
raciter hoc dicebant, procul dubio diligebant.
Quomodo igitur diligebant, nisi in Spiritu-sancto?
Et tamen eis prius imperatur ut diligent eum, &
ejus mandata conservent, ut accipient Spiritum-
sanctum: quem nisi haberent, profectò diligere &
mandata servare non possent.

2. Restat ergo ut intelligamus Spiritum-san-
ctum habere qui diligit, & habendo mereri ut plus
habeat, & plus habendo plus diligit. Jam itaque
habebant Spiritum discipuli, quem Dominus pro-
mittebat, sine quo eum Dominum non dicebant:
nec tamen eum adhuc habebant, sicut eum Do-
minus promittebat. Et habebant ergo, & non ha-
bebant, qui quantum habendus fuerat, nondum
habebant. Habebant itaque minus, dandus erat
eis amplius. Habebant occultè, accepturi fuerant
manifestè: quia & hoc ad majus donum sancti Spi-
ritus pertinebat, ut eis innotesceret quod habe-
bant. De quo munere loquens Apostolus ait, Nos
autem non spiritum hujus mundi accepimus, sed
spiritum qui ex Deo est, ut sciamus quæ à Deo do-
nata sunt nobis. Nam & ipsam manifestam im-
pertitionem Spiritus-sancti non semel, sed bis numero
Dominus egit. Mox enim ut resurrexit à mortuis
insufflans ait, Accipite Spiritum-sanctum. Num-
quid igitur quia tunc dedit, ideo non misit etiam
postea quem promisit? Aut non idem ipse est Spi-
ritus-sanctus, qui & tunc est insufflatus ab ipso, &
postea ab ipso missus è cælo? Quapropter cur ipsa
quæ facta est evidenter donatio ejus, bis facta fue-
rit, alia quæstio est: fortassis enim propter duo
præcepta dilectionis, hoc est proximi & Dei, ut
commendaretur ad Spiritum-sanctum pertinere
dilectio, hæc ejus gemina est in manifestatione fa-

Acta donatio. Et si alia caussa querenda est, non
nunc ejus inquisitione in longiorem quam oportet
modum sermo iste mittendus est: dum tamen con-
stet, sine Spiritu-sancto Christum nos diligere &
mandata ejus servare non posse; & id nos posse at-
que agere tantò minus, quanto illum percipimus
minus; tantò autem amplius, quanto illum percip-
imus amplius. Proinde non solum non habenti,
verum etiam habenti non incassum promittitur:
non habenti quidem, ut habeatur; habenti autem,
ut amplius habeatur. Nam nisi ab alio minus, ab
alio amplius haberetur, sanctus Elisæus sancto
Eliæ non diceret, Spiritus qui est in te, duplo sit ^{4. Reg. 2. 9.}
in me.

3. Quando autem ait Johannes Baptista, Non ^{1. Joh. 3. 34.}
enim ad mensuram dat Deus Spiritum, de ipso Dei
Filio loquebatur, cui non est datus Spiritus ad
mensuram; quia in illo inhabitat omnis plenitudo ^{Col. 2. 9.}
divinitatis. Neque enim sine gratia Spiritus-sancti
est mediator Dei & hominum homo Christus Je-
sus: nam & ipse dicit de se fuisse propheticum il-
lud impletum, Spiritus Domini super me, prop-
ter quod unxit me, evangelizare pauperibus misit
me. Quod enim est Unigenitus æqualis Patri, non
est gratia, sed natura: quod autem in unitatem
personæ Unigeniti assumptus est homo, gratia est,
non natura, confidente Evangelio atque dicente,
Puer autem crescebat & confortabatur plenus sa-
pientia, & gratia Dei erat in illo. Ceteris autem
ad mensuram datur, & datus additur, donec uni-
D cuique pro modo suæ perfectionis propria mensu-
ra compleatur. Unde & monet Apostolus, non ^{1. Sent. diff.}
plus sapere quam oportet sapere, sed sapere ad ^{17. c. Ad}
temperantiam, unicuique sicut Deus partitus est ^{quod dicitur.}
mensuram fidei. Neque enim ipse dividitur Spi-
ritus, sed dona per Spiritum: nam divisiones dona-
tionum sunt, idem autem Spiritus.

4. Quod verò ait, *Rogabo Patrem, & alium* ^{1. Joh. 14.}
paracletum dabit vobis, ostendit & seipsum esse Pa-
racletum. Paracletus enim Latinè dicitur advoca-
tus: & dictum est de Christo, Advocatum habe-
mus ad Patrem Jesum Christum justum. Sic autem
mundum dixit non posse accipere Spiritum-san-
ctum, sicut etiam dictum est, Prudentia carnis ^{1. Rom. 8. 7.}
inimica est in Deum, legi enim Dei non est subje-
cta, nec enim potest: velut si dicamus, Injustitia
justa esse non potest. Mundum quippe ait hoc lo-
co, mundi significans dilectores, quæ dilectio non ^{1. Joh. 2. 16.}
est à Patre. Et ideo dilectioni hujus mundi, de qua ^{1. Joh. 2. 16.}
satisfagimus ut minuatur & consumatur in nobis,
contraria est dilectio Dei, quæ diffunditur in cor-
dibus nostris per Spiritum-sanctum, qui datus est
nobis. Mundus ergo eum accipere non potest, quia
non videt eum, neque scit eum. Non enim habet in-
visibiles oculos mundana dilectio, per quos videri
Spiritus-sanctus, nisi invisibiliter non potest.

5. Vos autem, inquit, cognoscetis eum, quia apud
vos manebit, & in vobis erit. Erit in eis ut maneat,
non manebit ut sit: prius est enim esse alicubi, quam
manere. Sed ne putarent quod dictum est,
G apud vos manebit, ita dictum quemadmodum apud
hominem hospes visibiliter manere consuevit, ex-
posuit quid dixerit, apud vos manebit, cùm adjun-
xit & dixit, in vobis erit. Ergo invisibiliter videtur:
nec si non sit in nobis, potest esse in nobis ejus
scientia. Sic enim à nobis videtur in nobis & nostra
conscientia: nam faciem videmus alterius, nostram
videre non possumus; conscientiam verò nostram

videmus, alterius non videmus. Sed conscientia numquam est, nisi in nobis: Spiritus autem sanctus potest esse etiam sine nobis; datur quippe ut sit & in nobis. Sed videri & sciri quemadmodum videntur & sciendus est, non potest à nobis, si non sit in nobis.

TRACTATUS LXXV.

De eo quod ait Iesus, Non relinquam vos orphanos: usque ad id, Et ego diligam eum, & manifesterabo ei meipsum.

I. **P**ost promissionem Spiritus sancti, ne quisquam putaret quod ita eum Dominus datus fuerat velut pro seipso, ut non & ipse cum eis esset futurus, adjecit, atque ait, Non relinquam vos orphanos, veniam ad vos. Orphani, pupilli sunt. Illud enim Græcum ejusdem rei nomen est, hoc Latinum: nam & in Psalmo ubi legimus, Pupillo tu eris adjutor, Græcus habet orphano. Quamvis ergo nos Filius Dei suo Patri adoptaverit filios, & eumdem Patrem nos voluerit habere per gratiam, qui ejus Pater est per naturam: tamen etiam ipse circa nos paternum affectum quodammodo demonstrat, cùm dicit, Non relinquam vos orphanos, veniam ad vos. Hinc est quod etiam sponsi filios nos appellat, ubi dicit, Veniet hora ut auferatur ab eis sponsus, & tunc jejunabunt filii sponsi. Quis autem sponsus, nisi Dominus Christus?

2. Deinde sequitur, & dicit, Adhuc modicum, & mundus me jam non videt. Quid enim, tunc eum videbat mundus? quandoquidem mundi nomine vult intelligi eos, de quibus superius est locutus, dicens de Spiritu sancto, Quem mundus accipere non potest, quia non videt eum neque cognoscit eum. Videbat eum planè mundus carnis oculis in carne conspicuum, non autem videbat quod in carne Verbum latebat: videbat hominem, non videbat Deum; videbat indumentum, non videbat indutum. Sed quoniam post resurrectionem etiam ipsam carnem suam, quam non solum videndum, verum etiam contrectandum demonstravit suis, noluit demonstrare non suis; hinc fortasse intelligendum est esse dictum, Adhuc modicum, & mundus me jam non videt: vos autem videbitis me; quia ego vivo, & vos vivetis.

3. Quid est, quia ego vivo, & vos vivetis? Cur de præsenti se dixit vivere, illos autem de futuro esse viucturos, nisi quia vitam etiam carnis utique resurgentis, qualis in ipso præcedebat, & illis est pollicitus fecuturam? Et quia ipsius mox futura erat resurrectio, præsentis posuit temporis verbum propter significandam celeritatem: illorum autem quoniam sæculi differtur in finem, non ait vivitis, sed vivetis. Duas ergo resurrectiones, suam scilicet mox futuram, & nostram in sæculi fine venturam, duobus verbis præsentis temporis & futuri, eleganter breviterque promisit. Quia ego, inquit, vivo, & vos vivetis: quia ille vivit, ideo & nos viveamus. Per hominem quippe mors, & per hominem resurrectio mortuorum. Sicut enim in Adam omnes moriuntur, sic in Christo omnes vivificabuntur. Quoniam nemo ad mortem nisi per illum, nemo ad vitam nisi per Christum. Quia nos viximus, mortui sumus: quia vivit ipse, vivemus nos. Mortui sumus

A illi, quando viximus nobis: quia vero mortuus ille pro nobis, & sibi vivit & nobis. Quia enim vivit ille, & nos vivemus. Nam sicut per nos mortem habere potuimus, non sic & vitam per nos habere possumus.

4. In illo die, inquit, vos cognoscetis quia ego sum Iohann. 14: in Patre meo, & vos in me, & ego in vobis. In quo die, nisi de quo ait, & vos vivetis? Tunc enim erit, ut possimus videre quod credimus. Nam & nunc est in nobis, & nos in illo: sed hoc nunc credimus,

Btunc etiam cognoscemus, quamvis & nunc credendo neverimus, sed tunc contemplando noscemos: Quamdiu enim sumus in corpore quale nunc est, id est corruptibile quod aggravat animam, peregrinamur à Domino: per fidem enim ambulamus, non per speciem. Tunc ergo per speciem, quoniam videbimus eum sicuti est. Nam si etiam nunc Christus in nobis non esset, non diceret Apostolus, Si autem Christus in nobis, corpus quidem mortuum est propter peccatum, spiritus autem vita est propter justitiam. Quia vero & nos etiam nunc in illo sumus, satis ostendit, ubi dicit, Ego sum vitis, vos palmites. In illo ergo die, quando vivemus eā vitā, qua mors absorbebitur, cognoscemus quia ipse in Patre, & nos in ipso, & ipse in nobis: quia tunc perficietur hoc ipsum, quod & nunc inchoatum est jam per ipsum, ut sit in nobis & nos in ipso.

C5. Qui habet, inquit, mandata mea, & servat ea, Iohann. 14: ille est qui diligit me. Qui habet in memoria, & servat in vita; qui habet in sermonibus, & servat in moribus; qui habet audiendo, & servat faciendo; aut qui habet faciendo, & servat perseverando: ipse est, inquit, qui diligit me. Opere est demonstranda dilectio, ne sit infructuosa nominis applicatio. Et qui diligit me, inquit, diligitur à Patre meo; & ego diligam eum, & manifestabo ei meipsum. Quid est, diligam, tamquam tunc dilecturus sit & nunc non diligit: absit. Quomodo enim nos Pater sine Filio, aut Filius sine Patre diligeret? Quomodo cūm inseparabiliter operentur, separabiliter diligunt? Sed ad hoc dixit, diligam eum, ad quod sequitur, & manifestabo ei meipsum. Diligam, & manifestabo, id est, ad hoc diligam, ut manifestem. Nunc enim ad hoc dilexit, ut credamus, & mandatum fidei teneamus: tunc ad hoc diligit, ut videamus, & ipsam visionem mercedem fidei capiamus. Quia & nos nunc diligimus, credendo quod videbimus: tunc autem diligemus, videndo quod credimus.

TRACTATUS LXXVI.

FDe eo quod sequitur, Dicit ei Judas, non ille Iscariotes &c. usque ad id, Sermo quem audistis non est meus, sed ejus qui misit me Patris.

I. **I**N TERRA GANTIBUS discipulis & eis magistro respondente Jesu, etiam nos tamquam cum illis discimus, quando sanctum Evangelium vel legimus vel audimus. Quia ergo dixerat Dominus, Adhuc modicum, & mundus me Iohann. 14: jam non videt, vos autem videbitis me: interrogavit ¹⁹, G eum de hoc ipso Judas, non ille traditor ejus qui Iscariotes cognominatus est, sed cuius Epistola inter Scripturas canonicas legitur: Domine, quidfa- v. 22. Etum est quia nobis manifestatus es teipsum, & non mundo? Simus cum ipsis tamquam interrogantes discipuli, communemque magistrum audiamus & nos, videmus.

^a Editi, Quia nobis: MSS. plerique, Quia nos.

^b Sic MSS. At editi, ipsa visione: & infra, credendo quod non

Judas enim sanctus, non immundus, nec insectator A
Dominii, sed sectator, caussam quæsivit quare se
non mundo, sed suis manifestaturus esset Jesus:
quare adhuc modicum & mundus non videret
eum, ipsi autem viderent eum.

v. 23. 2.* Respondit Iesus, & dixit ei, Si quis diligit me,
sermonem meum servabit: & Pater meus diligit eum,
& ad eum veniemus, & mansionem apud eum facie-

v. 24. mus. * Qui non diligit me, sermones meos non servat.
Ecce exposita est caussa, quare se suis manifestatu-

B r. 42. 1. Ipsa caussa est de qua sacer insonat Psalmus, Judica
me Deus, & discerne caussam meam de gente non
sancta. Qui enim ^a diligunt, quia diligunt, eligun-

^a 1. Cor. 13. 1. t. qui verò non diligunt, si linguis hominum lo-

quantur & Angelorum, fiunt æralementum sonans &
cymbalum tinniens: & si habuerint prophetiam, &

scierint omnia sacramenta, & omnem scientiam, &
habuerint omnem fidem ut montes transferant, ni-

hil sunt: & si distribuerint omnem substantiam suam
& tradiderint corpus suum ut ardeant, nihil eis pro-

dest, Dilectio sanctos discernit à mundo, quæ facit

Psal. 67. 7. unianimes habitare in domo. In qua domo facit Pa-
ter & Filius mansionem: qui donant & ipsam dilec-
tionem, quibus donent in fine etiam ipsam suam
manifestationem: de qua discipulus magistrum in-
terrogavit, ut non solum illi qui tunc audiebant per
os ejus, sed etiam nos per Evangelium ejus hoc
nosse possemus. Quæsierat enim de Christi manife-
statione, & audivit de dilectione atque mansione.
Est ergo quædam Dei manifestatio interior, quam
prorsus impi non noverunt, quibus Dei Patris &
Spiritus sancti manifestatio nulla est: Filii verò po-
tuit esse, sed in carne; quæ nec talis est qualis illa,
nec semper illis adesse potest qualiscumque sit, sed
ad modicum tempus; & hoc ad judicium, non ad
gaudium, ad supplicium, non ad præmium.

3. Nunc est ergo ut intelligamus, quantum aperi-
re ipse dignatur, quomodo dictum sit, Adhuc modicum,
& mundus me jam non videt, vos autem vide-
bitis me. Verum est quidem, quod post paululum
etiam corpus suum in quo poterant eum & impii vi-
dere, oculis eorum fuerat subtracturus: quando-
quidem post resurrectionem nemo illorum vidi-
tum. Sed quoniam dictum est testantibus Angelis,

A 17. 1. 11. Sic veniet quemadmodum vidistis eum euntem in
cælum: nec aliud credimus quām eum in eodem
corpore ad judicium vivorum & mortuorum esse
venturum: procul dubio tunc eum videbit mundus,
quo nomine significati sunt à regno ejus alieni. Ac
per hoc longè melius intelligitur jam illud tempus
significare voluisse, in eo quod ait, Adhuc modicum
& mundus me jam non videt, quando in fine sæculi
auferetur ab oculis damnatorum, ut illi eum de ce-
tero videant, apud quos diligentes eum facit Pater
atque ipse mansionem. Modicum autem dixit, quia
& id quod prolixum videtur hominibus, brevissi-
mum est ante oculos Dei: de hoc quippe modico

^{1. Iohann.} 1. 2. iste ipse Johannes Evangelista, Filioli, inquit, no-
vissima hora est.

4. Ne quis porrò existimet Patrem tantummo-
do & Filium sine Spiritu sancto apud dilectores suos
facere mansionem, recolat quod superius de Spi-
ritu sancto dictum est, Quem mundus non poteat
accipere, quia non videt eum, nec scit eum: vos
autem cognoscetis eum, quia apud vos manebit,

^a Decem MSS. Qui enim diliguntur,

& in vobis erit. Ecce facit in sanctis cum Patre &
Filio sanctus etiam Spiritus mansionem: intus uti-
que tamquam Deus in templo suo. Deus Trinitas
Pater & Filius & Spiritus sanctus veniunt ad nos,
dum venimus ad eos: veniunt subveniendo, veni-
mus obediendo; veniunt illuminando, venimus in-
tuendo; veniunt implendo, venimus capiendo: ut
sit nobis eorum non extraria visio, sed interna; &
in nobis eorum non transitoria mansio, sed æterna.
Sic mundo non se Filius manifestat: mundus enim
dictus est hoc loco, de quibus continuo subjunxit,
Qui non diligit me, sermones meos non servat. Hi sunt
qui Patrem & Spiritum sanctum numquam vident:
Filium autem non ut beatificantur, sed ut judican-
tur, ad modicum vident; nec ipsum in forma Dei,
ubi est cum Patre & Spiritu sancto pariter invisibilis;
sed in forma hominis, ubi esse voluit mundo pa-
tiendo contemtibilis, judicando terribilis.

5. Quod verò adjunxit, *Et sermo quem audistis
non est meus, sed ejus qui misit me Patris:* non mire-
mur, non paveamus: non est minor Patre, sed non
est nisi à Patre. Non est impar ipso, sed non est à
seipso. Neque enim mentitus est dicendo, *Qui non
diligit me, sermones meos non servat.* Ecce suos dixit
esse sermones: numquid sibi ipse est contrarius, ubi
rursus dixit, *Et sermo quem audistis non est meus?* Et
fortasse propter aliquam distinctionem, ubi suos
dixit, dixit pluraliter, hoc est sermones: ubi autem
sermonem, hoc est Verbum, non suum dixit esse,
sed Patris, seipsum intelligi voluit. In principio
D enim erat Verbum, & Verbum erat apud Deum,
& Deus erat Verbum. Non utique suum, sed Pa-
tris est Verbum: quomodo nec sua imago, sed Pa-
tris; nec suus Filius idem ipse, sed Patris. Rectè
igitur tribuit auctori quidquid facit æqualis, à quo
habet hoc ipsum quod illi est indifferenter æqualis.

TRACTATUS LXXVII.

De eo quod sequitur, Hæc locutus sum vobis apud
vos manens: usque ad id, Pacem meam do vo-
bis, non quomodo mundus dat, ego do vobis.

1. **I**N præcedenti lectione sancti Evangelii,
quam sequitur ista quæ modò recitata est,
Dominus Jesus dixerat se & Patrem ad dilec-
tores suos esse venturos, & apud eos mansionem
esse facturos. Jam verò & superius dixerat de Spi-
ritu sancto, Vos autem cognoscetis eum, quia ^{10han. 14.}
apud vos manebit, & in vobis erit: unde intellexi-
mus in sanctis tamquam in templo suo simul mane-
re Trinitatem Deum. Nunc autem dicit, *Hæc lo-*
catus sum vobis apud vos manens. Illa itaque mansio
alia est quam promisit futuram, hæc verò alia quam
præsentem esse testatur. Illa spiritualis est, atque
intrinsecus mentibus redditur: hæc corporalis fo-
rinsecus oculis atque auribus exhibetur. Illa in æ-
ternum beatificat liberatos, hæc in tempore visitat
liberandos. Secundum illam Dominus à suis dilec-
toribus non recedit, secundum hanc it & ^b recedit.
Hæc, inquit, *locutus sum vobis, apud vos manens:*
G utique præsentia corporali, qua cum illis visibilis
loquebatur.

2. **P**aracletus autem, inquit, *Spiritus sanctus*, ^{v. 26.}
quem mittet Pater in nomine meo, ille vos docebit om-
nia, & commemorabit vos omnia quæcumque dixerim
vobis. Numquidnam dicit Filius, & docet Spiritus
sanctus, ut dicente Filio verba capiamus, docente

^b Lev. redit: ceteri codices recedit.

Psal. 2. 7. autem Spiritu - sancto eadem verba intelligamus ? **Iohann. 6. 45.** Quasi dicat Filius sine Spiritu - sancto , aut Spiritus - sanctus doceat sine Filio : aut verò non & Filius doceat & Spiritus - sanctus dicat , & cùm Deus aliquid dicit & docet , Trinitas ipsa dicat & doceat ? Sed quoniam Trinitas est , oportebat ejus singulas insinuare personas , eamque nos distinctè audire , inseparabiliter intelligere . Audi Patrem dicentem ubi legis , Dominus dixit ad me , Filius meus es tu : audi & docentem ubi legis , Omnis qui audivit à Patre & didicit , venit ad me . Filium verò dicentem modò audisti , de se quippe ait , *quæcumque dixeris vobis* : quem si & docentem vis nosse , magistrum recole : Unus est , inquit , magister vester Christus . Spiritum porrò sanctum , quem modò audisti docentem ubi dictum est , *Ipse vos docebit omnia* , audi etiam dicentem , ubi legis in Actibus Apostolorum , **Aet. 10. 20.** beato Petro dixisse Spiritum - sanctum , Vade cum illis , quia ego misi eos . Omnis igitur & dicit & docet Trinitas : sed nisi etiam singillatim commendaretur , eam nullo modo humana capere utique posset infirmitas . Cùm ergo omnino sit inseparabilis , numquam Trinitas esse sciretur , si semper inseparabiliter diceretur : nam & cùm dicimus Patrem & Filium & Spiritum - sanctum , non eos utique dicimus simul , cùm ipsi non possint esse non simul . Quod verò addidit , *commemorabit vos* , intelligere debemus etiam , quod jubemur non oblivisci , saluberrimos monitus ad gratiam pertinere , quam nos commemorat Spiritus .

Iohann. 14. 27. 3. *Pacem* , inquit , *relinquo vobis* , *pacem meam do vobis* . Hoc est quod legimus apud Prophetam , *Pacem super pacem* : pacem nobis relinquit iturus , pacem suam nobis dabit in fine venturus . Pacem nobis relinquit in hoc sèculo , pacem suam nobis dabit in futuro sèculo . Pacem suam nobis relinquit , in qua manentes hostem vincimus : pacem suam nobis dabit , quando sine hoste regnabimus . Pacem relinquit nobis , ut etiam hìc invicem diligamus : pacem suam nobis dabit , ubi numquam dissentire possimus . Pacem relinquit nobis , ne de occultis nostris invicem judicemus , cùm in hoc sumus mundo : pacem suam dabit nobis , cùm manifestabit cogitationes cordis , & tunc laus erit unicuique à Deo . In illo tamen atque ab illo nobis est pax , sive quam nobis relinquit iturus ad Patrem , sive quam nobis dabit nos perducturus ad Patrem . Quid autem nobis relinquit adscendens à nobis , nisi seipsum , dum non recedit à nobis ? Ipse est enim pax nostra , qui fecit utraque unum . Pax ergo ipse nobis est , & cùm credimus quia est , & cùm videmus eum sicuti est . Si enim quamdiu sumus in corpore corruptibili quod aggravat animam , cùm per fidem ambulamus non per speciem , non deserit peregrinantes à se : quantò magis cùm ad ipsam speciem venerimus , nos implebit ex se ?

4. Sed quid est quòd ubi ait , *Pacem relinquo vobis* , non addidit *meam* : ubi verò ait , *do vobis* , ibi dixit *meam* ? Utrum subaudiendum est *meam* , & ubi dictum non est , quia potest referri ad utrumque etiam quod semel dictum est ? An fortè & hìc aliquid latet quod petendum est & quærendum , & ad quod pulsantibus aperiendum ? Quid si enim pacem suam eam voluit intelligi qualem habet ipse ? Pax verò ista quam nobis relinquit in hoc sèculo , nostra est potius dicenda quam ipsius . Ille quippe nihil repugnat in seipso , qui nullum habet omnino peccatum : nos autem talem pacem nunc habemus , in

A qua adhuc dicamus , Dimitte nobis debita nostra . **Matth. 6.** Est ergo nobis pax aliqua , quoniam condelectamur legi Dei secundùm interiorem hominem : sed non est plena , quia videmus aliam legem in membris nostris repugnantem legi mentis nostræ . Itemque inter nos ipsos est nobis pax , quia invicem nobis credimus quòd invicem diligamus : sed nec ipsa plena est , quia cogitationes cordis nostri invicem non videmus ; & quædam de nobis quæ non sunt in nobis , vel in melius invicem vel in deterius opinamur .

B Itaque ista etiamsi ab illo nobis relicta est , pax nostra est : nisi enim ab illo , non haberemus & talem , sed ipse non habet talem . Si tenuerimus usque in finem qualem accepimus , qualem habet habebimus , ubi nihil nobis repugnet ex nobis , & nihil nos invicem lateat in cordibus nostris . Nec ignoro ista Domini verba etiam sic accipi posse , ut ejusdem sententiæ repetitio videatur , *Pacem relinquo vobis* , **Iohann. 14.** *pacem meam do vobis* : ut quod dixerat , *pacem* , hoc ^{27.} repetierit dicens , *pacem meam* ; & quod dixerat , *relinquo vobis* , hoc repetierit dicens , *do vobis* . Ut volet quisque accipiat : me tamen delectat , credo & vos , Fratres mei dilecti , sic tenere istam pacem , ubi adversarium concorditer vincimus , ut desideremus pacem , ubi adversarium non habebimus .

C 5. Quod verò Dominus adjunxit , atque ait , *Non quomodo mundus dat , ego do vobis* : quid est aliud , nisi non quomodo homines dant qui diligunt mundum , ita do vobis ? Qui propterea dant sibi pacem , ut sine molestia litium atque bellorum , non Deo , D sed amico suo mundo perfruantur : & quando justis dant pacem ut non eos persequantur , pax non potest esse vera , ubi non est vera concordia ; quia disjuncta sunt corda . Quomodo enim consors dicitur , qui sortem jungit : ita ille concors dicendus est , qui corda jungit . Nos ergo , Carissimi , quibus Christus pacem relinquit , & pacem suam nobis dat , non sicut mundus , sed sicut ille per quem factus est mundus , ut concordes simus , jungamus invicem corda , & cor unum sursum habeamus , ne corrum- E patur in terra .

TRACTATUS LXXVIII.

In id quod Dominus dicit , Non turbetur cor vestrum , neque formidet , &c.

1. **A** CCEPIMUS , Fratres , verba Domini dicentis ad discipulos suos , * *Non turbetur cor vestrum , neque formidet* . * *Auditis v. 27.* *quia ego dixi vobis , Vado & venio ad vos : si diligenteris me , gauderetis utique , quia ego vado ad Patrem ; quia Pater major me est* . Hinc ergo turbari & formidare poterat cor illorum , quòd ibat ab eis , quamvis venturus ad eos : ne forsitan gregem lupus hoc intervallo invaderet , pastoris absentia . Sed à quibus homo abscedebat , Deus non derelinquebat : & idem ipse Christus homo & Deus . Ergo & ibat per id quod homo erat , & manebat per id quod Deus erat : ibat per id quod uno loco erat , manebat per id quod ubique erat . Cur itaque turbaretur & formidaret cor , quando ita deserebat oculos , ut non desereret cor ? Quamvis Deus etiam qui nullo continetur loco , discedat ab eorum cordibus , quieum relinquunt moribus , non pedibus ; & veniat ad eos qui convertuntur ad eum non facie , sed fide , & accedunt ad eum mente , non carne . Ut autem intelligerent secundùm id quod homo erat eum dixisse , *Vado & venio ad vos :*

adjecit, atque ait, *Si diligenteris me, gauderetis utique, quia ego vado ad Patrem; quia Pater major me est.* Per quod ergo Filius non est æqualis Patri, per hoc iturus erat ad Patrem, à quo venturus est vi-
vos judicaturus & mortuos: per illud autem in quo æqualis est gignenti Unigenitus, numquam re-
cedit à Patre; sed cum illo est ubique totus pari di-
vinitate, quam nullus continet locus. Cùm enim
in forma Dei esset, sicut Apostolus loquitur, non
rapinam arbitratus est esse æqualis Deo. Quomo-
do enim rapina posset esse natura, quæ non erat B
usurpata, sed nata? Semetipsum autem exinanivit,
formam servi accipiens: non ergo amittens illam,
sed accipiens istam. Eo modo se exinaniens, quo
hic minor apparebat quām apud Patrem manebat.
Forma quippe servi accessit, non forma Dei rece-
dit: hæc est assumta, non illa consumta. Propter
hanc dicit, *Pater major me est:* propter illam ve-
rò, Ego & Pater unum sumus.

2. Hoc adtendat Arianus, & adtentione sit sa-
nus: ne contentione sit vanus, aut quod est pejus,
insanus. Hæc est enim forma servi, in qua Dei Fi-
lius minor est, non Patre solo, sed etiam Spiritu.
sancto: neque id tantum, sed etiam seipso; quia
idem ipse in forma Dei major est seipso. Neque
enim homo Christus non dicitur Filius Dei, quod
etiam sola caro ejus in sepulcro meruit appellari.
Nam quid aliud confitemur, cùm dicimus credere
nos in unigenitum Dei Filium, qui sub Pontio Pi-
lato crucifixus est & sepultus? Et quid ejus nisi caro
sepulta est sine anima? Ac per hoc cùm credimus D
in Dei Filium qui sepultus est, profectò Filium
Dei dicimus & carnem quæ sola sepulta est. Ipse
ergo Christus Filius Dei, æqualis Patri in forma
Dei, quia semetipsum exinanivit, non formam Dei
amittens, sed formam servi accipiens, major est &
seipso: quia major est forma Dei quæ amissa non
est, quām servi quæ accepta est. Quid itaque mi-
rum, vel quid indignum, si secundūm hanc for-
mam servi loquens, ait Dei Filius, *Pater major me est;* & secundūm Dei formam loquens, ait idem E
ipse Dei Filius, Ego & Pater unum sumus? Unum
sunt enim secundūm id quod Deus erat Verbum:
major est Pater, secundūm id quod Verbum caro
factum est. Dicam etiam quod Ariani & Eunomiani
negare non possunt, secundūm hanc formam
servi puer Christus etiam parentibus suis minor
erat, quando parvus majoribus, sicut scriptum est,
subditus erat. Quid igitur hæretice, cùm Christus
Deus sit & homo, loquitur ut homo, & calumnias
Deo? Ille in se naturam commendat humanam, F
tu in illo audes deformare divinam? Infidelis, in-
grate, ideone tu minuis eum qui fecit te, quia dicit
ille quid factus sit propter te? Æqualis enim Patri
Filius per quem factus est homo, ut minor esset
Patre, factus est homo: quod nisi fieret, quid esset
homo?

3. Dicat planè Dominus & Magister noster, *Si diligenteris me, gauderetis utique, quia vado ad Patrem; quia Pater major me est.* Cum discipulis au-
diamus verba doctoris, non cum alienis sequamur G
astutiam deceptoris. Agnoscamus geminam sub-
stantiam Christi, divinam scilicet quæ æqualis est
Patri, humanam quæ major est Pater. Utrumque
autem simul non duo, sed unus est Christus; ne
sit quaternitas, non Trinitas Deus. Sicut enim
unus est homo anima rationalis & caro, sic unus

A est Christus Deus & homo: ac per hoc Christus,
est Deus anima rationalis & caro. Christum in his
omnibus, Christum in singulis confitemur. Quis
est ergo per quem factus est mundus? Christus Je-
sus, sed in forma Dei. Quis est sub Pontio Pilato
crucifixus? Christus Jesus, sed in forma servi. Item
de singulis quibus homo constat. Quis non est de-
relictus in inferno? Christus Jesus, sed in anima
sola. Quis resurrecturus triduo jacuit in sepulcro?
Christus Jesus, sed in carne sola. Dicitur ergo &
in his singulis Christus. Verūm hæc omnia non
duo, vel tres, sed unus est Christus. Ideo ergo di-
xit, *Si diligenteris me, gauderetis utique, quia vado ad Patrem:* quia naturæ humanæ gratulandum
est, eo quod sic assumta est à Verbo unigenito, ut
immortalis constitueretur in cælo, atque ita fieret
terra sublimis, ut incorruptibilis pulvis federet ad
dexteram Patris. Hoc enim modo se iturum dixit
ad Patrem. Nam profectò ad illum ibat qui cum
illo erat. Sed hoc erat ire ad eum & recedere à no-
bis, mutare atque immortale facere quod mortale
suscepit ex nobis, & levare in cælum per quod fuit
in terra pro nobis. Quis non hinc gaudeat, qui sic
diligit Christum, ut & suam naturam jam immor-
talem gratuletur in Christo, atque id se speret
futurum esse per Christum?

TRACTATUS LXXXIX.

*De eo quod ait, Et nunc dixi vobis prius quām
fiat, &c. usque ad id, Surgite, eamus hinc.*

1. **D**OMINUS & salvator noster Jesus Chri-
stus dixerat discipulis suis, *Si diligenteris me, gauderetis utique, quia vado ad Patrem,* quia Pater major me est. Quod ex forma
servi eum dixisse, non ex forma Dei in qua æqualis
est Patri, novit fides quæ religiosis est mentibus
fixa, non calumniosis & dementibus ficta. Deinde
subjunxit, *Et nunc dixi vobis prius quām fiat, ut
cum factum fuerit, credatis.* Quid est hoc, cùm ma-
gis homo credere debeat antequam fiat id quod
credendum est? Hæc est enim laus fidei, si quod
reditur non videtur. Nam quid magnum est, si
reditur quod videtur, secundūm illam ejusdem
Domini sententiam, quando discipulum arguit di-
cens, *Quia vidisti, credidisti; beati qui non vident
& credunt?* Et nescio utrūm credere dicendus est
quisque quod videt: nam ipsa fides in Epistola quæ
scribitur ad Hebræos, ita est definita: *Est autem
fides sperantium substantia, convictio rerum quæ
non videntur. Quapropter si fides est rerum quæ
creduntur, eademque fides earum est quæ non vi-
dentur: quid sibi vult quod Dominus ait, Et nunc
dixi vobis prius quām fiat, ut cum factum fuerit,
credatis?* Nonne potius dicendum fuit; Et nunc
dixi vobis prius quām fiat, ut credatis, quod cùm
factum fuerit videatis? Nam & ille cui dictum est,
*Quia vidisti, credidisti, non hoc credidit quod vi-
dit; sed aliud vidit, aliud credidit: vidi enim ho-
minem, credidit Deum.* Cernebat quippe atque
tangebat carnem viventem, quam viderat morientem:
& credebat Deum in carne ipsa latente. Credebat ergo mente quod non videbat, per hoc
quod sensibus corporis apparebat. Sed etsi dicun-
tur credi quæ videntur, sicut dicit unusquisque
oculis suis se credidisse: non tamen ipsa est quæ in
nobis ædificatur fides; sed ex rebus quæ videntur,

• Tres MSS. *sperandum.* Am. & Bad. *sperandarum.* Er. Lov. & plerique MSS. *sperantium.* Sic rursus variant infra Tract. 95.

agitur in nobis ut ea credantur quæ non videntur. Quocirca, Dilectissimi, unde nunc mihi sermo est, quod Dominus ait, *Et nunc dixi vobis prius quam fiat, ut cum factum fuerit, credatis*: illud utique dicit, *cum factum fuerit*, quod eum visuri erant post mortem viventem, & ad Patrem adscendentem: quo viso illud fuerant credituri, quod ipse esset Christus Filius Dei vivi, qui potuit hoc facere cum prædixisset, & prædicere ante quam ficeret: credituri autem hoc non fide nova, sed aucta; aut certè cum mortuus esset defecta, cum resurrexisset refecta. Neque enim eum Dei Filium non & antè credebant: sed cum in illo factum esset quod antè prædixit, fides illa quæ tunc quando illis loquebatur fuit parva, & cum moreretur penè jam nulla, & revixit & crevit.

Iohann. 14. 2. Deinde quid dicit? *Iam non multa loquar vobis: venit enim princeps mundi hujus: quis, nisi diabolus?* Et in me non habet quidquam: nullum scilicet omnino peccatum. Sic enim ostendit non creaturarum, sed peccatorum principem diabolum, quos nunc nomine mundi hujus appellat. Et quotiescumque mundi nomen in mali significazione ponitur, non ostendit nisi mundi istius amatores;

In nobis. 4. 4. de quibus alibi scriptum est, *Quicumque voluerit amicus esse sæculi hujus, inimicus Dei constituetur.* Absit ergo ut sic intelligatur diabolus princeps mundi, tamquam gerat universi mundi, id est, cæli & terræ, atque omnium quæ in eis sunt principatum: de quali mundo dictum est,

Iohann. 1.10. cum de Christo Verbo sermo esset, Et mundus per eum factus est. Universus itaque mundus à summis cælis usque ad infimam terram creatori est subditus, non desertori, redemptori, non interemtori, liberatori, non captivatori, doctori, non deceptori. Quemadmodum autem sit intelligendus principes mundi diabolus, evidenter aperuit Paulus

Ephes. 6.12. apostolus, qui cum dixisset, Non est nobis collu- „ statio adversus carnem & sanguinem, id est, adver- „ sus homines; subjecit, atque ait, sed adversus „ principes & potestates & rectores mundi tenebra- rum harum. Sequenti enim verbo exposuit quid dixisset, mundi, cum subjecit, tenebrarum harum: ne quisquam mundi nomine intelligeret universam creaturam, cuius nullo modo sunt rectores angeli desertores. Tenebrarum, inquit, harum, id est, mundi istius amatorum: ex quibus tamen electi sunt, non per suum meritum, sed per Dei

Ephes. 5.8. gratiam, quibus dicit, Fueritis enim aliquando tenebræ, nunc autem lux in Domino. Omnes enim fuerunt sub rectoribus tenebrarum harum, id est, hominum impiorum, tamquam tenebræ sub tenebris: sed gratias Deo, qui eruit nos, sicut dicit

Coloss. 1.13. idem Apostolus, de potestate tenebrarum, & trans- stulit in regnum Filii caritatis suæ. In quo princeps hujus mundi, hoc est tenebrarum harum, non habebat quidquam: quia neque cum peccato Deus venerat, nec ejus carnem de peccati propagine virgo pepererat. Et tamquam ei diceretur, Cur ergo moreris, si non habes peccatum, cui debeatur

Iohann. 14. mortis supplicium? continuò subjecit, Sed ut cognoscat mundus, quia diligo Patrem, & sicut mandatum dedit mihi Pater, sic facio, surgite, eamus hinc. Discubens enim discubentibus loquebatur. Eamus autem dixit, quod, nisi ad illum locum unde fuerat tradendus ad mortem, qui nullum habebat meritum mortis? Sed habebat ut moreretur mandatum Patris, tamquam ille de quo prædi-

A etum erat, Quæ non rapui, tunc exsolvebam: mor- *Psal. 68.* tem sine debito soluturus, & nos à morte debita redemturus. Rapuerat autem Adam peccatum, quando manum in arborem præsumptione deceptus extendit, ut incommunicabile nomen inconcessæ divinitatis invaderet, quam Filio Dei natura contulerat, non rapina.

TRACTATUS LXXX.

De eo quod dicit, Ego sum vitis vera, & Pater meus agricola est: usque ad id, Jam vos mundi estis propter sermonem quem locutus sum vobis.

I. STE locus Evangelicus, Fratres, ubi se dicit Dominus vitem, & discipulos suos palmites: secundum hoc dicit quod est caput Ecclesiæ, nosque membra ejus, mediator Dei & *1. Tim. 2.1.* hominum homo Christus Jesus. Unius quippe naturæ sunt vitis & palmites: propter quod cum esset Deus, cujus naturæ non sumus, factus est homo, ut in illo esset vitis humana natura, cujus & nos homines palmites esse possemus. Quid ergo est, *Ego sum vitis vera?* Numquid ut adderet *vera*, *Iohann. 15.1.* hoc ad eam vitem retulit, unde ista similitudo translata est? Sic enim dicitur vitis, per similitudinem, non per proprietatem, quemadmodum dicitur ovis, agnus, leo, petra, lapis angularis, & cetera hujusmodi, quæ magis ipsa sunt vera, ex quibus ducuntur istæ similitudines, non proprietates. Sed cum dicit, *Ego sum vitis vera*, ab illa se utique discernit cui dicitur, Quomodo conversa *Ierem. 2.21.* es in amaritudinem vitis aliena? Nam quo pacto est vitis vera, quæ exspectata est ut faceret uvam, *Isai. 5.4.* fecit autem spinas?

2. * *Ego sum, inquit, vitis vera, Et Pater meus *Iohann. 15.1.* agricultor est.* * *Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat.* Numquid unum sunt agricultura & vitis? Secundum hoc ergo vitis Christus, secundum quod ait, Pater major me *Iohann. 14.* est: secundum autem id quod ait, Ego & Pater *28.* unum sumus, & ipse agricultor est. Nec talis quales sunt qui extrinsecus operando exhibent ministerium: sed talis ut det etiam intrinsecus incrementum. Nam neque qui plantat est aliquid, neque qui irrigat, sed qui incrementum dat Deus. Sed utique Deus est Christus, quia Deus erat Verbum; unde ipse & Pater unum sunt: & si Verbum caro factum est quod non erat, manet quod erat. Denique cum de Patre tamquam de agricultor dixisset, quod infructuosos palmites tollat, fructuosos autem purget ut plus afferant fructum: continuò etiam seipsum mundatorem palmitum ostendens, *Iam vos, *Iohann. 15.2.* inquit, mundi etsi, propter sermonem quem locutus sum vobis.* Ecce & ipse mundator est palmitum, quod est agricultor, non vitis officium: qui etiam palmites operarios suos fecit. Nam etsi non dant incrementum, impendunt tamen aliquod adjumentum; sed non de suo, quia sine me, inquit, nihil potestis facere. Audi etiam ipsos confitentes. Quid autem est Apollo? quid autem Paulus? *Mi- *1. Cor. 3.5.* nistri** per quos credidistis, & unicuique sicut *Do- *6.* minus dedit. Ego plantavi, Apollo rigavit. Et hoc ** Iuxta Grac. si.* ergo sicut unicuique Dominus dedit: non itaque de suo. Jam vero quod sequitur, Sed Deus incrementum dedit: non per illos, sed per seipsum facit: excedit hoc humanam humilitatem, excedit*

angelicam sublimitatem, nec omnino pertinet nisi ad agricolam Trinitatem. *Iam vos mundi estis*, mundi scilicet atque mundandi. Neque enim nisi mundi essent, fructum ferre potuissent: & tamen omnem qui fert fructum, purgat agricola, ut fructum plus afferat. Fert fructum, quia mundus est; atque ut plus afferat, purgatur adhuc. Quis enim est in hac vita sic mundus, ut non sit magis magisque mundandus? Ubi si dixerimus quia peccatum non habens, nos ipsos seducimus, & veritas in nobis non est: si autem confessi fuerimus peccata nostra, fidelis est & justus, qui dimittat nobis peccata, & mundet nos ab omni iniuritate: mundet utique mundos, hoc est fructuosos, ut tantò sint fructuiores, quantò fuerint mundiores.

Iohann. 15. 3. 3. *Iam vos mundi estis propter verbum quod locutus sum vobis.* Quare non ait, mundi estis propter baptismum quo locuti estis, sed ait, *propter verbum quod locutus sum vobis*: nisi quia & in aqua verbum mundat? Detrahe verbum, & quid est aqua nisi aqua? Accedit verbum ad elementum, & fit sacramentum, etiam ipsum tamquam visibile verbum. Nam & hoc utique dixerat, quando pedes discipulis lavit, Qui lotus est, non indiget nisi ut pedes lavet, sed est mundus totus. Unde ista tanta virtus aquæ, ut corpus tangat & cor abluit, nisi faciente verbo: non quia dicitur, sed quia creditur? Nam & in ipso verbo, aliud est sonus transiens, aliud virtus manens. Hoc est verbum fidei quod prædicamus, ait Apostolus, quia si confessus fueris in ore tuo quia Dominus est Jesus, & credideris in corde tuo quia Deus illum suscitavit à mortuis, salvus eris. Corde enim creditur ad justitiam, ore autem confessio fit ad salutem. Unde in Actibus Apostolorum legitur, Fide mundans cor da eorum. Et in Epistola sua beatus Petrus, Sic & vos, inquit, baptisma salvos facit, non carnis depositio sordium, sed conscientiæ bonæ interrogatio. Hoc est verbum fidei quod prædicamus: quo sine dubio ut mundare possit, consecratur & baptizamus. Christus quippe nobiscum vitis, cum Patre agricola, dilexit Ecclesiam, & seipsum tradidit pro ea. Lege Apostolum, & vide quid adjungat: Ut eam sanctificaret, inquit, mundans eam lavacrum aquæ in verbo. Mundatio igitur nequaquam fluxo & labili tribueretur elemento, nisi adderetur, in verbo. Hoc verbum fidei tantum valet in Ecclesia Dei, ut per ipsum credentem, offerentem, benedicentem, tinguentem, etiam tantillum mundet infantem: quamvis nondum valentem cor de credere ad justitiam, & ore confiteri ad salutem. Totum hoc fit per verbum, de quo Dominus ait, *Iam vos mundi estis, propter verbum quod locutus sum vobis.*

TRACTATUS LXXXI.

De eo quod ait, Manete in me, & ego in vobis: usque ad id, Quodcumque volueritis petetis, & fiet vobis.

*I. V*ITEM se dixit esse Jesus, & discipulos suos palmites, & agricolam Patrem: unde jam pridem sicut potuimus disputatum est. In hac autem lectione, cùm adhuc de seipso qui est vitis, & de suis palmitibus, hoc est discipulis loqueretur, *Manete*, inquit, *in me, & ego in vobis*. Non eo modo illi in ipso, sicut ipse in

* *Lov. per ipsam credentem. Editi alii, per ipsum credentem, consentientibus MSS. qui carent voce, offerentem.*

A illis. Utrumque autem prodest non ipsi, sed illis. Ita quippe in vite sunt palmites, ut viti non confrerant, sed inde accipiunt unde vivant: ita vero vitiis est in palmitibus, ut vitale alimentum subministret eis, non sumat ab eis. Ac per hoc & manentem in se habere Christum, & manere in Christo: discipulis prodest utrumque, non Christo. Nam præciso palmite, potest de viva radice alias pullulare: qui autem præcisus est, sine radice non potest vivere.

2. Denique adjungit, & dicit, *Sicut palmes ibidem non potest ferre fructum à semetipso, nisi manserit in vite; sic nec vos, nisi in me manseritis.* Magna gratia commendatio, Fratres mei: corda instruit humilium, ora obstruit superborum. Ecce cui, si audiunt, respondeant, qui ignorantes Dei justitiam, & suam volentes constituere, justiciæ Dei non sunt subjecti. Ecce cui respondeant sibi placentes, & ad bona opera facienda Deum sibi necessarium non putantes. Nonne huic resistunt veritati, homines mente corrupti, reprobi circa fidem, qui respondent & loquuntur iniuriam, dicentes, A Deo habemus quod homines sumus, à nobis ipsis autem quod justi sumus? Quid dicitis, qui vos ipsos decipitis, non assertores, sed præcipitatores liberi arbitrii, ex alto elationis per inania præsumptionis, in profunda submersionis? Nempe vox vestra est, quod homo ex semetipso facit justitiam. Hoc est altum elationis vestræ. Sed veritas contradicit, & dicit, *Palmes non potest ferre fructum à semetipso, nisi manserit in vite.* Ite nunc per abrupta, & non habentes ubi figamini, ventosa loquacitate jactamini. Hæc sunt inania præsumptionis vestræ. Sed quid vos sequatur videte, & si est in vobis ullus sensus, horrete. Qui enim à semetipso se fructum existimat ferre, in vite non est; qui in vite non est, in Christo non est; qui in Christo non est, Christianus non est. Hæc sunt profunda submersionis vestræ.

3. Etiam atque etiam considerate quid adhuc veritas adjungat, & dicat: *Ego sum, inquit, vitis, vos palmites. Qui manet in me, & ego in eo, hic fert fructum multum: quia sine me nihil potestis facere.* Ne quisquam putaret saltem parvum aliquem fructum posse à semetipso palmitem ferre, cùm dixisset, *hic fert fructum multum*, non ait, quia sine me parum potestis facere: sed, *nihil potestis facere.* Sive ergo parum, sive multum, sine illo fieri non potest, sine quo nihil fieri potest. Quia etsi parum adulterit palmes, eum purgat agricola ut plus afferat: tamen nisi in vite manserit, & vixerit de radice, quantumlibet fructum à semetipso non potest ferre. Quamvis autem Christus vitis non esset, nisi homo esset: tamen istam gratiam palmitibus non præberet, nisi etiam Deus esset. Verum quia ita sine ista gratia non potest vivi, ut & mors in potestate sit liberi arbitrii. Si quis in me, inquit, non manserit, mittetur v. 6. foras sicut palmes: & arescet, & colligent eum, & in ignem mittent, & ardent. Ligna itaque vitis tantò sunt contemptibilia si in vite non manserint, quanto gloriosiora si manserint: denique sicut de his etiam per Ezechiem prophetam Dominus dicit, præcisa nullis agricultarum usibus prosunt, nullis fabribus operibus deputantur. Unum de duabus palmiti congruit, aut vitis, aut ignis: si in vite non est, in igne erit: ut ergo in igne non sit, in vite sit.

4. *Si manseritis in me, inquit, & verba mea in vobis*

vobis manserint, quodcumque volueritis petetis, & fiet vobis. Manendo quippe in Christo, quid velle possunt nisi quod convenit Christo? Quid velle possunt manendo in Salvatore, nisi quod non est alienum à salute? Aliud quippe volumus quia sumus in Christo, & aliud volumus quia sumus adhuc in hoc saeculo. De mansione namque hujus saeculi nobis aliquando subrepit, ut hoc petamus quod nobis non expedire nescimus. Sed absit ut fiat nobis, si manemus in Christo, qui non facit quando petimus, nisi quod expedit nobis. Manentes ergo in eo, cum verba ejus in nobis manent, quodcumque voluerimus petemus, & fiet nobis. Quia si petimus & non fiet, non hoc petimus quod habet mansio in eo, nec quod habent verba ejus quae manent in nobis; sed quod habet cupiditas & infirmitas carnis, quae non est in eo, & in qua non manent verba ejus. Nam utique ad verba ejus pertinet oratio illa quam dicit, ubi dicimus, Pater noster qui es in celis. Ab hujus orationis verbis & sensibus non recedamus petitionibus nostris, & quidquid petierimus, fiet nobis. Tunc enim dicenda sunt verba ejus in nobis manere, quando facimus quae præcepit, & diligimus quae promisit: quando autem verba ejus manent in memoria, nec inveniuntur in vita, non computatur palmes in vite, quia vitam non adtrahit ex radice. Ad hanc differentiam valet quod scriptum est, Et memoriam retinentibus mandata ejus ut faciant ea. Multi enim memoriam retinent ut contemnant, vel etiam derideant & oppugnant ea. In his verba Christi non manent, qui adtingunt quodammodo, non coharent: & ideo illis non erunt in beneficium, sed in testimonium. Et quia sic insunt eis ut non maneant in eis, ad hoc tenentur ab eis, ut judicentur ex eis.

TRACTATUS LXXXII.

De eo quod Dominus dicit, In hoc clarificatus est Pater meus, ut fructum plurimum afferatis: usque ad id, Et maneo in ejus dilectione.

*M*AGIS magisque Salvator gratiam quae salvamur discipulis loquendo commendans, In hoc, inquit, clarificatus est Pater meus, ut fructum plurimum afferatis, & efficiamini mei discipuli. Sive glorificatus sive clarificatus dicitur, ex uno Graeco verbo utrumque translatum est, quod est δοξαζων. Δοξα enim quae Græcè dicitur, Latinè gloria est. Quod ideo commemorandum existimavi, quia dicit Apostolus, Si Abraham ex operibus justificatus est, habet gloriam, sed non ad Deum. Hæc est ad Deum gloria qua glorificatur non homo, sed Deus, si non ex operibus, sed ex fide justificatur, ut ex Deo illi sit quod etiam bene operatur: quoniam palmes, sicut jam superius dixi, non potest ferre fructum à semetipso. Si enim in hoc clarificatus est Deus Pater ut fructum plurimum afferamus, & efficiamur Christi discipuli: non hoc gloriae nostræ tribuamus, tamquam hoc ex nobis ipsis habeamus. Ejus est enim hæc gratia, & ideo in hoc non nostra, sed ejus est gloria. Unde & alibi cum dixisset, Sic luceat lumen vestrum coram hominibus, ut videant opera vestra bona: ne à semetipsis putarent esse bona opera sua: mox addidit, Et glorificant Patrem vestrum qui in celis est. In hoc enim glorificatur Pater ut fructum plurimum afferamus, & efficiamur Christi discipuli. A quo efficiamur, nisi ab illo cujus misericordia

A prævenit nos? Ipsius enim figmentum sumus, creati in Christo Jesu in operibus bonis. *Ephes. 2, 10.*

2. *Sicut dilexit me Pater, inquit, & ego dilexi vos: manete in dilectione mea.* Ecce unde sunt nobis opera bona. Nam unde nobis essent, nisi quia fides per dilectionem operatur? Unde autem diligemus, nisi prius diligenteremur? Apertissime hoc in Epistola sua idem iste Evangelista dixit, Nos diligamus Deum, quoniam ipse prior dilexit nos. Quod autem ait, *Sicut dilexit me Pater, & ego dilexi vos:* non æqualitatem naturæ ostendit nostræ & suæ, sicut est Patris & ipsius, sed gratiam qua mediator Dei & hominum est homo Christus Jesus. *1. Tim. 2, 5.* Medicor quippe monstratur, cum dicit, *me Pater, & ego vos.* Nam Pater utique diligit & nos, sed in ipso: quia in hoc glorificatur Pater, ut fructum afferamus in vite, hoc est in Filio, & efficiamur ejus discipuli. *1. Iohann. 4, 19.*

3. *Manete, inquit, in dilectione mea.* Quomodo *manebimus?* Audi quid sequitur: *Si præcepta mea,*

inquit, servaveritis, manebitis in dilectione mea. Dilectio facit præcepta servari, an præcepta servata faciunt dilectionem? Sed quis ambigat, quod dilectio præcedit? Unde enim præcepta servet non habet, qui non diligit. Quod ergo ait, *Si præcepta mea servaveritis, manebitis in dilectione mea,* ostendit non unde dilectio generetur, sed unde monstretur. Tamquam diceret, Nolite vos putare manere in dilectione mea, si non servatis præcepta mea: si enim servaveritis, manebitis. Hoc est, hinc apparebit quod in dilectione mea manebitis, si præcepta mea servabitis. Ut nemo se fallat, dicendo quod eum diligat, si ejus præcepta non servat. Nam in tantum eum diligimus, in quantum ejus præcepta servamus: in quantum autem minus servamus, minus diligimus. Quamvis quod ait, *Manete in dilectione mea,* non appetit quam dixerit dilectionem, utrumqua eum diligimus, an qua ipse diligit nos: sed ex verbo superiore dignoscitur. Dixerat quippe, *Et ego dilexi vos:* cui verbo continuò subjunxit, *Manete in dilectione mea:* illa ergo qua dilexit nos. Quid est ergo, *Manete in dilectione mea,* nisi, manete in gratia mea? Et quid est, *Si præcepta mea servaveritis, manebitis in dilectione mea,* nisi, ex hoc scietis, quod in dilectione mea qua vos diligo, manebitis, si præcepta mea servabitis? Non ergo ut nos diligat, prius ejus præcepta servamus: sed nisi nos diligat, præcepta ejus servare non possumus. HÆC EST GRATIA quae humilibus patet, superbos latet.

4. Sed quid illud est, quod adjungit, *Sicut & ego Patris mei præcepta servavi, & maneo in ejus dilectione?* Utique etiam hæc dilectionem Patris intelligi voluit, qua eum diligit Pater. Ita quippe dixerat, *Sicut dilexit me Pater, & ego dilexi vos:* atque his verbis illa subjunxit, *Manete in dilectione mea,* illa procul dubio qua dilexi vos. Ergo quod ait etiam de Patre, *Maneo in ejus dilectione,* illa scilicet accipienda est, qua dilexit eum Pater. Sed numquid & hæc gratia intelligenda est, qua Patet diligit Filium, sicut gratia est qua nos diligit Filius: cum simus nos filii gratiæ, non naturæ; Unigenitus autem naturæ, non gratiæ? An hoc etiam in ipso Filio ad hominem referendum est? Ita sanè. Nam dicendo, *Sicut dilexit me Pater, & ego dilexi vos,* gratiam mediotoris ostendit. Mediator autem Dei & hominum, non in quantum Deus, sed in quantum homo est Christus Jesus. Et profectò secundum id quod homo est, de illo legitur, Et Jesus proficiebat *Lucas 2, 51.*

Sapientia & ætate & gratia apud Deum & homines. Secundum hoc igitur recte possumus dicere, quod cùm ad naturam Dei non pertineat humana natura, ad personam tamen unigeniti Filii Dei per gratiam pertinet humana natura; & tantam gratiam, ut nulla sit major, nulla prorsus æqualis. Neque enim illam susceptionem hominis ulla merita praecesserunt, sed ab illa susceptione merita ejus cuncta cœperunt. Manet ergo Filius in dilectione qua eum dilexit Pater, & ideo servavit præcepta ejus. Psal. 3. 4. Quid est enim & ille homo, nisi quod Deus susceptor est ejus? Deus enim erat Verbum, Unigenitus dignitati coæternus: sed ut mediator daretur nobis, per ineffabilem gratiam Verbum caro factum est, & habitavit in nobis.

TRACTATUS LXXXIII.

In hæc verba, Hæc locutus sum vobis, ut gaudium meum in vobis sit, & gaudium vestrum impleatur. Hoc est præceptum meum, ut diligatis invicem, sicut dilexi vos.

Johan. 15. 11. **A**UDISTIS Carissimi Dominum dicentem discipulis suis, *Hæc locutus sum vobis, ut gaudium meum in vobis sit, & gaudium vestrum impleatur.* Quid est gaudium Christi in nobis, nisi quod dignatur gaudere de nobis? Et quid est gaudium nostrum quod dicit implendum, nisi ejus habere consortium? Propter quod beato Petro dixerat, Si non lavero te, non habebis partem mecum. Gaudium ergo ejus in nobis, gratia est quam præstítit nobis: ipsa est & gaudium nostrum. Sed de hac ille etiam ex æternitate gaudebat, quando nos elegit ante constitutionem mundi. Nec recte possumus dicere quod gaudium ejus plenum non erat: non enim Deus imperfectè aliquando gaudebat. Sed illud ejus gaudium in nobis non erat: quia nec nos in quibus esse posset, jam eramus; nec quando esse cœpimus, cum illo esse cœpimus. In ipso autem semper erat, qui nos suos futuros certissima suæ præscientiæ veritate gaudebat. Proinde E gaudium jam ipse perfectum de nobis habebat, quando nos præsciendo & prædestinando gaudebat: neque enim ullus in illo ejus gaudio metus esse poterat, ne forte non fieret quod se facturum esse præsciebat. Sed neque cùm id facere cœpit, quod se facturum esse præscivit, gaudium ejus, quo beatus est, crevit: alioqui beatior factus est, quia nos fecit. Absit hoc, Fratres: Dei beatitudo quia nec minor fuerat sine nobis, non sit major ex nobis. Gaudium igitur ejus de salute nostra, quod in illo semper fuit cùm præscivit & prædestinavit nos, cœpit esse in nobis quando vocavit nos: & hoc gaudium meritò nostrum dicimus, quo & nos beati futuri sumus: sed hoc gaudium nostrum crescit & proficit, & ad suam perfectionem perseverando pertendit. Ergo inchoatur in fide renascentium, implebitur in præmio resurgentium. Ecce unde dictum existimo, *Hæc locutus sum vobis, ut gaudium meum in vobis sit, & gaudium vestrum impleatur:* in G *vobis sit meum; impleatur vestrum.* Semper enim erat meum plenum, & antequam vocaremini, cùm vocandi à me præsciremini, sed sit & in vobis, cùm hoc efficimini quod præscivi de vobis. Impleatur autem vestrum: quia beati eritis, quod nondum estis, sicut creati estis qui non fuistis.

Johan. 15. 12. 2. *Hoc est,* inquit, *præceptum meum: ut diligatis*

a Editio, ipse est. At MSS. ipsa est.

A invicem, sicut dilexi vos. Sive dicatur præceptum, sive mandatum, ex uno verbo Græco utrumque interpretatur, quod est εντολή. Jam verò istam sententiam & antea dixerat, de qua me vobis, ut potui, disputasse meminisse debetis. Ibi enim sic ait, Mandatum novum do vobis, ut diligatis invicem, sicut dilexi vos, ut & vos diligatis invicem. Hujus itaque mandati repetitio, commendatio est: nisi quod ibi, Mandatum, inquit, novum do vobis; hīc autem, *Hoc est,* inquit, *mandatum meum:* ibi, tamquam non fuerit antè tale mandatum; hīc, tamquam non sit aliud ejus mandatum. Sed ibi dictum est novum, ne in vetustate nostra perseveremus: hīc dictum est *meum,* ne contemnendum putemus.

Suprà
Tract. 65.
Iohan. 13.
34.

1. Cor. 13. 13. 3. Quod autem hīc ita dixit, *Hoc est mandatum meum,* velut non sit aliud, quid putamus, Fratres mei, numquidnam solum ejus de ista dilectione mandatum est, qua diligimus invicem? Nonne est & aliud majus, ut diligamus Deum? Aut verò de sola Deus nobis dilectione mandavit, ut alia non C requiramus? Tria certè commendat Apostolus dicens, Manent autem fides, spes, caritas, tria hæc: Rom 13. 10. 3. Sent. dif. 36. c. 1. Iacob. 1. 19. major autem horum caritas. Et si in caritate, hoc est in dilectione concluduntur duo illa præcepta, major tamen dicta est esse, non sola. De fide igitur nobis quā multa mandata sunt, quā multa de spe, quis potest cuncta colligere, quis enumerando sufficere? Sed intueamur quod ait idem Apostolus, Plenitudo Legis caritas. UBI ergo CARITAS EST, quid est quod possit deesse? Ubi autem non est, quid est quod possit prodesse? Dæmon credit, nec diligit: nemo diligit, qui non credit. Frustra quidem, sed tamen potest sperare veniam qui non diligit: nemo autem potest desperare qui diligit. Itaque ubi dilectio est, ibi necessariò fides & spes: & UBI DILECTIO PROXIMI, ibi necessariò etiam dilectio Dei. Qui enim non diligit Deum, quomodo diligit proximum tamquam seipsum; quando quidem non diligit & seipsum? Est quippe impius & iniquus: qui autem diligit iniquitatem, non planè diligit, sed odit animam suam. Hoc ergo præceptum Domini teneamus, ut nos invicem diligamus; & quidquid aliud præcepit, b faciemus: quoniam quidquid est aliud hīc habemus. Discernitur quippe ista dilectio ab illa dilectione qua se invicem diligunt homines sicut homines: nam ut discerneretur, adjunctum est, *sicut dilexi vos.* Ut quid enim diligit nos Christus, nisi ut regnare possimus cum Christo? Ad hoc ergo & nos F invicem diligamus, ut dilectionem nostram discernamus à ceteris, qui non ad hoc se invicem diligunt, quia nec diligunt. Qui autem se propter habendum Deum diligunt, ipsi se diligunt: ergo ut se diligent, Deum diligunt. Non est hæc dilectio in omnibus hominibus: pauci se propterea diligunt, ut sit Deus I. Cor. 15. emnia in omnibus.

TRACTATUS LXXXIV.

v. 12. In illud, Majorem hac dilectionem nemo habet; ut animam suam ponat quis pro amicis suis.

Iohann. 13. 1. **P**LENITUDINEM dilectionis qua nos invicem diligere debemus, Fratres carissimi, definivit Dominus dicens, Majorēm hac dilectionem nemo habet, ut animam suam ponat quis pro amicis suis. Quia ergo superiùs dixerat, Hoc est mandatum meum, ut diligatis invi-

v. 12. b Ita Lov. Editio verò alii & plerique MSS. faciamus.

cem, sicut dilexi vos: quibus verbis addidit quod nunc audistis, *Majorem hac dilectionem nemo habet, ut animam suam ponat quis pro amicis suis:* fit ex hoc consequens, quod idem iste Evangelista Jo-

^{1. Iohann. 3.} hannes in Epistola sua dicit, *Ut quemadmodum Christus pro nobis animam suam posuit, sic & nos debeamus pro fratribus animas ponere: diligentes utique invicem sicut ipse dilexit nos, qui pro nobis animam suam posuit. Nimurum hoc est quod legi-*

^{prov. 23.} ^{1. Cor. 2.} *tur in Proverbiis Salomonis, Si federis cœnare ad*

^{2. Cor. 2.} *"mensam potentis considerans intellige quæ appo-*

nuntur tibi; & sic mitte manum tuam, sciens quia

talia te oportet præparare. Nam quæ mensa est

potentis, nisi unde sumitur corpus & sanguis ejus,

qui animam suam posuit pro nobis? Et quid est ad

eam sedere, nisi humiliter accedere? Et quid est

considerare & intelligere quæ apponuntur tibi, nisi

dignè tantam gratiam cogitare? Et quid est sic mit-

tere manum, ut scias quia talia te oportet præpara-

re, nisi quod jam dixi, quia sicut pro nobis Chri-

stus animam suam posuit, sic & nos debemus ani-

mas pro fratribus ponere? Sic ut enim ait etiam

apostolus Petrus, Christus pro nobis passus est, re-

linquens nobis exemplum, ut sequamur vestigia

ejus. Hoc est talia præparare. Hoc beati Martyres

ardenti dilectione fecerunt: quorum si non inani-

ter memorias celebramus, atque in convivio quo

& ipsi saturati sunt, ad mensam Domini accedi-

mus, oportet, ut quemadmodum ipsi, & nos talia

præparemus. Ideo quippe ad ipsam mensam non

sic eos commemoramus, quemadmodum alios qui

in pace requiescunt, ut etiam pro eis oremus, sed

magis ut ipsi pro nobis, ut eorum vestigiis adhærea-

mus: quia impleverunt ipsi caritatem, qua Dominus

dixit non posse esse majorem. Talia enim suis

fratribus exhibuerunt, qualia de Domini mensa pa-

riter acceperunt.

2. Neque hoc ita dictum sit, quasi propterea Domino Christo pares esse possimus, si pro illo usque ad sanguinem martyrum duxerimus. Ille potestatem habuit ponendi animam suam, & iterum sumendi eam: nos autem nec quantum volumus vivimus, & morimur etiamsi nolumus: ille moriens mox in se occidit mortem, nos in ejus morte liberamur à morte: illius caro non vidit corruptionem, nostra post corruptionem, in fine saeculi per illum induetur incorruptionem: ille nobis non indiguit ut nos salvos faceret, nos sine illo nihil possumus facere: ille se nobis palmitibus præbuit vitam, nos habere præter illum non possumus vitam: Postremò etsi fratres pro fratribus moriantur, tamen in fraternorum peccatorum remissionem nullius sanguis Martyris funditur, quod fecit ille pro nobis: neque in hoc quid imitaremur, sed quid gratularemur contulit nobis. Quatenus ergo Martyres pro fratribus sanguinem suum fuderunt, hactenus talia exhibuerunt, qualia de mensa Dominicâ perceperunt. In ceteris enim quæ dixi, quamvis nec omnia dicere potui, Martyr Christi longè impar est Christo. Quod si quisquam se, non dico potentia Christi, sed innocentia comparabit; non dicam & alienum se putando sanare, sed suum saltem nullum habere peccatum: etiam sic avidior est quæ ratio salutis exposcit, multum est ad illum, non capit tantum. Et bene quod istâ proverbiorum sententiâ commonetur, quæ continuò sub-

^{prov. 23.} 3. jungit atque dicit, *Quod si avidior es, noli concu-*

^{* Hic sex MSS. addunt, Imitari quis morientem potuit, nemo autem potuit redimentem: id tres alii referunt proximè antè. Quod si quisquam,}

^{Tom. III. Pars II.}

A piscere cibos ejus; satius est enim ut nihil inde sumas, quæm ut tibi plus quæm oportet assumas. Hæc ^{ibidem.}

enim, inquit, vitam habent fallacem, hoc est hypocrisim. Dicendo enim se sine peccato esse, iustum non potest exhibere, sed fingere. Ideo dictum est, Hæc enim habent vitam fallacem. Unus est solus, qui & carnem hominis habere, & peccatum potuit non habere. Merito quod sequitur, nobis præcipitur, ac tali verbo atque proverbio humana infirmitas convenitur, eique dicitur, *Noli* ^{ibidem 4.}

B extendere te, cùm sis pauper, contra divitem. Dives est enim qui nec hereditario nec proprio umquam debito obnoxius, & ipse justus est, & alios justificat Christus. Noli contra eum te extendere, in tantum pauper, ut remissionis peccatorum apparaeas quotidianus in oratione mendicus. Tuo autem ^{ibidem.} consilio, inquit, abstine te. Unde, nisi à præsumptione fallaci: Ille quippe quia non tantum est homo, sed etiam Deus, ideo numquam reus. Si enim ^{ibidem 5.} direxeris oculum tuum ad illum, nusquam parebit.

C Oculum tuum, oculum videlicet humanum quo cernis humana, si direxeris ad illum, nusquam parebit: quia videri non potest, quemadmodum videre tu potes. Parabit enim sibi pennas sicut aquilæ, & vadet in domum præpositi sui: unde ad nos utique venit, nec tales qualis venit invenit. Diligamus ergo invicem, sicut & Christus dilexit nos, ^{Galat 2.20.} & tradidit semetipsum pro nobis. *Majorem quippe hac dilectionem nemo habet, ut animam suam ponat quis pro amicis suis.* Eumque sic imitemur piâ obedientiâ, ut ei nos comparare nullâ præsumamus audaciâ.

TRACTATUS LXXXV.

De eo quod dicit, Vos amici mei estis, si feceritis quæ præcipio vobis. Jam non dico vos servos, quia servus nescit quid faciat dominus ejus.

1. **C**UM Dominus Jesus commendasset caritatem, quam exhibuit nobis moriendo pro nobis, atque dixisset, *Majorem hac dilectionem nemo habet, ut animam suam ponat quis pro amicis suis: Vos, inquit, amici mei estis, si feceritis quæ ego præcipio vobis.* Magna dignatio: cùm servus bonus esse non possit, nisi præcepta domini sui fecerit; hinc amicos suos voluit intelligi, unde servi boni possunt probari. Sed, ut dixi, ista dignatio est, ut dominus quos novit servos suos, dignetur dicere amicos suos. Nam ut sciatis ad servorum officium pertinere præcepta domini sui facere, alio loco servos utique objurgat dicens, *Quid autem vocatis me, Domine, Domine, & non facitis quæ dico?* Cùm ergo dicitis, inquit, *Domine, jussa faciendo quid dicatis ostendite.* Nonne servo obedienti ipse dicturus est, *Euge serve bone,* ^{Matth. 25. 21.} quia in paucis fuisti fidelis, supra multa te consti- tuam, intra in gaudium Domini tui? Potest igitur esse servus & amicus, qui servus est bonus.

2. Sed quod sequitur adtendamus. *Iam non dico vos servos, quia servus nescit quid faciat dominus ejus.* Quomodo ergo intellecturi sumus, & servum & amicum esse servum bonum, cùm dicat, *Iam non dico vos servos, quia servus nescit quid faciat dominus ejus?* Ita nomen constituit amici, ut auferat servi: non ut in uno utrumque maneatur, sed ut alterum altero decedente succedat. *Quid est hoc?* Itane cùm præcepta Domini fecerimus, servi non

Yy ij

erimus? Itane tunc servi non erimus, quando boni servi fuerimus? Et quis contradicere potest veritati quæ ait, *Iam non dico vos servos?* Et cur hoc dixerit, docet: *Quia servus, inquit, nescit quid faciat dominus ejus.* Numquidnam servo bono & probato dominus ejus non etiam secreta sua committit? Quid est ergo quod ait, *Servus nescit quid faciat dominus ejus?* Verum esto, *nescit quid faciat:* numquid nescit etiam quid præcipiat? Nam & si hoc nescit, quomodo servit? Aut quomodo servus est, qui non servit? Et tamen Dominus loquitur, *Vos amici mei estis, si feceritis quæ ego præcipio vobis.* *Iam non dico vos servos.* O rem mirabilem! Cùm servire non possumus, nisi præcepta Domini fecerimus, quomodo præcepta faciendo servi non erimus? Si servus non ero præcepta faciendo, & nisi præcepta fecero, servire non potero: ergo serviendo servus non ero.

3. Intelligamus, Fratres, intelligamus, & hoc in nobis Dominus faciat ut intelligamus, faciat etiam ut intellecta faciamus. Hoc autem si scimus, profectò scimus quod facit Dominus; quia nos ipso tales non facit nisi Dominus, & per hoc ad ejus amicitiam pertinemus. Sicut enim duo sunt timores, qui faciunt duo genera timentium: sic duæ sunt servitutes, quæ faciunt duo genera servorum. Est timor quem perfecta caritas foras mittit, & est aliis timor castus permanens in sæculum sæculi. Illum timorem qui non est in caritate, adtendebat

Rom. 11.20. Apostolus, cùm dicebat, Non enim accepistis spiritum servitutis iterum in timore. Illum autem timorem castum adtendebat, cùm dicebat, *Noli altum sapere, sed time.* In illo timore quem foras caritas mittit, est etiam servitus simul foras cum ipso timoremittenda: utrumque enim junxit Apostolus, hoc est servitutem & timorem, dicendo, Non enim accepistis spiritum servitutis iterum in timore. Ad hanc servitutem servum pertinentem intuebatur & Dominus dicens, *Iam non dico vos servos; quia servus nescit quid faciat dominus ejus.* Non utique ille servus pertinens ad timorem castum, cui dicitur, *Euge serve bone, intra in gaudium Domini tui:* sed ille servus pertinens ad timorem foras à caritate mittendum, de quo alibi dicit, Servus non manet in domo in æternum, filius autem manet in æternum. Quoniam itaque dedit nobis potestatem filios Dei fieri, non servi, sed filii simus: ut miro quadam & ineffabili, sed tamen vero modo, servi non servi esse possimus; servi scilicet timore casto, ad quem pertinet servus intrans in gaudium Domini sui; non servi autem timore foras mittendo, ad quem pertinet servus non manens in domo in æternum. Ut autem tales servi non servi simus, Dominum facere sciamus. Hoc autem servus ille nescit, ^a qui nescit quid faciat Dominus ejus; & cùm aliquid boni facit, sic extollitur quasi hoc ipse faciat, non Dominus ejus; & in se, non in Domino gloriatur, cùm se ipse deceperit, quia sic gloriatur, quasi non acceperit. Nos autem, carissimi, ut amici Domini esse possimus, quid noster Dominus faciat sciamus. Non solum enim homines, verum etiam justos ipse facit nos, & non ipsi nos. Et ut hoc sciamus, quis nisi ipse facit? Non enim spiritum hujus mundi accepimus, sed Spiritum qui ex Deo est, ut sciamus quæ à Deo donata sunt nobis. Ab ipso quidquid boni est, donatur. Ergo quia & hoc bonum est,

^a In plerisque MSS. non habetur, qui nescit.

A D O N A T U R, ut sciatur, à quo bonum omne donetur: ut omnino de omnibus bonis, qui gloria- ^{1. Cor. 1.31.} tur, in Domino glorietur. Quod verò sequitur, *Vos autem dixi amicos;* quia omnia quæcumque audi- ^{Iohann. 15.} vi à Patre meo, nota feci vobis, ita est profundum, ^{15.} ut nullo modo sit isto sermone coartandum, sed in alium differendum.

TRACTATUS LXXXVI.

De eo quod Dominus ait, Vos autem dixi amicos: usque ad id, Ut quodcumque petieritis Patrem in nomine meo, det vobis.

MERITO quæritur quomodo accipien- dum sit quod ait Dominus, *Vos autem Iohann. 15.* dixi amicos; quia omnia quæcumque audi- vi à Patre meo, nota feci vobis. Quis enim audeat affirmare vel credere, illum hominem scire omnia quæcumque à Patre audivit unigenitus Filius: quando ne hoc quideam quisquam capit, quomodo à Pa- tre audiat ullum verbum, cùm ipse sit Patris unicum Verbum? Quid quod aliquantò post, in hoc ipso tamen sermone, quem post cœnam ante pas- sionem ad discipulos habuit, Multa, inquit, habeo ^{Iohann. 16.} vobis dicere, sed non potestis illa portare modò? ^{12.} Quo igitur pacto intellecturi sumus omnia eum no- ta fecisse discipulis, quæcumque audivit à Patre, cùm propterea quædam multa non dicat, quia scit eos modò portare non posse? Sed nimis quod facturus est, fecisse se dicit, qui ea quæ futura sunt ^{Isaï. 45. 11.} fecit. Sicut enim dicit per Prophetam, Foderunt ^{Psal. 21.18.} manus meas & pedes meos; nec ait, fossuri sunt; velut præterita dicens, & ea tamen futura prædi- cens: ita & hoc loco ait, omnia se nota fecisse dis- cipulis, quæ se novit nota esse facturum in illa ple- nitudine scientiæ, de qua dicit Apostolus, Cùm autem venerit quod perfectum est, quod ex parte ^{1. Cor. 13.10.} est evacuabitur. Ibi quippe dicit, Nunc scio ex „ parte, tunc autem cognoscam sicut & cognitus „ sum: & nunc per speculum in ænigmate, tunc au- tem facie ad faciem. Nam & ipse Apostolus salvos E nos dicit esse factos per lavacrum regenerationis: ^{Tit. 3. 5.} qui tamen alio loco, Spe, inquit, salvi facti sumus, ^{Rom. 8.24.} spes autem quæ videtur, non est spes: quod enim videt quis, quid sperat? Si autem quod non vide- mus speramus, per patientiam exspectamus. Un- de etiam ejus coapostolus Petrus, In quem modò, ^{1. Pet. 1. 8.} inquit, non videntes creditis; quem cùm videritis, ^{“ 6. 9.} exultabis gaudio inenarrabili & honorato, per- cipientes mercedem fidei, salutem animarum ve- strarum. Si ergo nunc tempus est fidei, salus autem F animarum merces est fidei; quis dubitet in fide quæ ^{Galat. 5.6.} per dilectionem operatur peragendum diem, at- que in fine diei recipiendam esse mercedem, non solum redemtionem corporis nostri, de qua dicit apostolus Paulus; verum etiam salutem animarum nostrarum, de qua dicit apostolus Petrus? Utriusque enim rei felicitas isto tempore atque in hac mortalitate in spe potius habetur, quam in re tenetur. Verum hoc interest, quod exterior no- ^{2. Cor. 4.16.} ster homo, id est, corpus adhuc corrumpitur: in- Gterior autem, id est, anima jam renovatur de die in diem. Itaque sicut immortalitatem carnis & sa- lutem animarum futuram exspectamus, quamvis jam pignore accepto salvi facti esse dicamur: ita omnium notitiam quæcumque Unigenitus audivit à Patre, futuram sperare debemus, quamvis hoc jam se fecisse dixerit Christus.

Johann. 15. 1. 2. Non vos me elegistis, inquit, sed ego vos ele-

gi. HÆC ESTILLAINEFFABILIS GRATIA. Quid enim eramus quando Christum non dum elegeramus, & ideo non diligebamus? Nam qui eum non elegit, quomodo diligit?

Psal. 83. 11. Numquid jam in nobis erat quod in Psalmo canitur, Elegi abjectus esse in domo Domini, magis quam habi-

tare in tabernaculis peccatorum? Non utique, Quid ergo eramus, nisi iniqui & perditi? Neque enim jam credideramus in eum, ut eligeret nos:

*nam si jam credentes elegit, * electus elegit. Cur ergo diceret, Non vos me elegistis, nisi quia mi-*

sercordia ejus prævenit nos? Hic certè vacat vana illorum ratiocinatio, qui præscientiam Dei defendunt contra gratiam Dei, & ideo dicunt

Ephes. 1. 4. nos electos ante mundi constitutionem, quia præscivit nos Deus futuros bonos, non seipsum nos fa-

ceturum bonos. Non hoc dicit, qui dicit, Non vos me elegistis. Quoniam si propterea nos elegisset,

quia bonos futuros esse nos præsriverat; simul etiam præsisset quod eum nos fuissimus prius ele-

cturi. Non enim aliter esse possemus boni: nisi forte dicendus est bonus qui non elegit bonum. Quid ergo elegit in non bonis? Non enim electi sunt

quia boni fuerunt, qui boni non essent nisi electi essent. Alioquin GRATIA JAM NON EST

GRATIA, si præcessisse contendimus merita. Hæc quippe electio gratiae est, de qua dicit Apo-

stolus, Sic ergo & in hoc tempore reliquiæ per elec-

tionem gratiae salvæ factæ sunt. Unde subjungit,

Ibidem 6. Si autem gratia, jam non ex operibus; alioquin D

gratia jam non est gratia. Audi ingrate, ingrate audi: Non vos me elegistis, sed ego elegi vos. Non

est ut dicas, Ideo electus sum, quia jam credebam. Si enim credebas in eum, jam elegeras eum. Sed

audi: Non vos me elegistis. Non est ut dicas, Ante quam crederem, jam bona operabar, ideo elec-

tus sum. Quid enim est boni operis ante fidem, cùm dicat Apostolus, Omne quod non est ex fide,

peccatum est? Quid ergo dicturi sumus audiendo, Non vos me elegistis: nisi quia mali eramus & ele-

cti sumus, ut boni per gratiam nos eligentis esse-

mus? Non est enim gratia, si præcesserant merita: est autem gratia: hæc igitur non invenit, sed effe-

cit merita.

3. Et videte Carissimi, quemadmodum non eli-

git bonos, sed quos elegit, faciat bonos. Ego, in-

quit, elegi vos, & posui vos ut eatis, & fructum af-

feratis, & fructus vester maneat. Nonne iste est

v. 5. fructus de quo jam dixerat, Sine me nihil potestis

facere? Eredit ergo, & posuit ut eamus, & fructum

afferamus: nullum itaque fructum unde nos elige-

ret habebamus. Ut eatis, inquit, & fructum affe-

ratis. Imus ut afferamus, & ipse est via qua imus,

in qua nos posuit ut eamus. Proinde in omnibus

misericordia ejus prævenit nos. Et fructus, inquit,

vester maneat: ut quodcumque petieritis Patrem in

nomine meo, det vobis. Maneat ergo dilectio, ipse

est enim fructus noster. Quæ dilectio nunc est in

desiderio, nondum in saturitate: & ipso deside-

rio quodcumque petierimus in nomine unigeniti

Fili, dat nobis Pater. Quod autem accipere sal-

vandis non expedit nobis, non existimemus nos

petere in nomine Salvatoris: sed hoc petimus in

nomine Salvatoris, quod pertinet ad rationem sa-

lutis.

^a Libri omnes, electos elegit; excepto uno Remigienti MS. qui

habet, electus elegit: hanc vero lectionem conjectura assecuti fue-

TRACTATUS LXXXVII.

De eo quod dicit Iesus, Hæc mando vobis, ut diligatis invicem: usque ad id, Sed ego elegi vos de mundo, propterea odit vos mundus.

I N lectione Evangelica quæ hanc antecedit, dixerat Dominus, Non vos me elegistis, ^{Johann. 15. 16.}

sed ego elegi vos, & posui vos, ut eatis &

fructum afferatis, & fructus vester maneat, ut

B quodcumque petieritis Patrem in nomine meo, det

vobis. De quibus verbis jam nos quod Dominus dedit, differuisse meministis. Hic autem dicit, se-

quenti scilicet lectione, quam modò cùm recitare-

tritur, audistis, Hæc mando vobis, ut diligatis invicem. ^{v. 17.}

Ac per hoc intelligere debemus hunc esse fructum

nostrum de quo ait, Ego vos elegi ut eatis, & fru-

ctum afferatis, & fructus vester maneat. Et quod

adjunxit, Ut quodcumque petieritis Patrem in no-

mine meo, det vobis: tunc utique dabit nobis, si

C diligamus invicem; cùm & hoc ipsum ipse dederit

nobis, qui nos elegit non habentes fructum, quia

non eum nos elegeramus; & posuit nos ut fructum

afferamus, hoc est, invicem diligamus: quem fru-

ctum sine illo habere non possumus, sicut palmites

facere sine vite nihil possunt. Caritas ergo est fru-

ctus noster, quam definit Apostolus, de corde pu-

ro & conscientia bona, & fide non ficta. Hac diligimus invicem, hac diligimus Deum. Neque enim

vera dilectione diligenterem invicem, nisi diligentes

D Deum. Diligit enim unusquisque proximum tam-

quam seipsum, si diligit Deum: nam si non diligit

Deum, non diligit seipsum. In his enim duobus ^{Matth. 22. 40.}

præceptis caritatis, tota Lex pendet & Prophetæ.

hic est fructus noster. De fructu itaque nobis man-

dans, Hæc mando, inquit, vobis, ut diligatis invi-

cem. Unde & apostolus Paulus, cùm contra opera

carnis commendare fructum spiritus vellet, à capite

hoc posuit, Fructus, inquit, spiritus caritas est: ^{Galat. 5. 22.}

ac deinde cetera tamquam ex isto capite exorta &

E religata contexuit, quæ sunt, gaudium, pax, lon-

ganimitas, benignitas, bonitas, fides, mansuetu-

do, continentia. Quis autem bene gaudet, qui bo-

num non diligit unde gaudet? Quis pacem veram

nisi cum illo potest habere quem veraciter diligit?

Quis est longanimis in bono perseveranter ^b manen-

do, nisi ferueat diligendo? Quis est benignus, nisi

diligat cui opitulatur? Quis bonus, nisi diligendo

efficiatur? Quis salubriter fidelis, nisi ea fide quæ

per dilectionem operatur? Quis utiliter mansuetus,

F cui non dilectio moderetur? Quis ab eo continet

unde turpatur, nisi diligit unde honestatur? Meri-

tò itaque magister bonus dilectionem sic sæpe com-

mandat, tamquam sola præcipienda sit, sine qua

non possunt prodesse cetera bona, & quæ non po-

test haberi sine ceteris bonis, quibus homo effici-

tur bonus.

2. Pro hac autem dilectione patienter debemus

etiam mundi odia sustinere. Necesse est enim ut

nos oderit, quos cernit nolle quod diligit. Sed plu-

Grimùm nos de seipso Dominus consolatur, qui cùm

dixisset, Hæc mando vobis, ut diligatis invicem: ad-

^{10. 15.} jecit, atque ait, Si mundus vos odit, scitote quoniam

me priorem vobis odio habuit. Cur ergo se membrum

supra verticem extollit? Recusas esse in corpore, si

non vis odium mundi sustinere cum capite. Si de

v. 19.

rant Lovanienses.

^b Germanensis MS. perseveranter tenendo.

mundo, inquit, effetis, mundus quod suum erat dilige-
ret. Universæ utique hoc dicit Ecclesiæ, quam plerumque etiam ipsam mundi nomine appellat: sicut est illud, Deus erat in Christo, mundum reconcilians sibi. Itemque illud, Non venit filius hominis ut judicet mundum, sed ut salvetur mundus per ipsum. Et in Epistola sua Johannes ait, Advocatum

habemus ad Patrem Jesum Christum justum, & ipse propitiator est peccatorum nostrorum; non tantum nostrorum, sed etiam totius mundi. Totus ergo mundus Ecclesia est, & totus mundus odit Ecclesiam. Mundus igitur odit mundum, inimicus reconciliatum, damnatus salvatum, inquinatus mundatum.

3. Sed iste mundus quem Deus in Christo reconciliat sibi, & qui per Christum salvatur, & cui per Christum peccatum omne donatur, de mundo electus est inimico, damnato, contaminato. Ex ea quippe massa quæ tota in Adam periit, fiunt vasa misericordiæ, in quibus est mundus pertinens ad reconciliationem: quem mundus odit, ex eadem massa pertinens ad vasa iræ, quæ perfecta sunt ad perditionem. Denique cùm dixisset, Si de mundo effetis, mundus quod suum erat diligenter: continuò subjecit, Quia verò de mundo non effetis, sed ego elegi vos de mundo, propterea odit vos mundus. Ergo & ipsi inde erant, unde ut non essent, electi sunt inde, non meritis suis, quorum nulla bona præcesserant opera; non naturâ, quæ tota fuerat per liberum arbitrium in ipsa radice vitiata: sed gratuitâ, hoc est verâ gratiâ. Qui enim de mundo mundum elegit, fecit quod eligeret, non invenit: quia reliquæ per electionem gratiæ salvæ factæ sunt. Si autem gratia, inquit, jam non ex operibus: alioquin

4. Si autem quæratur quomodo se diligit mundus perditionis, qui odit mundum redēptionis: diligit se utique falsa dilectione, non vera. Proinde falsò se diligit, & verè odit. Qui enim diligit iniquitatem, odit animam suam. Sed diligere se dicitur, quoniam iniquitatem qua iniquus est diligit: & rursus odiſſe se dicitur, quoniam quod ei nocet, hoc diligit. Odit ergo in se naturam, diligit vitium: odit quod factus est per Dei bonitatem, diligit quod in eo factum est per liberam voluntatem. Unde nos quoque illum diligere & prohibemur, si rectè intelligimus, & jubemur: prohibemur scilicet, ubi nobis dicitur, Nolite diligere mundum: jubemur autem, ubi nobis dicitur, Diligite inimicos vestros. Ipsi sunt mundus qui nos odit. Ergo & prohibemur diligere in illo quod ipse diligit in seipso, & jubemur diligere in illo quod ipse odit in seipso, Dei scilicet opificium, & diversas bonitatis suæ consolationes. Vitium quippe in illo diligere prohibemur, jubemurque diligere naturam, cùm ipse in se diligit vitium, oderitque naturam: ut nos eum & diligamus & oderimus rectè, cùm se ipse diligit oderitque perversè.

TRACTATUS LXXXVIII.

De eo quod ait Iesus, Mementote sermonis mei, &c. usque ad id, Sed hæc omnia facient vobis propter nomen meum, quia nesciunt eum qui misit me.

I. E XHORTANS Dominus servos suos ad mundi odia preferenda patienter, nullum majus eis & melius quād de seipso propo-

A nit exemplum: quoniam, sicut dicit Apostolus Petrus, Christus pro nobis passus est, relinquens nobis exemplum, ut sequamur vestigia ejus. Quod utique si facimus, ipso adjuvante facimus, qui dixit, Sine me nihil potestis facere. Denique quibus jam dixerat, Si odit vos mundus, scitote quia me priorem vobis odio habuit: & nunc in eo quod audistis, cùm legeretur Evangelium, Mementote, inquit, sermo- nis mei, quem ego dixi vobis, Non est servus major domino suo: si me persecuti sunt, & vos persequentur: si sermonem meum servaverunt, & vestrum servabunt. Dicendo autem, Non est servus major domino suo, nonne evidenter ostendit quemadmodum intelligere debeamus quod superiū dixerat, Jam non dico vos servos? Ecce enim eos servos dicit. Nam quid est aliud, Non est servus major domino suo: si me persecuti sunt, & vos persequentur? Manifestum est igitur illum servum, qui non manet in domo in æternum, illum pertinentem ad timorem quem foras caritas mittit, esse intelligendum, ubi dictum est, Jam non dico vos servos: hīc autem ubi dicitur, Non est servus major domino suo: si me persecuti sunt, & vos persequentur, illum significari servum pertinentem ad timorem castum, qui permanet in sæculum sæculi. Hic enim servus est auditurus, Euge serve bone, intra in gaudium domini tui.

*2. Sed hæc, inquit, omnia facient vobis propter nomen meum, quia nesciunt eum qui misit me. Quæ omnia facient, nisi quæ dixit, odio habebunt scilicet, & persequentur, sermonemque contemnent. D*Quoniam si sermonem non servarent eorum, nec tamen odissent eos, neque persequerentur, vel etiamsi odissent, nec tamen persequerentur: non omnia facerent. *Hæc autem omnia facient vobis propter nomen meum*, quid est aliud dicere, quād me in vobis odio habebunt, me in vobis persequentur, & sermonem vestrum, quia meus est, ideo non servabunt? *Hæc enim omnia facient vobis propter nomen meum*: non vestrum, sed meum. Tantò igitur miseriores, qui propter hoc nomen ista faciunt, quantò beatiores, qui propter hoc nomen ista patiuntur: sicut ipse alio loco dicit, Beati qui persecutionem patiuntur propter justitiam. Hoc est enim propter me, vel propter nomen meum: quia, sicut Apostolus docet, Factus est nobis sapientia à Deo, & justitia, & sanctificatio, & redēptionis, ut quemadmodum scriptum est, Qui gloriatur, in Domino glorietur. Faciunt quippe ista mali malis; sed non propter justitiam: & ideo miseri utrique, & qui faciunt, & qui patiuntur. Faciunt & boni malis: ubi etsi faciunt isti propter justitiam, non tamen illi propter justitiam patiuntur.

3. Sed dicit aliquis, Si mali quando persequuntur bonos propter nomen Christi, propter justitiam boni patiuntur, profectò propter justitiam hæc eis mali faciunt: quod si ita est, ergo & quando boni malos propter justitiam persequuntur, propter justitiam etiam mali patiuntur. Si enim possunt mali persecutionem facere bonis propter nomen Christi, cur non possunt mali persecutionem pati à bonis propter nomen Christi; & quid est, nisi propter justitiam? Nam si non propter quod boni faciunt, propter hoc mali patiuntur, quia faciunt boni propter justitiam, patiuntur mali propter injustitiam: nec mali ergo propter hoc possunt facere propter quod boni patiuntur, quia faciunt mali propter injustitiam, patiuntur boni propter justitiam. Quomodo ergo erit verum, Hæc omnia fa-

cient vobis propter nomen meum: cùm illi non propter nomen Christi faciant, id est, non propter justitiam, sed propter iniqutatem suam? Hæc quæstio ita solvitur, si eo modo intelligamus dictum, Hæc omnia facient vobis propter nomen meum, ut totum referatur ad justos, tamquam dictum sit, Hæc omnia patiemini ab eis propter nomen meum: ut hoc sit, facient vobis, quod est, patiemini ab eis. Si autem propter nomen meum sic accipitur, tamquam dicceret, propter nomen meum quod in vobis oderunt; [ita potest accipi, & propter justitiam quam in vobis oderunt,] ac per hoc boni cùm persecutionem faciunt malis, possunt rectè dici & propter justitiam facere, quam diligendo perseguuntur malos; & propter iniqutatem, quam oderunt in ipsis malis: ita ergo & ipsi mali possunt dici pati, & propter iniqutatem quæ in illis punitur, & propter justitiam quæ in eorum pœna exercetur.

4. Item quæri potest, si etiam mali faciunt persecutionem malis, sicut impii reges & judices, cùm essent persecutores piorum, utique & homicidas, & adulteros, & quoscumque maleficos, quos contra leges publicas fecisse cognoscerent, puniebant, quomodo intelligendum est quod ait Dominus, Si de mundo essetis, mundus quod suum erat diligenter. Neque enim quos punit diligit mundus, à quo videmus supradicta scelerum genera plerumque puniri: nisi quia mundus est in eis à quibus talia sclera puniuntur, & mundus est in eis à quibus talia sclera diliguntur. Mundus itaque ille qui intelligitur in malis atque impiis, & odit quod suum est, ex ea parte hominum qua sceleratis nocet; & diligit quod suum est, ex ea parte hominum qua eisdem ipsis consceleratis favet. Ergo Hæc omnia facient vobis propter nomen meum, vel ita dictum est, propter quod vos patimini; vel ita, propter quod & ipsi faciunt: quia & hoc in vobis dum perseguuntur, oderunt. Et addidit, *Quia nesciunt eum qui misit me.* Hoc secundum eam scientiam dictum intelligendum est, de qua & alibi scriptum est, Scire autem te, sensus est consummatus. Hac quippe scientiâ qui sciunt Patrem à quo missus est Christus, nullo modo perseguuntur eos quos colligit Christus: quia & ipsum cum eis colliguntur à Christo.

TRACTATUS LXXXIX.

De eo quod dicit Dominus, Si non venissem, & locutus eis fuisset: usque ad id, Qui me odit, & Patrem meum odit.

1. **S**UPERIUS dixerat Dominus ad discipulos suos, Si me persecuti sunt, & vos perseguentur; si sermonem meum servaverunt, & vestrum servabunt: sed hæc omnia facient vobis propter nomen meum, quia nesciunt eum qui misit me. De quibus autem hoc dixerit si quæramus, invenimus eum ad hæc verba venisse ab eo quod dixerat, Si mundus vos odit, scitote quia me priorem vobis odio habuit: nunc verò quod addidit, Si non venissem, & locutus eis fuisset, peccatum non haberent. Judæos ostendit expressius. De his ergo & illa dicebat, nam hoc indicat verborum ipsa contextio. De his enim dicit, Si non venissem, & locutus eis fuisset, peccatum non haberent, de quibus dicebat, Si me persecuti sunt, & vos perseguentur; si sermonem meum servaverunt, & vestrum servabunt: sed hæc omnia facient vobis propter nomen

A meum, quia nesciunt eum qui misit me: his enim verbis & ista subjungit, *Si non venissem, & locutus eis fuisset, peccatum non haberent.* Judæi ergo persecuti sunt Christum, quod evidentissime indicat Evangelium: Judæis locutus est Christus, non aliis gentibus: in eis ergo voluit intelligi mundum, qui odit Christum & discipulos ejus: immo verò non in eis solis, sed hos quoque ad eumdem mundum pertinere monstravit. Quid est ergo, *Si non venissem, & locutus eis fuisset, peccatum non haberent?* Numquid sine peccato erant Judæi, antequam Christus ad eos in carne venisset? Quis hoc vel stultissimus dixerit? Sed magnum quoddam peccatum, non omne peccatum, quasi sub generali nomine vult intelligi. Hoc est enim peccatum quo tenentur cuncta peccata, quod unusquisque si non habeat, dimittuntur ei cuncta peccata: hoc est autem, quia non crediderunt in Christum, qui propterea venit ut credatur in eum. Hoc peccatum, si non venisset, non utique haberent. Adventus quippe ejus quantum credentibus salutaris, tantum non credentibus exitiabilis factus est: tamquam & ipse caput & princeps Apostolorum, quod de se ipsis dixerunt, *Exstiterit quibusdam quidem odor vitæ in vitam, quibusdam verò odor mortis in mortem.*

2. Sed quod adjunxit, atque ait, *Nunc autem excusationem non habent de peccato suo,* potest moveare quærentes, utrum hi ad quos non venit Christus, nec locutus est eis, habeant excusationem de peccato suo. Si enim non habent, cur hic dictum est, propterea istos non habere, quia venit & locutus est eis? Si autem habent, utrum ad hoc habent ut à pœnis alienentur, an ut mitiū puniantur? Ad hæc inquisita pro meo captu, Domino donante, respondeo, habere illos excusationem, non de omni peccato suo, sed de hoc peccato, quo in Christum non crediderunt, ad quos non venit, & quibus non est locutus. Sed non in eo sunt numero hi ad quos in discipulis venit, & quibus per discipulos est locutus, quod & nunc facit: nam per Ecclesiam suam venit ad gentes, & per Ecclesiam loquitur gentibus. Ad hoc enim pertinet quod ait, *Qui vos recipit, me recipit: & , Qui vos spernit, me spernit.* An vultis, inquit apostolus Paulus, experimentum accipere ejus qui in me loquitur Christus?

3. Restat inquirere, utrum hi qui prius quam Christus in Ecclesia veniret ad gentes, & prius quam Evangelium ejus audirent, vitæ hujus fine præventi sunt seu præveniuntur, possint habere hanc excusationem? Possunt planè, sed non ideo possunt effugere damnationem. Quicumque enim sine Lege peccaverunt, sine Lege & peribunt: & quicumque in Lege peccaverunt, per Legem judicabuntur. Quæ quidem Apostoli verba, quoniam id quod ait, peribunt, terribilius sonat quam quod ait, judicabuntur; non solùm nihil adjuvare hanc excusationem videntur ostendere, verùm etiam plus gravare. Qui enim se quia non audierunt, excusabunt, sine Lege peribunt.

4. Sed utrum hi qui cùm audirent, contemserunt, vel etiam restiterunt, nec tantum contradicendo, sed & eos à quibus audierunt odiis perseguendo, in eis deputandi sunt de quibus aliquid levius videtur sonuisse quod dictum est, per Legem judicabuntur, meritò quæritur. Sed si aliud est perire sine Lege, aliud judicari per Legem, & illud est gravius, hoc autem levius: procul dubio non

* MSS. plerique carent hisce verbis, ita potest accipi. & propter justitiam quam in vobis oderunt.

1. Cor. 2. 16.

Matth. 10.

40.

Lucas 10. 16.

2. Cor. 13. 3.

Roms. 1. 12.

Rem. 7. 12. sunt isti in hac poena leviore ponendi, quia neque in Lege peccaverunt, sed omnino Legem Christi accipere noluerunt, & eam quantum ad ipsos adtinet, omnino nullam esse voluerunt. Illi autem peccant in Lege qui sunt in Lege, id est, qui eam suscipiunt, eamque sanctam, & mandatum sanctum & justum & bonum fatentur; sed infirmitate non implet, quod ab ea rectissimè præcipi dubitare non possunt. Hi sunt qui aliquo modo forsitan possunt ab eorum, qui sine Lege sunt, perditione discerni: si tamen quod Apostolus ait, per Legem judicabuntur, sic accipiendum est tamquam dixerit, non peribunt; quod mirum si ita est. Neque enim de infidelibus & fidelibus erat sermo ut hoc diceret, sed de gentibus & Judæis: qui certè utrique nisi in eo Salvatore salventur, qui venit querere quod perierat, ad perditionem sine dubio pertinebunt. Quamvis dici possit, alias gravius, alias levius perituros, id est, alias graviores, alias leviores poenas in sua perditione passuros. Ille enim perire Deo dicitur, quisquis ab illa beatitudine quam dat sanctis suis, per supplicium separatur: tanta est autem suppliciorum, quanta est diversitas peccatorum; quæ quomodo se habeat, altius judicat sapientia divina, quæm conjectura scrutatur aut effatur humana. Iste certè ad quos venit, & quibus locutus est Christus, non habent de magno infidelitatis peccato illam excusationem, qua possint dicere, Non vidimus, non audivimus: sive non acceptaretur ista excusatio ab illo cuius inscrutabilia sunt judicia, sive acceptaretur, & si non ut ab omni damnatione liberarentur, certè ut aliquantò lenius damnarentur.

v. 23. 5. *Qui me odit, inquit, & Patrem meum odit.* Hic nobis fortasse dicatur, *Quis potest odiſſe quem nescit?* Et utique antequam diceret, Si non venissem & locutus eis fuisset, peccatum non haberent: dixerat discipulis suis, Hæc facient vobis, quia nesciunt eum qui misit me. Quomodo ergo nesciunt & oderunt? Si enim non quod est ipse, sed nescio quid aliud de illo opinantur: non utique ipsum, sed illud inveniuntur odiſſe quod fingunt, aut errando potius suspicantur. Et tamen nisi possent homines odiſſe quod nesciunt, non veritas utrumque dixisset, quia ejus Patrem & nesciunt & oderunt. Sed quomodo id fieri possit, si adjuvante Domino per nos demonstrari potest; quia hæc disputatio est jam claudenda, nunc non potest.

TRACTATUS XC.

In illud, Qui me odit, & Patrem meum audit.

v. 21. 1. **A**UDISTIS Dominum dicentem, *Qui me odit, & Patrem meum odit,* qui superius dixerat, Hæc facient vobis, quia nesciunt eum qui misit me. Non itaque dissimulanda nascitur quæſtio, quomodo possint odiſſe quem nesciunt. Si enim Deum non quod est ipse, sed nescio quid aliud eum suspicantur aut credunt, & hoc oderunt; utique non ipsum oderunt, sed quod sua mendaci suspicione vel vana credulitate concipiunt: si autem quod est, hoc de illo sentiunt, quomodo eum nescire dicuntur? Et de hominibus quidem fieri potest, ut eos ſæpe quos numquam vidimus, diligamus: ac per hoc nec illud à contrario impossibile est, ut eos quos numquam vidimus, oderimus. Famâ quippe de aliquo sermocinante seu bene seu male, fit non immerito ut amemus vel oderimus ignotum. Sed si fama sit verax, quomo-

do est de quo vera didicimus, dicendus ignotus? An quia ejus faciem non vidimus? Quam cùm & ipse non videat, nulli tamen potest notior esse quæm sibi. Non igitur in ejus facie corporali nobis intimatur cujusque notitia. Sed tunc nobis ad cognitionem patet, quando ejus mores & vita non latet. Alioquin nec ſeipſum noſſe quisquam potest, qui videre faciem suam non potest. Sed utique tantò certius quæm notus est aliis ipſe ſe novit, quantò certius interiore conſpectu potest videre quod ſapit, videre quod cupid, videre quod vivit: quæ cùm aperiuntur & nobis, tunc verè fit cognitus nobis. Hæc itaque quoniam plerumque ad nos de absentibus vel etiam mortuis, sive famâ, sive litteris perferuntur; hinc fit ut ſæpe quos numquam facie corporis vidimus, (non tamen quos omnino nescimus,) vel oderimus homines, vel amemus.

2. Sed plerumque in eis noſtra credulitas fallitur: quia nonnumquam & historia, & multò magis fama mentitur. Pertinet autem ad nos ne pernicioſa opinione fallamur, ut quia non poſſumus hominum indagare conscientiam, de iſis rebus habeamus veram certamque ſententiam. Hoc est, ut si ille vel ille homo utrūm ſit impudicus pudicusve nescimus, oderimus tamen impudicitiam, & pudicitiam diligamus: & ſi illum vel illum injuſtum eſſe juſtumve nescimus, amemus tamen juſtiam, & injuſtiam deteſtemur; non quas nobis iſi errando configimus, ſed quas fideliter, hanc appetendam, illamque vitandam in Dei veritate conſpicimus, ut cùm de iſis rebus quod appetendum eſt appetimus, quod devitandum eſt devitamus, ignoscatur nobis quod de occultis hominum aliquid, immo aſſidue non vera ſentimus. Hoc enim ad humanam tentationem pertinere arbitror, ſine qua duci iſta non potest vita, ita ut Apoſtolus diceret, Tentatio vos non apprehendat niſi humana. Quid enim tam humanum quæm non poſſe impicere cor humanum; & ideo non ejus laterbras perſcrutari, ſed plerumque aliud quæm id quod ibi agitur ſuſpicari? Quamquam & in his rerum tenebris humanarum, hoc eſt, cogitationum alienarum, etiſi ſuſpicioſes intelligere non poſſumus, quia homines ſumus; judicia tamen, id eſt, definitas firmasque ſententias continere debemus, nec ante tempus quidquam judicare, donec veniat Domi- 1. Cor. 10. 19. nus, & illuminet abscondita tenebrarum, & mani- fifestet cogitationes cordis; & tunc laus erit unicuique à Deo. Quando ergo non erratur in rebus, ut recta ſit improbatio vitiorum virtutumque probatio; profectò ſi erratur in hominibus, venialis eſt humana tentatio.

3. Per has autem humanorum cordium tenebras, res multum miranda & multum dolenda contingit, ut eum nonnumquam quem injuſtum putamus, & tamen juſtus eſt & juſtiam in eo nescientes diligimus, devitemus, averſemur, à noſtro prohibeamus accessu, communem cum illo vi- tam viſtumque habere nolimus; eumque etiam, ſi disciplinæ imponendæ neceſſitas cogit, ſive ne aliis Gnoceat, ſive ut fiat ipſe correctior, asperitate ſalubri perſequamur; & hominem bonum tamquam malum affligamus, quem nescientes amamus. Hoc fit, ſi quis, verbi gratiā, cùm ſit pudicus, à nobis creditur impudicus. Sine dubio enim ſi pudicum diligo, hoc eſt ipſe quod diligo: ergo etiam iſum diligo, & nescio. Et ſi impudicum odi, non ergo iſum odi; quia non eſt quod odi: & tamen dilecto meo,

meo, cum quo semper in caritate pudicitiae habi-
tat anima mea, facio ignarus injuriam, non errans
in discretione virtutum atque vitiorum, sed in cor-
dium tenebris humanorum. Proinde sicut fieri po-
test ut homo bonus hominem bonum oderit nes-
ciens, vel potius diligat nesciens: (ipsum enim dili-
git cum bonum diligit, quia id quod est ille, hoc
iste diligit;) oderit autem nesciens non ipsum, sed
quod putat esse ipsum: ita fieri potest ut etiam ho-
mo injustus hominem oderit justum, & dum aesti-
mat se sui similem injustum diligere, nesciens dili-
gat justum; & tamen dum eum credit injustum,
diligat non ipsum, sed quod putat esse ipsum.
Quemadmodum autem hominem, sic & Deum.
Denique si interrogarentur Judæi, utrum dilige-
rent Deum; quid se aliud quam diligere respon-
derent, nec ex animo mentientes, sed errando potius opinantes? Quomodo enim diligerent Patrem
veritatis, qui haberent odio veritatem. Nolunt
enim sua facta damnari, & hoc habet veritas ut ta-
lia facta damnentur: tantum igitur oderunt verita-
tem, quantum oderunt suas pœnas, quas talibus ir-
rogat veritas. Nesciunt autem illam esse veritatem,
qua tales quales ipsi sunt damnati: oderunt ergo
quam nesciunt; & cum illam oderunt, profecto
& eum de quo nata est nisi odiisse non possunt. Ac
per hoc quia veritatem qua judicante damnantur,
de Patre Deo natam nesciunt, utique etiam ipsum
& nesciunt, & oderunt. O miseros homines, qui
cum esse volunt mali, nolunt esse veritatem qua
damnantur mali. Nolunt enim eam esse quod est,
cum seipso debeat nolle esse quod sunt; ut ipsa
manente mutentur, ne ipsa judicante damnentur.

TRACTATUS XCI.

*In hac verba, Si opera non fecissem in eis, quæ
nemo aliis fecit, peccatum non haberent, &c.*

*Iohann. 15.
23.*

DIXERAT Dominus, Qui me odit, &
Patrem meum odit. Utique enim qui
odit veritatem, necesse est oderit & à E
quo veritas nata est: unde jam quantum datum est,
locuti sumus. Deinde addidit unde nobis nunc lo-
quendum est, *Si opera non fecissem in eis, quæ ne-
mo aliis fecit, peccatum non haberent.* Peccatum il-
lud scilicet magnum, de quo & superius ait, Si non
venissem, & locutus eis fuisset, peccatum non habe-
rent. Hoc est peccatum quo in eum loquentem &
operantem non crediderunt. Neque enim nullum
habebant peccatum, antequam loqueretur eis, &
operaretur in eis; sed hoc peccatum quo in eum non
crediderunt, ideo sic commemoratur, quia ipso
peccato tenentur & cetera. Hoc enim si non habe-
rent, & in eum crederent, dimitterentur & cetera.

2. Sed quid est hoc quod cum dixisset, *Si opera
non fecissem in eis,* mox addidit, *quæ nemo aliis fe-
cit?* Nulla quippe in operibus Christi videntur esse
majora quam suscitatio mortuorum: quod scimus
etiam antiquos fecisse Prophetas. Fecit enim Elias,
fecit Elisæus & cum in hac carne viveret, & cum
in suo monumento sepultus jaceret. Nam quidam
portantes mortuum, cum irruentibus hostibus eō
refugissent, eumque ibi posuissent, continuo re-
surrexit. Fecit tamen aliqua Christus, quæ nemo
alius fecit: quod quinque millia hominum de quin-
que, & quatuor millia de septem panibus pavit;
quod super aquas ambulavit, & Petro ut hoc face-
ret præstítit; quod aquam mutavit in vinum; quod
*Matth. 14.
21. & cap.
15. 38.
Matth. 14.
25. & 29.
Iohann. 2. 9.*

Tom. III. Pars II.

A aperuit oculos cæci nati, & alia multa quæ com-
memorare longum est. Sed respondetur nobis, &
alios fecisse quæ ipse non fecit, & quæ nemo alias
fecit. Quis enim nisi Moyses Ægyptios plagis tot
tantisque percussit, diviso mari populum duxit,
manna de cælo esurientibus impetravit, aquam de
petra fientibus fudit? Quis nisi Jesus Nave popu-
lo transituro Jordanis fluenta divisit, & currentem
solem emissâ ad Deum oratione frenavit & fixit?
Quis præter Samson propter suam sitim maxillâ
mortui asini exundante satiatus est? Quis præter
Eliam curru igneo in alta subiectus est? Quis præ-
ter Elisæum, quod paulò antè commemoravi, se-
pulto suo cadavere, cadaver alterius reddidit vitæ?
Quis præter Danielem inter ora inclusorum secum
leonus esurientium vixit innocuus? Quis præter
tres viros, Ananiam, Azariam, Misaëlem, in flam-
mis ardentibus & non urentibus deambulavit il-
læsus?

C 3. Prætereo cetera, quoniam hæc satis esse ar-
bitror, quibus demonstretur & aliquos sanctos
quædam opera miranda fecisse, quæ nemo alias
fecit. Sed qui tam multa vitia & malas valetudines
vexationesque mortalium tanta potestate sanaret,
nullus omnino legitur antiquorum. Ut enim ta-
ceantur quos jubendo, sicut occurribant, salvos
singulos fecit: Marcus evangelista quodam loco
ait, Vespere autem facto cum occidisset sol, affe-
rebant ad eum omnes male habentes, & dæmonia « *Matth. 1. 32.
Iohann. 4. 4.* »
habentes, & erat omnis civitas ad januam congre-
gata, & curavit multos qui vexabantur variis lan-
guoribus, & dæmonia multa ejiciebat. Id autem «
cum commemorasset Matthæus, etiam testimoni-
um propheticum addidit dicens: Ut adimplere. *Matth. 8.
17.*
17. *Iohann. 4. 4.*
Marci. »
« 56. »
tur quod dictum est per Isaiam prophetam dicen-
tem, Ipse infirmitates nostras accepit, & ægritudi-
nes portavit. Item alio loco dicit Marcus, Et quo-
cumque introibat in vicos, vel in villas, aut in ci-
vitates, in plateis ponebant infirmos, & depreca-
bantur eum ut vel fimbriam vestimenti ejus tange-
rent; & quotquot tangebant eum, salvi fiebant. «
Hæc nemo aliis fecit in eis. Sic enim intelligen-
dum est quod ait, *in eis*, non inter eos vel coram
eis: sed prorsus in eis, quia sanavit eos. Hæc quippe
intelligi voluit quæ non solum facerent admiratio-
nem, verum etiam manifestam conferrent salu-
tem, pro quibus beneficiis utique amorem, non
odium retribuere debuerunt. Omnia quidem ce-
terorum miracula superat, quod est natus ex vir-
gine, matrisque integritatem solus potuit nec con-
ceptus violare nec natus: sed hoc nec coram eis fa-
ctum est, nec in eis. Ad cognoscendam quippe hu-
jus miraculi veritatem, non communis cum eis ad-
spectu, sed discreto ab eis discipulatu Apostoli per-
venerunt. Jam vero illud quod die tertia in carne
in qua occisus fuerat, de sepulcro se reddidit vi-
vum, & numquam deinde moriturus cum illa ad-
scendit in cælum, superat etiam cuncta quæ fecit:
sed neque hoc factum est in Judæis, neque coram
eis; & nondum hoc fecerat, quando dicebat, *Si
G opera non fecissem in eis, quæ nemo aliis fecit.*

4. Nimurum ergo sunt illa, quæ in eorum vale-
tudinibus tanta miracula salutis ostendit, quanta
in illis antea nemo donavit: hæc enim viderunt, &
hoc eis exprobrans adjungit, & dicit, * *Nunc au-
tem & viderunt, & oderunt & me & Patrem meum:* *Iohann. 15.
v. 24.*
* *sed ut adimpleatur sermo qui in Lege eorum scrip-
tus est, quia odio habuerunt me gratis.* Eorum Le- *Psal. 34. 19;*
Z z

Matth. 6.
11.

Psal. 71.18.

gem dicit, non ab ipsis inventam, sed ipsis datam: A sicut dicimus, Panem nostrum quotidianum; quem tamen à Deo petimus, addendo, da nobis. Gratias autem odit, qui nullum ex odio commodum querit, vel incommodum fugit: sic oderunt Dominum impii: sic diligunt justi, hoc est gratis, ut alia praeter illum non exspectent bona, quoniam ipse erit in omnibus omnia. Quisquis verò altius adtenderit Christum dicentem, *Si opera non fecissem in eis, quæ nemo aliis fecit,* (sed hæc & si Pater aut Spiritus-sanctus fecit, nemo aliis fecit, quia totius Trinitatis una substantia est:) inveniet ipsum fecisse, si quando quispiam Dei homo tale aliquid fecit. Potest quippe in seipso cuncta per seipsum: nemo autem potest aliquid sine ipso. Christus namque cum Patre & Spiritu-sancto, non sunt tres dii, sed unus Deus, de quo scriptum est, Benedictus Dominus Deus Israël, qui facit mirabilia solus. Nemo ergo aliis fecit quæcumque opera in eis fecit: quoniam quisquis aliis homo aliquid eorum fecit, ipso faciente fecit. Hæc autem ipse, non illis facientibus fecit.

TRACTATUS XCII.

In hæc verba, Cùm autem venerit paracletus quem ego mittam vobis à Patre, Spiritum veritatis, &c.

1. **D**O MINUS Jesus in sermone, quem locutus est discipulis suis post cœnam proximus passioni, tamquam iturus & relieturus eos præsentia corporali, cum omnibus autem suis usque in consummationem saeculi futurus præsentia spiritali, exhortatus est eos ad perferendas persecutions impiorum, quos mundi nomine nuncupavit: ex quo tamen mundo etiam ipsos discipulos se elegisse dixit, ut scirent se Dei gratiâ esse quod sunt, suis autem vitiis fuisse quod fuerunt. Deinde persecutores & suos & ipsorum Judæos evidenter expressit, ut omnino appareret etiam ipsos mundi damnabilis appellatione conclusos, qui persequitur sanctos. Cùmque de illis diceret, quod ignorarent eum à quo missus est, & tamen odissent & Filium & Patrem, hoc est, & eum qui missus est, & eum à quo missus est, de quibus omnibus in aliis sermonibus jam differuimus: ad hoc perenit ubi ait, *Vt adimpleatur sermo qui in Lege eorum scriptus est, quia odio habuerunt me gratis.* Deinde tamquam consequenter adjunxit, unde modò disputare suscepimus. *Cùm autem venerit paracletus, quem ego mittam vobis à Patre, Spiritum veritatis, qui à Patre procedit, ille testimonium perhibebit de me: ** & vos testimonium perhibebitis, quia ab initio mecum estis. Quid hoc pertinet ad illud quod dixerat, *Nunc autem & viderunt, & oderunt & me & Patrem meum: sed ut impleatur sermo qui in Lege eorum scriptus est, quia odio habuerunt me gratis?* An quia paracletus quando venit Spiritus veritatis, eos qui viderunt & oderunt, testimonio manifestore convicit? Immo verò etiam aliquos ex illis qui viderunt, & adhuc oderant, ad fidem quæ per dilectionem operatur, sui manifestatione convertit. Hoc ut ita intelligamus, ita factum esse recolimus. Venit enim die Pentecostes Spiritus-sanctus in centum - viginti homines congregatos, in quibus & Apostoli omnes erant, qui illo adimpti cùm linguis omnium gentium loquerentur, plures ex his

A qui oderant, tanto miraculo stupefacti, (quandoquidem viderunt loquente Petro tam magnum atque divinum testimonium perhiberi de Christo, ut ille qui occisus ab eis inter mortuos deputabatur, resurrexisse & vivere probaretur) compunctioni corde conversi sunt; & tanti sanguinis tam impiè atque immaniter fusi indulgentiam percepunt, ipso redemti sanguine quem fuderunt. Christi enim sanguis sic in remissionem peccatorum omnium fusus est, ut ipsum etiam peccatum posset delere quo fusus est. Hoc ergo intuens Dominus dicebat, *Odio habuerunt me gratis: cùm autem venerit paracletus, ille testimonium perhibebit de me,* tamquam diceret, Odio me habuerunt, & occiderunt videntes: sed tale de me paracletus testimonium perhibebit, ut eos faciat in me credere non videntes.

2. *Et vos, inquit, testimonium perhibebitis, quia ab initio mecum estis.* Perhibebit Spiritus-sanctus, perhibebitis & vos. Quia enim ab initio mecum estis, potestis prædicare quod nostis: quod ut modo non faciatis, illius Spiritus plenitudo nondum adest vobis. *Ille ergo testimonium perhibebit de me, & vos perhibebitis:* dabit enim vobis fiduciam testimonium perhibendi caritas Dei diffusa in cordibus vestris, per Spiritum-sanctum qui dabitur vobis. Quæ utique Petro adhuc defuit, quando mulieris ancillæ interrogatione perterritus, non potuit verum testimonium perhibere; sed contra suam pollicitationem timore magno compulsus est ter negare. Timor autem iste non est in caritate, sed D perfecta caritas foras mittit timorem. Denique ante passionem Domini, servilis timor ejus interrogatus est à femina servitutis; post resurrectionem verò Domini liberalis ejus amor ab ipso principe libertatis: & ideo ibi turbabatur, hinc tranquillabatur, ibi quem dilexerat negabat, hinc quem negaverat diligebat. Sed adhuc etiam tunc amor ipse infirmus fuerat & angustus, donec eum roboraret & dilataret Spiritus-sanctus. Qui postea quā illi est abundantiâ gratiæ largioris infusus, sic ad perhibendum de Christo testimonium quandam ejus frigidum peccatum accedit, atque illa prius trepida quæ veritatem suppresserant, ora reseravit, ut cùm omnes in quos venerat Spiritus-sanctus, linguis omnium gentium loquerentur, Judæorum circumstantibus turbis, solus ad testimonium de Christo perhibendum præ ceteris promptius emicaret, ejusque interfectores de illius resurrectione confundebret. Si quem delectat tam suaviter ^b sanctum tale spectaculum intueri, Actus Apostolorum legat: ibi

F beatum Petrum quem negantem doluerat, stupeat prædicantem: ibi linguam illam videat ad fiduciam à dissidentia & ad libertatem à servitute translataam, tot linguas inimicorum convertere ad Christi confessionem, quarum non valendo unam ferre, versa fuerat in negationem. Quid plura? Tantus in illo fulgor gratiæ, tanta Spiritus-sancti plenitudo apparebat, tanta de ore prædicantis pretiosissimæ veritatis pondera procedebant, ut ingentis multitudinis adversarios interfectores Christi Ju-dæos faceret pro illo paratos mori, à quibus cum illo formidabat occidi. Hoc fecit Spiritus-sanctus tunc missus, antè promissus. Ista Dominus magna atque miranda sua beneficia prævidebat, quando dicebat, *Et viderunt, & oderunt & me & Patrem meum, ut adimpleatur sermo qui in Lege eorum scriptus est, quia odio habuerunt me gratis: cùm autem ve-*

* MSS. qui aderant.

II b In tribus MSS. tam suaviter sapidum.

Johann. 15.
25.

Johann. 26.

Johann. 27.

Johann. 24. &c.

Galat. 5. 6.

Act. 2. 2.

nerit paracletus, quem ego mittam vobis à Patre, Spīritum veritatis, qui à Patre procedit, ille testimonium perhibebit de me, & vos testimonium perhibebitis. Ille quippe testimonium perhibens & testes fortissimos faciens, abstulit Christi amicis timorem, & inimicorum odium convertit in amorem.

TRACTATUS XCIII.

De eo quod Dominus dicit, Hæc locutus sum vobis, ut non scandalizemini: usque ad id, Sed hæc locutus sum vobis, ut cùm venerit hora eorum, B reminiscamini, quia ego dixi vobis.

1. **I**N his quæ præcedunt hoc Evangelii capitulum, Dominus discipulos suos ad inimicorum odia perferenda confirmans, suo quoque præparavit exemplo, ut eum imitando fierent fortiores: addens & promittens eis, quòd venturus esset Spiritus-sanctus, qui de illo testimonium perhiberet, & adjiciens quòd & ipsi fierent testes ejus, hoc utique in eis operante Spiritu-sancto. Sic enim ait, Ille testimonium perhibebit de me, & vos testimonium perhibebitis. Utique quia ille perhibebit, etiam vos perhibebitis: ille in cordibus vestris, vos in vocibus vestris: ille inspirando, vos sonando: ut possit impleri, In omnem terram exivit sonus eorum. Parum quippe fuerat eos adhortari exemplo suo, nisi impleret Spiritu suo. Denique apostolus Petrus cùm jam verba ejus audisset, ubi dixerat, Non est servus major domino suo, si me persecuti sunt, & vos consequentur; & hoc in illo Djam videret impleri, in quo patientiam Domini sui, si exemplum sufficeret, debuit imitari: succubuit & negavit, non utique ferens quod illum ferre cernebat. Cùm verè accepit donum Spiritus-sancti, quem negaverat prædicavit; & quem confiteri timerat, non timuit profiteri. Priùs enim exemplo quidem fuerat edocetus, ut quod fieri convenerat nosset: sed nondum fuerat virtute fultus, ut quod noverat facheret: instructus erat ut staret, sed non erat firmatus ne caderet. Quod postea quām per Spiritum-sanctum factum est, annuntiavit usque ad mortem, quem negaverat timens mortem. Ideo Dominus in hoc consequenti capitulo, de quo nunc vobis loquendum est, *Hæc*, inquit, *locutus sum vobis, ut non scandalizemini.* Canitur quippe in Psalmo, Pax multa diligentibus legem tuam, & non est illis scandalum. Meritò itaque promisso Spiritu-sancto, quo in eis operante fierent testes ejus, subjunxit, *Hæc locutus sum vobis, ut non scandalizemini.* Cùm enim caritas Dei diffunditur in cordibus nostris per Spiritum-sanctum, qui datus est nobis, sit pax multa diligentibus legem Dei, ut non sit illis scandalum.

2. Deinde quid passuri essent, jam exprimens ait, *Extra synagogas facient vos.* Quid autem mali erat Apostolis expelli de synagogis Judaicis, quasi non inde fuerant se separaturi, etiamsi eos nullus expelleret? Sed nimis hoc voluit denuntiare, quia Judæi Christum non fuerant recepturi, à quo isti non fuerant recessuri: & ideo futurum erat ut foras mitterentur cum illo, ab eis qui esse nollent in illo, hi qui esse non possent sine illo. Nam profectò quia non erat ullus aliud populus Dei quām illud semen Abrahæ, si agnoscerent & reciperent Christum, tamquam rami naturales in olea permanerent; nec aliæ fierent Ecclesia Christi, aliæ sy-

A nagogæ Judæorum: • eadem quippe essent, si in eodem esse voluerint. Quod quia noluerunt, quid restabat nisi ut remanentes extra Christum, extra synagogas facerent eos qui non relinquenter Christum? Accepto quippe Spiritu-sancto testes ejus effecti, non utique tales essent, de quibus dicitur, Multi principes Judæorum crediderunt in eum, *Iohann. 12. 42. & 43.* sed propter metum Judæorum, ne pellerentur de synagogis, non audebant confiteri eum; dilexerunt enim gloriam hominum magis quām Dei. Crediderunt ergo in eum, sed non sic quomodo eos volebat credere, qui dicebat, *Quomodo potestis credere, gloriam ab invicem exspectantes, & gloriam quæ à solo Deo est non quærentes?* Discipulis ergo sic in eum creditibus, ut impleti Spiritu-sancto, hoc est dono gratiæ Dei, non sint de numero eorum, qui ignorantes Dei justitiam, & suam volentes constituere, justitiæ Dei non sunt subjecti; nec de illorum, de quibus dictum est, *Dilexerunt gloriam hominum magis quām Dei: illa congruit prophetia, quæ de ipsis invenitur impleta, Domine in lumine vultus tui ambulabunt, & in nomine tuo exultabunt tota die, & in tua justitia exaltabuntur;* *Psalm. 88. 16. & 17.* *“ quoniam gloria virtutis eorum tu es: Meritò eis dicitur, Extra synagogas facient vos:* illi scilicet, qui zelum Dei habent, sed non secundum scientiam: *Rom. 10. 2. & 3.* propter quod ignorantes Dei justitiam, & suam volentes constituere, & eos expellunt qui non in sua, sed in Dei justitia exaltantur, nec expulsi ab hominibus erubescunt, quoniam gloria virtutis eorum ipse est.

3. Denique cùm hoc eis dixisset, adjecit, * *Sed venit hora, ut omnis qui interficit vos, arbitretur obsequium se præstare Deo:* * *& hæc facient vos, quia non cognoverunt Patrem neque me.* Hoc est, non cognoverunt Deum nec ejus Filium, cui se in vobis occidendis præstare arbitrantur obsequium. Quæ verba Dominus ita subjecit, tamquam ex hoc consolaretur suos, qui de synagogis Judaicis pellerentur. Prænuntians enim quæ mala essent pro ejus testimonio perpessuri, *Extra synagogas, inquit, facient vos.* Nec ait, Et venit hora, ut omnis qui interficit vos, arbitretur obsequium se præstare Deo. Quid ergo ait? *Sed venit hora:* quemadmodum diceret, si aliquid boni post mala ista prædiceret. Quid sibi ergo vult, *Extra synagogas facient vos: sed venit hora?* Tamquam hoc dicturus fuisset, Separabunt illi quidem vos, sed ego vos colligam; aut, Separabunt quidem illi vos, sed venit hora lætitiae vestræ. Quid ergo ibi facit hoc verbum F quod ait, *Sed venit hora,* quasi consolationem eis promitteret post tribulationem: cùm magis dicere debuisse videatur indicativo modo, Et venit hora? Sed non ait, Et venit, cùm tribulationem super tribulationem, non consolationem post tribulationem venturam illis esse prædiceret. An fortè sic eos illa de synagogis separatio fuerat turbatura, ut mori mallent, quām in hac vita sine Judæorum congregationibus immorari? Absit ut sic turbarentur, qui Dei, non hominum gloriam requirebant. Quid ergo est, *Extra synagogas facient vos; sed venit hora:* cùm potius dicere debuisse videatur, Et venit hora, *ut omnis qui interficit vos, arbitretur obsequium se præstare Deo?* Neque enim saltem dictum est, Sed venit hora ut interficiant vos, quasi ut eis mors pro consolatione illius separationis accideret: sed, *Venit, inquit, hora ut omnis qui in-*

* Aliquot MSS. eadem.

terficit vos, arbitretur obsequium se praestare Deo. A prorsus non mihi videtur aliud significare voluisse, nisi ut intelligerent atque gauderent tam multos se Christo adquisituros, cum de Judæorum congregationibus pellerentur, ut eos non sufficeret pelle-re, sed non sinerent vivere, ne omnes ad nomen Christi sua prædicatione converterent, & ab obser-vatione Judaïsmi, tamquam divinæ veritatis, averterent. Hoc enim de Judæis dictum debemus accipere, de quibus dixerat, *Extra synagogas faci-ent vos.* Nam testes, id est, martyres Christi, etiam occisi sunt a gentilibus: non tamen illi arbitrii sunt Deo, sed diis suis falsis obsequium se praestare, cum hæc facerent. Judæorum autem omnis qui occidit prædicatores Christi, Deo se praestare putavit obsequium: credens quod desere-rent Deum Israël, quicumque converterentur ad Christum. Ut enim & ipsum Christum occiderent, ista ratione commoti sunt: nam eorum de hac re etiam verba conscripta sunt, Videlis quia totus mundus post eum abiit: si dimiserimus eum vivere, venient Romani, & tollent nobis & locam & gen-tem. Et quod Caiphas dixit, Expedit ut unus ho-mo moriatur pro populo, & non tota gens pereat. Et in hoc ergo sermone suos discipulos suo erexit exemplo, quibus dixerat, Si me persecuti sunt, & vos persequentur: ut quemadmodum illum occi-dendo, Deo se praestitisse obsequium putaverunt, sic etiam illos.

4. Iste itaque sensus est in his verbis, *Extra synagogas facient vos*, sed nolite solitudinem formi-dare: separati quippe a congregatione eorum, tam multos in nomine meo congregabis, ut illi me-tuentes ne templum quod erat apud eos, & omnia Legis veteris sacramenta deserantur, interficiant vos, sic fundentes sanguinem vestrum, ut Deo se praestare arbitrentur obsequium. Ecce est illud quod de his dixit Apostolus, Zelum Dei habent, sed non secundum scientiam: obsequium se putant praestare Deo, interficiendo famulos Dei. O error horrendus! Itane ut placeas Deo, percutis placen-tem Deo; & templum Dei vivum te feriente pro-sternitur, ne Dei templum lapideum deseratur? O exscrabilis cæcitas! Sed ex parte in Israël facta est, ut plenitudo gentium intraret: ex parte, inquam, facta est, non ex toto. Non enim omnes, sed ali-qui ex ramis fracti sunt, ut infereretur oleaster. Nam Spiritu-sancto implente discipulos Christi, cum linguis omnium gentium loquerentur, cum per eos divina miracula frequentarentur, & divina eloquia spargerentur, etiam occisus ita dilectus est Christus, ut ejus discipuli expulsi a congregati-onibus Judæorum, ex ipsis quoque Judæis ingentem multitudinem congregarent, & nullam solitudinem formidarent. Hinc ergo accensi ceteri reprobi & cæci, zelum Dei habentes, sed non secundum scientiam, & obsequium se praestare Deo creden-tes, occidebant eos. Sed pro illis occisus colligebat eos, qui de his futuris antequam occideretur, instruxerat eos, ne ignaros atque imparatos animos mala inopinata & improvisa, quamvis citè transi-tura, turbarent, sed præcognita & patienter accep-ta ad bona sempiterna perducerent. Hanc enim fuisse causam ut hæc eis prænuntiaret, etiam ipse demonstravit adjungens, *Sed hæc locutus sum vobis, ut cum venerit hora eorum, reminiscamini quia ego dixi vobis.* Hora eorum hora tenebrosa, hora no-

Psal. 41. 9. cturna. Sed in die mandavit Dominus misericor-

diam suam, & in nocte declaravit: quando nox Ju-dæorum separatum à se diem Christianorum nulla confusione fuscavit; & quando carnem occidere potuit, fidem tenebrare non potuit.

T R A C T A T U S X C I V.

De eo quod dicit Iesus, Hæc autem vobis ab initio non dixi, quia vobiscum eram: usque ad id, Si autem abiero mittam eum ad vos.

1. **C**UM Dominus Jesus prædixisset discipu-lis suis persecutiones, quas passuri fuerant post ejus abscessum, subjunxit, atque ait, *Hæc autem vobis ab initio non dixi, quia vobis-^{Iohann. 16. 5.} cum eram: nunc autem vado ad eum qui me misit.* Ubique primùm videndum est, utrum eis futuras non præ-dixerit antè passiones. Sed alii tres Evangelistæ satis ^{Matt. 24.} eum prædixisse ista demonstrant, antequam veni-^{Marc. 13. 9.} tum esset ad coenam: qua peractâ secundum Johan-nem ista locutus est, ubi ait, *Hæc autem vobis ab initio non dixi, quia vobiscum eram.* An fortè hinc ista solvitur questio, quia & illi eum narrant passio-ni proximum fuisse cum hæc diceret? Non ergo ab initio quando cum illis erat, quia jam discessurus, jamque ad Patrem perrecturus hæc dixit: & ideo etiam secundum illos Evangelistas verum est quod hæc dictum est, *Hæc autem vobis ab initio non dixi.* Sed quid agimus de fide Evangelii secundum Mat-thæum, qui hæc eis à Domino non solùm cum jam esset Pascha cum discipulis coenaturus imminentे

Dpassione, verū & ab initio denuntiata esse com-memorat, ubi primùm nominatim duodecim ex-^{Matt. 10.} primuntur Apostoli, & ad opera divina mittuntur: Quid sibi ergo vult quod hæc ait, *Hæc autem vobis ab initio non dixi, quia vobiscum eram:* nisi quia ea quæ hæc dicit de Spiritu-sancto, quod sit venturus ad eos & testimonium perhibitus, quando malæ illa passuri sunt, hæc ab initio eis non dixit, quia cum ipsis erat?

2. Consolator ergo ille vel advocatus (utrum-que enim interpretatur quod est Græcè paracle-tus,) Christo abscedente fuerat necessarius; & ideo de illo non dixerat ab initio quando cum illis erat, quia ejus præsentia consolabantur: abscessu-rus autem oportebat ut diceret illum esse venturum, per quem futurum erat ut caritate diffusa in cordi-bus suis verbum Dei cum fiducia prædicarent; & illo intrinsecus apud eos testimonium perhibente de Christo, ipsi quoque testimonium perhiberent; neque scandalizarentur cum inimici Judæi absque synagogis facherent eos, & interficerent arbitran-tes obsequium se praestare Deo: quoniam caritas ^{1. Cor. 13. 7.} omnia tolerat; quæ diffundenda erat in cordibus ^{Rom. 5. 5.} eorum per Spiritus-sancti donum. Hinc ergo iste totus dicitur sensus, quia facturus eos erat martyres suos, id est, testes suos per Spiritum-sanctum: ut illo in eis operante, persecutionum quæcumque aspera tolerarent, nec frigescerent à caritate præ-dicandi, illo divino igne succensi. Hæc ergo, in-quit, locutus sum vobis, ut cum venerit hora eo-^{Io. 10. 16. 4.} grum, reminiscamini quia ego dixi vobis. Hæc scili-cket locutus sum vobis, non tantum quia passuri estis ista: sed quia cum venerit paracletus ille, testimo-nium perhibebit de me, ne ista timendo taceatis, unde fieri ut etiam vos testimonium perhibeatist. *Hæc autem vobis ab initio non dixi, quia vobiscum eram:* & ego vos consolabar meā corporali præ-sentiā exhibitā humanis sensibus vestris, quam par-^{v. 5.} vuli capere poteratis.

ibidem.

Johan. 13.
36.

Act. 1. 9.

Johan. 16. 6.

• 7.

Johan. 1. 32.

• 2. Cor. 5. 16.

Math. 28.

20.

Johan. 14.

23.

3. Nunc autem vado ad eum qui me misit: & ne-
ma, inquit, ex vobis interrogat me, Quo vadis. Si-
gnificat sic se iturum ut nullus interrogaret, quod
palam fieri visu corporis cernerent: nam superius
interrogaverant eum quoniam esset iturus, & responde-
rat eis se iturum quoniam tunc venire non possent.
Nunc vero ita se promittit iturum, ut nullus eorum
quoniam vadit interroget. Nubes enim suscepit eum
quando ascendit ab eis, & euntem in caelum non
verbis quaeferunt, sed oculis deduxerunt.

4. Sed quia haec locutus sum vobis: inquit, tristitia
implevit cor vestrum. Videbat utique quid illa sua ver-
ba in eorum cordibus agerent: spiritalem quippe
nondum interius habentes consolationem, quam
per Spiritum sanctum fuerant habituri, id quod
exterius in Christo videbant, amittere metuebant:
& quia se amissuros esse illum vera denuntiantem
dubitare non poterant; contristabatur humanus
affectus, quia carnalis desolabatur adspectus. No-
verat autem ille quid eis potius expediret, quia vi-
sus interior ipse est utique melior, quo eos conso-
laturus fuerat Spiritus sanctus: non cernentium
corporibus ingesturus corpus humanum, sed seip-
sum credentium pectoribus infusurus. Denique ad-
jungit, Sed ego veritatem dico vobis, expedit vobis ut
ego vadam. Si enim non abiero, paracletus non veniet ad
vos: si autem abiero, mittam eum ad vos: tamquam
diceret, Expedit vobis ut haec forma servi auferatur
a vobis: caro quidem factum Verbum habito in
vobis, sed nolo me carnaliter adhuc diligatis, &
isto lacte contenti semper infantes esse cupiatis: Ex-
pedit vobis ut ego vadam. Si enim non abiero, para-
cletus non veniet ad vos. Si alimenta tenera quibus vos
alui, non subtraxero, solidum cibum non esurietis;
si carni carnaliter haeseritis, capaces spiritus non eri-
tis. Nam quid est, Si non abiero, paracletus non veniet
ad vos: si autem abiero, mittam eum ad vos? Numquid
hic positus, eum non poterat mittere? Quis hoc di-
xerit? Neque enim ubi ille erat, iste inde recesserat;
& sic venerat a Patre, ut non maneret in Patre. Po-
strem quomodo eum etiam hic constitutus non
poterat mittere, quem scimus super eum baptiza-
tum venisse atque mansisse: immo vero a quo scimus
cum numquam separabilem fuisse? Quid est ergo, Si
non abiero, paracletus non veniet ad vos, nisi non po-
testis capere Spiritum, quamdiu secundum carnem
persistitis nosce Christum? Unde ille qui jam acce-
perat Spiritum, Etsi noveramus, inquit, secundum
carnem Christum, sed nunc jam non novimus. Etiam
ipsam quippe carnem Christi non secundum car-
nem novit, qui Verbum carnem factum spiritualiter
novit. Hoc nimur significare voluit magister bonus
dicendo, Si enim non abiero, paracletus non ve-
niens ad vos: si autem abiero, mittam eum ad vos.

5. Christo autem discedente corporaliter, non
solum Spiritus sanctus, sed & Pater & Filius illis
adfuimus spiritualiter. Nam si ab eis sic abscessit Christus,
ut pro illo, non cum illo in eis esset Spiritus
sanctus: ubi est ejus missio dicentis, Ecce ego
vobiscum sum usque in consummationem saeculi:
&, Veniemus ad eum ego & Pater, & mansionem G
apud eum faciemus: cum & Spiritum sanctum ita
se promiserit esse missurum, ut cum eis esset in aeterno-
num? Ac per hoc cum ex carnalibus vel animali-
bus essent spiritales futuri, profecto & Patrem &
Filium & Spiritum sanctum capacius fuerant habi-
turi. In nullo autem credendus est esse Pater sine
Filio & Spiritu sancto, aut Pater & Filius sine Spi-

A ritu sancto, aut Filius sine Patre & Spiritu sancto
aut sine Patre & Filio Spiritus sanctus, aut Pater &
Spiritus sanctus sine Filio: sed ubi eorum quilibet
unus, ibi trinitas Deus unus. Oportebat autem ita
insinuari Trinitatem, ut quamvis nulla esset diver-
sitas substantiarum, singillatim tamen commenda-
retur distinctio personarum: ubi eis qui recte intel-
ligunt, numquam videri potest separatio natura-
rum.

6. Quod autem sequitur, * Et cum venerit ille, Johan. 16.
B arguet mundum de peccato, & de justitia, & de judicio: v. 8.
* de peccato quidem, quia non credunt in me: * de ju- v. 9.
stitia vero, quia ad Patrem vado, & jam non vide- v. 10.
bitis me: * de judicio autem, quia princeps hujus mundi v. 11.
judicatus est: tamquam solum sit peccatum non cre-
dere in Christum, & tamquam ipsa sit justitia non
videre Christum, & tamquam ipsum sit judicium
quod princeps hujus mundi, hoc est diabolus judi-
catus est: valde latebrosum est, nec isto sermone
coartandum, ne fiat obscurius brevitate; sed alio
C potius quantum Dominus adjuverit explicandum.

TRACTATUS XCV.

In hac verba superioris lectionis, Cum venerit ille ar-
guet mundum de peccato, & de Justitia, &c.

1. **P**ROMITTENS Dominus missurum se
Spiritum sanctum, Cum venerit, inquit, Johan. 16. 8.
ille arguet mundum de peccato, & de justitia,
& de judicio. Quid est hoc? Numquidnam Domi-
nus Christus non arguit mundum de peccato, cum
ait, Si non venissem & locutus eis fuisset, pecca- Johan. 15.
tum non haberent: nunc autem excusationem non
habent de peccato suo? Sed ne quis forte dicat hoc
ad Iudeos propriè pertinere, non ad mundum:
nonne ait alio loco, Si de mundo essetis, mundus
quod suum esset diligenter? Numquid non arguit de
justitia, ubi ait, Pater juste, mundus te non co- Johan. 17.
gnovit? Numquid non arguit de judicio, ubi se ait 25.
sinistris esse dicturum, Ite in ignem aeternum, qui Matth. 25.
paratus est diabolo & angelis ejus? Et multa alia 41.
reperiuntur in sancto Evangelio, ubi de his Chri-
stus arguit mundum. Quid est ergo quod tamquam
propriè tribuit hoc Spiritui sancto? An forte quia
Christus in Iudeorum tantum gente locutus est,
mundum non videtur arguisse, ut ille intelligatur
argui qui audit arguentem? Spiritus autem sanctus
in discipulis ejus toto orbe diffusus, non unam gen-
tem intelligitur arguisse, sed mundum. Nam hoc:
illis ait adscensurus in caelum, Non est vestrum sci- 47. 1. 7.
re tempora vel momenta, quae Pater posuit in sua 6. 8.
potestate: sed accipietis virtutem Spiritus sancti 2. Cor. 13. 3.
supervenientis in vos, & eritis mihi testes in Jerusa-
lem, & in tota Iudea, & in Samaria, & usque in 4.
fines terrae. Hoc est arguere mundum. Sed quis audiebat
dicere, quod per discipulos Christi arguit
mundum Spiritus sanctus, & non arguat ipse Christus;
cum clamet Apostolus, An vultis experimen- 1. Johann. 4.
tum accipere ejus qui in me loquitur Christus?
Quos itaque arguit Spiritus sanctus, arguit utique
& Christus. Sed quantum mihi videtur, quia per
Spiritum sanctum diffundenda erat caritas in cordi- Rom. 5. 5.
bus eorum, quae foras mittit timorem, quo impe- 18.
diri possent, ne arguere mundum qui persecutioni-
bus fremebat, auderent; propterea dixit, Ille ar-
guet mundum: tamquam diceret, Ille diffundet in
cordibus vestris caritatem; sic enim timore depul-
so, arguendi habebitis libertatem. Sæpe autem di-
Zz iii

* *Supra
Tract. 20.*

*Iohann. 16. 9.
Eccl. 6.*

Eccl. 7. 21.

Eccl. 7. 17.

Ephes. 5. 13.

*Iohann. 20.
49.*

*Rom. 1. 17.
Habac. 2. 4.
Hebr. 11. 1.*

ximus * inseparabilia opera esse Trinitatis: sed singillatim commendandas fuisse personas, ut non solum sine separatione, verum etiam sine confusione & unitas intelligatur & Trinitas.

2. Exponit deinde quid dixerit de peccato, & de justitia, & de judicio. *De peccato* quidem, inquit, quia non crediderunt in me. Hoc enim peccatum quasi solum sit, praeceteris posuit: quia hoc manente cetera detinentur, & hoc discedente cetera remittuntur. *De justitia* vero, inquit, quia ad Patrem vado, & jam non videbitis me. Hic primò videndum est, si rectè quisque arguitur de peccato, quomodo rectè arguatur & de justitia. Numquid enim si arguendus est peccator propterea quia peccator est, argendum putabit quisquam & justum propterea quia justus est? absit. Nam & si aliquando justus arguitur, ideo rectè arguitur, quia, sicut scriptum est, Non est justus in terra, qui faciet bonum, & non peccabit. Quocirca etiam cum justus arguitur, de peccato arguitur, non de justitia. Quoniam &

in illo quod legimus divinitus dictum, Noli effici justus multum: non est notata justitia sapientis, sed superbia præsumentis. Qui ergo fit multum justus, ipso nimio fit injustus. Multum enim se facit justum, qui dicit se non habere peccatum; aut qui se putat non gratia Dei, sed sua voluntate sufficiente effici justum: nec rectè vivendo justus est, sed potius inflatus, putando se esse quod non est. Quo pacto igitur mundus arguendus est de justitia, nisi de justitia credentium? Arguitur itaque de peccato, quia in Christum non credit: & arguitur de justitia eorum qui credunt. Ipsa quippe fidelium comparatio, infidelium est vituperatio. Hoc & ipsa expositione satis indicat. Volens enim aperire quid dixerit, *De justitia* vero, inquit, quia ad Patrem vado, & jam non videbitis me: Non ait, & jam non videbunt me; de quibus dixerat, quia non crediderunt in me. Sed peccatum quid vocaret exponens, de illis locutus est dicens, quia non crediderunt in me: exponens autem quam diceret justitiam, de qua mundus arguitur, ad ipsos quibus loquebatur, se convertit, atque ait, *Quia ad Patrem vado, & jam non videbitis me.* Quapropter mundus de peccato quidem suo, de justitia vero arguitur aliena, sicut arguuntur de lumine tenebrae: Omnia enim quæ arguuntur, ait Apostolus, à lumine manifestantur. Quantum enim malum sit eorum qui non credunt, non solum per seipsum, verum etiam ex bono potest eorum apparere qui credunt. Et quoniam ista vox infidelium esse consuevit, Quomodo credimus quod non videmus? ideo credentium justitiam sic oportuit definiri, *Quia ad Patrem vado, & jam non videbitis me.* Beati enim qui non vident, & credunt. Nam & qui viderunt Christum, non in eo laudata est fides eorum, quia credebant quod videbant, id est filium hominis; sed quia credebant, quod non videbant, id est Filium Dei. Cum vero & ipsa forma servi subtracta eorum esset adspectibus, tum vero ex omni parte impletum est, Justus ex fide vivit. Est enim fides, sicut in Epistola quæ ad Hebreos est definita, sperantium substantia, convictio rerum quæ non videntur.

3. Sed quid est, *Iam non videbitis me?* Non enim ait, Ad Patrem vado, & non videbitis me, ut temporis intervallum quo non videbitur, significasse intelligeretur, sive breve, sive longum, tamen utique terminatum: sed dicendo, *Iam non vi-*

A debit is me, velut numquam eos de cetero visuros Christum, veritas prænuntiavit. Haecce justitia est numquam Christum videre, & in eum tamen credere: cum propterea laudetur fides ex qua justus vivit, quoniam credit, quem modò non videt Christum, se aliquando esse visurum? Postrem secundum hanc justitiam, numquid dicturi sumus Paulum apostolum non fuisse justum, confitentem se Christum vidisse post ascensionem ejus in cælum, de quo utique jam tempore dixerat, *Iam non videbitis me?* Numquid secundum hanc justitiam justus non erat gloriosissimus Stephanus, qui cum lapidaretur, ait, Ecce video cælum apertum, & filium hominis stantem ad dexteram Dei? Quid ergo est, *Ad Patrem vado, & jam non videbitis me*, nisi quomodo sum, cum vobiscum sum? Tunc enim adhuc erat mortalis in similitudine carnis peccati, qui esurire poterat ac sitire, fatigari atque dormire: hunc ergo Christum, id est, talem Christum, cum transisset de hoc mundo ad Patrem, non erant jam visuri: & ipsa est justitia fidei, de qua dicit Apostolus, Etsi neveramus Christum secundum carnem, sed nunc jam non novimus. Erit itaque, inquit, vestra justitia, qua mundus arguetur, *quia vado ad Patrem, & jam non videbitis me*: quoniam in eum quem non videbitis credetis in me: & quando me videbitis, quod tunc ero, non videbitis me quod sum vobiscum modò; non videbitis humilem, sed excelsum; non videbitis mortalem, sed sempiternum; non videbitis judicandum, sed * judicatum: & de hac fide vestra, id est, justitia vestra, arguet Spiritus-sanctus incredulum mundum.

4. Arguet etiam de judicio, quia princeps hujus mundi judicatus est. Quis est iste, nisi de quo ait alio loco, Ecce venit princeps mundi, & in me nihil interveniet; id est, nihil juris sui, nihil quod ad eum pertinet, nullum scilicet omnino peccatum? Per hoc enim est diabolus princeps mundi. Non enim cæli & terræ & omnium quæ in eis sunt, est diabolus princeps, qua significatione intelligitur mundus, ubi dictum est, Et mundus per eum factus est: sed mundi est diabolus princeps, de quo mundo ibi continuò subjungit atque ait, Et mundus eum non cognovit, hoc est homines infideles, quibus toto orbe terrarum mundus est plenus: inter quos gemit fidelis mundus, quem de mundo elegit, per quem factus est mundus; de quo ipse dicit, Non venit filius hominis ut judicet mundum, sed ut salvetur mundus per ipsum. Mundus eo judicante damatur, mundus eo subveniente salvatur: quoniam sicut arbor foliis & pomis, sicut area paleis & frumentis, ita infidelibus & fidelibus plenus est mundus. Princeps ergo mundi hujus, hoc est princeps tenebrarum harum, id est infidelium: de quibus eruitur mundus, quibus dicitur, Fuitis aliquando tenebræ, nunc autem lux in Domino: princeps mundi hujus de quo alibi dicit, Nunc princeps mundi hujus missus est foras, utique judicatus est: quoniam judicio ignis æterni irrevocabiliter destinatus est. Et de hoc itaque judicio quo princeps judicatus est mundi, arguitur à Spiritu-sancto mundus: quoniam cum suo principe judicatur, quem b superbus atque impius imitatur. Si enim Deus, sicut dicit apostolus Petrus, peccantibus angelis non pepercit, sed "carceribus caliginis inferi retrudens tradidit in iudicio puniendos servari: quomodo non à Spiritu-sancto de hoc iudicio mundus arguitur, quando in

* MSS. *judicato*.

† b *Loy. superbum atque impium*; nos hic ut in editis aliis & MSS.

Spiritu sancto haec loquitur Apostolus? Credant itaque homines in Christum, ne arguantur de peccato infidelitatis suae, quo peccata omnia detinentur: transeant in numerum fidelium, ne arguantur de justitia eorum, quos justificatos non imitantur: caveant futurum judicium, ne cum mundi principe judicentur, quem judicatum imitantur. Etenim ne sibi existimet parci superbia dura mortalium, de superborum supplicio terrenda est angelorum.

TRACTATUS XCVI.

In hac verba, Adhuc multa habeo vobis dicere, sed non potestis portare modò: cùm autem venerit ille Spiritus veritatis, docebit vos omnem veritatem.

I. **N** Isto sancti Evangelii capitulo, ubi Dominus ait discipulis suis, *Adhuc multa habeo vobis dicere, sed non potestis portare modò*, priùs quærendum illud occurrit, quomodo superitis dixerit, Omnia quæ audivi à Patre meo, nota feci vobis: & hīc dicat, *Adhuc multa habeo vobis dicere, sed non potestis portare modò*. Verùm illud quomodo dixerit, quod nondum fecerat tamquam fecerit, sicut ea quæ futura sunt, Deum fecisse Prophetā testatur dicens, Qui fecit quæ futura sunt, jam cùm ipsa verba tractaremus, ut potuimus, exposuimus. Nunc ergo quæ ista sint, quæ Apostoli tunc portare non poterant, vultis forsitan scire. Sed quis nostrūm audeat eorum se dicere jam capacem, quæ illi capere non valebant? Ac per hoc nec à me exspectanda sunt ut dicantur, quæ fortè non caperem, si mihi ab alio dicerentur; nec vos ea portare possetis, etiamsi ego tantus essem, ut à me ista quæ vobis altiora sunt audiretis. Et fieri quidem potest ut sint in vobis aliqui ad ea capienda jam idonei, quæ alii capere nondum valent; & si non omnia de quibus magister Deus ille dicebat, *Adhuc multa habeo vobis dicere*, tamen eorum fortasse nonnulla: sed quænam sint ista quæ ipse non dixit, temerarium est velle præsumere ac dicere. Nam & mori pro Christo nondum erant idonei tunc Apostoli, quibus dicebat, Non potestis me sequi modò: unde primus eorum Petrus, qui hoc jam se posse præsumserat, aliud expertus est quām putabat: & tamen postea & viri & mulieres, pueri & puellæ, juvenes & virginēs, seniores cum junioribus innumerabiles martyrio coronati sunt, & posse inventæ sunt oves, quod tunc quando ista Dominus loquebatur, nondum poterant portare pastores. Numquid ergo debuit illis ovibus dici in illo temptationis articulo, quo certare usque ad mortem pro veritate oportebat, & pro Christi nomine vel doctrina sanguinem fundere; numquid, inquam, debuit eis dici, Quis vestrūm audeat idoneum martyrio se putare, cui Petrus idoneus nondum fuerat, quando eum os ad os ipse Dominus instruebat? Sic itaque dixerit aliquis, non debere dici populis Christianis, audire cupientibus quæ sint de quibus Dominus tunc dicebat, *Adhuc multa habeo vobis dicere, sed non potestis portare modò*, Si Apostoli nondum poterant, multò minus vos potestis: quia fortè sic multi possunt audire, quod tunc nondum poterat Petrus, sicut multi possunt martyrio coronari, quod tunc nondum poterat Petrus: præsertim jam missō Spiritu sancto, qui tunc nondum erat missus, de quo continuò subjun-

A xit, atque ait, *Cùm autem venerit ille Spiritus veritatis, docebit vos omnem veritatem*: sic utique demonstrans illos ideo quæ habebat dicere, portare non posse, quia nondum ad eos venerat Spiritus sanctus.

2. Ecce concedamus ut ita sit, multos ea modò portare posse jam missō Spiritu sancto, quæ tunc eo nondum missō non poterant portare discipuli: numquid ideo scimus quæ sint quæ dicere noluit, quæ tunc sciremus si ab eo dicta legeremus

B vel audiremus? Aliud est enim scire utrum à nobis vel à vobis portari possint: aliud autem scire quæ sint, sive portari possint, sive non possint. Quæ cùm ipse tacuerit, quis nostrūm dicat, Ista vel illa sunt? Aut si dicere audeat, unde probat? Quis enim est tam vanus aut temerarius, qui cùm dixerit etiam vera quibus voluerit, quæ voluerit, sine ullo testimonio divino affirmet ea esse, quæ tunc Dominus dicere noluit? Quis hoc nostrūm faciat, & non maximam culpam temeritatis incurrat, in quo nec prophetica nec apostolica excellit auctoritas? Nam profectò si eorum aliquid legiſsemus in libris canonica auctoritate firmatis, qui post adscensionem Domini scripti sunt, parum fuerat hoc legiſſe, nisi illic id etiam legeretur, hoc ex eis esse quæ tunc Dominus noluit discipulis dicere, quia non poterant illa portare. Tamquam si, verbi gratiâ, ego dicerem, illud quod legimus in hujus Evangelii capite, In principio erat Verbum, & *Johann. 1.* Verbum erat apud Deum, & Deus erat Verbum, D hoc erat in principio apud Deum, & alia quæ sequuntur, quoniam postea scripta sunt, nec ea Dominum Jesum dixisse narratum est, cùm hīc esset in carne, sed hæc unus ex Apostolis ejus, ^a ac Spiritu ejus sibi revelante conscripsit, ex his esse quæ noluit tunc Dominus dicere, quia ea discipuli portare non poterant, quis me audiat tam temere ista dicentem? Si autem ubi hoc legimus, ibi hoc etiam legeremus, quis non tanto Apostolo crederet?

3. Sed id quoque mihi videtur absurdissimè dici, ea tunc non potuisse portare discipulos, quæ de invisibilibus & altissimis rebus invenimus in Apostolicis litteris, quæ postmodum scriptæ sunt, nec ea Dominum quando cum illis visibiliter erat, dixisse narratur. Cur enim ea tunc ferre non poterant, quæ nunc in eorum libris quis non legat, quis non ferat, etiamsi non intelligat? Nonnulla quidem homines infideles in Scripturis sanctis & non intelligunt cùm legunt vel audiunt, & lecta vel auditæ ferre non possunt: sicut pagani, quod per eum qui crucifixus est, factus est mundus; sicut Judæi, quod Filius Dei sit, qui eo modo quo ipsi celebrant sabbatum solvit; sicut Sabelliani, quia Trinitas est Pater & Filius & Spiritus sanctus; sicut Ariani, quia æqualis est Patri Filius, & Patri ac Filio Spiritus sanctus; sicut Photiniani, quia non homo tantum similis nobis, sed etiam Deus Deo Patri æqualis est Christus; sicut Manichæi, quod Christus Jesus per quem liberandi sumus, nasci in carne & de carne dignatus est: & ceteri omnes versarum ac diversarum sectarum homines, utique ferre non possunt, quidquid in Scripturis sanctis & in fide catholica reperitur, quod contra eorum proferatur errores: sicut nos ferre non possumus sacrilegas eorum vanitates & insanias mendaces. Quid est enim ferre non posse, nisi æquo animo non habere? Sed omnia quæ post adscensionem

* Editi, ipso ac Spiritu ejus. Abest ipso à MSS.

I I b In editis, liberati. At in MSS. liberandi.

Domini canonica veritate atque auctoritate conscripta sunt, quis fidelis vel etiam catechumenus antequam Spiritum-sanctum baptizatus accipiat, non aequo animo legit atque audit, etiamsi nondum sicut oportet intelligit? Quomodo ergo aliquid eorum quæ post adscensionem Domini scripta sunt, non possent ferre discipuli, etiam nondum sibi misso Spiritu-sancto, cum omnia nunc ferant catechumeni nondum accepto Spiritu-sancto? Quia & si non eis fideliū sacramenta produntur, non ideo fit quod ea ferre non possunt: sed ut ab eis tantò ardentiū concupiscantur, quantò eis honorabiliū occultantur.

4. Quapropter, Carissimi, non à nobis exspectatis audire quæ tunc noluit Dominus discipulis dicere, quia nondum poterant illa portare: sed potius in caritate proficite, quæ diffunditur in cordibus vestris per Spiritum-sanctum, qui datus est vobis, ut spiritu ferventes & spiritalia diligentes, spiritalē lucem spiritalē vocem, quam carnales homines ferre non possunt, non aliquo signo corporalibus oculis apparente, nec aliquo sono corporalibus auribus instrepente, sed interiore conspectu & auditu nosse possitis. Non enim diligitur quod penitus ignoratur. Sed cum diligitur quod ex quantulacumque parte cognoscitur, ipsa efficitur dilectione ut melius & pleniū cognoscatur. Si ergo in caritate proficiatis, quam diffundit in cordibus Spiritus-sanctus, docebit vos omnem veritatem: vel, sicut alii codices habent, deducet vos in omni veritate. Unde dictum est, Deduc me Domine in via tua, & ambulabo in veritate tua.

Sic fiet ut non à doctoribus exterioribus illa discatis, quæ noluit Dominus tunc dicere, sed sitis omnes docibiles Deo: ut ea ipsa quæ per lectiones atque sermones extrinsecus adhibitos didicistis & credidistis de natura Dei non corporea, nec loco aliquo inclusa, nec per infinita spatia locorum quasi mole distentā, sed ubique tota & perfecta & infinita, sine nitoribus colorum, sine figuris lineamentorum, sine notis litterarum, sine serie syllabarum, ipsa mente conspicere valeatis. Ecce dixi aliquid quod fortè inde sit, & tamen accepistis; & non solum ferre potuistis, verum etiam libenter auditis. Sed ille magister interior, qui cum adhuc discipulis exterius loqueretur, ait, Adhuc multa habeo vobis dicere, sed non potestis portare modò, si vellet nobis id quod de incorporeā Dei natura dixi, intrinsecus ita dicere, sicut sanctis Angelis dicit, qui semper vident faciem Patris; nondum ea portare possemus. Proinde quod ait, Docebit vos omnem veritatem, vel, Deducet vos in omni veritate, non arbitror in hac vita in cuiusquam mente posse compleri: (quis enim vivens in hoc corpore quod corrumpit & aggravat animam, possit omnem cognoscere veritatem; cum dicat Apostolus, Ex parte scimus?) sed quia per Spiritum-sanctum fit, unde nunc pignus accepimus, ut ad ipsam quoque plenitudinem veniamus: de qua idem dicit Apostolus, Tunc autem facie ad faciem, &, Nunc scio ex parte, tunc autem cognoscam sicut & cognitus sum: non quod in hac vita scit totum, quod usque ad illam perfectionem futurum nobis Dominus promisit per caritatem Spiritus, dicens, Docebit vos omnem veritatem, vel, Deducet vos in omni veritate.

Manichæos tacite non sunt 5. Quæ cum ita sint, Dilectissimi, moneo vos in caritate Christi, ut seductores caveatis impuros &

A obscoenæ turpitudinis sectas, de quibus ait Apostolus, Quæ autem occultè fiunt ab istis, turpe est & dicere: ne cum horrendas immundicias docere cœperint, quas humanæ aures qualescumque sint, portare non possunt, dicant ipsa esse quæ Dominus ait, Adhuc multa habeo vobis dicere, sed non potestis portare modò: & per Spiritum-sanctum afferant fieri, ut possint illa immunda & nefanda portari. Alia sunt mala, quæ portare non potest qualiscumque pudor humanus; & alia sunt bona, quæ portare non potest parvus sensus humanus: ista fiunt in corporibus impudicis, illa remota sunt à corporibus universis: hoc impura carne committitur, illud pura mente vix cernitur. Renovamini ergo spiritu mentis vestræ, & intelligite quæ sit voluntas Dei, quod bonum est & beneplacitum & perfectum: ut in caritate radicati & fundati, possitis comprehendere cum omnibus sanctis, quæ sit longitudo, latitudo, altitudo & profundum, cognoscere etiam supereminentem scientiæ caritatem Christi, ut impleamini in omnem plenitudinem Dei. Isto enim modo vos docebit Spiritus-sanctus omnem veritatem, cum magis magisque diffundet in cordibus vestris caritatem.

TRACTATUS XCVII.

In eamdem lectionem.

1. **S**PIRITUS-sanctus quem promisit Dominus se discipulis suis esse missurum, qui eos doceret omnem veritatem, quam tunc quando cum eis loquebatur, portare non poterant: de quo Spiritu-sancto, sicut dicit Apostolus, nunc pignus accepimus, quo verbo intelligeremus ejus plenitudinem nobis in vita alia reservari: ipse ergo Spiritus-sanctus & nunc docet fideles, quanta quisque potest capere spiritalia; & eorum pectora desiderio majore succedit, si quisque in ea caritate proficiat, qua & diligit cognita, & cognoscenda desideret: ita ut ea quoque ipsa quæ nunc quomodocumque cognoscit, nondum se scire sciat, sicut scienda sunt in ea vita, quam nec oculus vidit, nec auris audivit, nec in cor hominis adscendit. Quo sciendi modo, si nunc ea vellet interior magister dicere, id est, nostræ menti aperire atque monstrare, humana infirmitas portare non posset. Unde mea Vesta dilectio meminit jam locutum, cum sancti Evangelii verba tractaremus, ubi Dominus ait, Adhuc multa habeo vobis dicere, sed non potestis portare modò. Non ut in his Domini verbis nescio quæ secreta nimis abdita suspicemur, quæ cum dici à docente possint, portari à discente non possint: sed ea ipsa quæ in doctrina religionis in quorumlibet hominum notitia legimus & scribimus, audiimus & dicimus, si vellet eo modo nobis Christus dicere, sicut ea dicit Angelis sanctis in seipso unigenito Patris Verbo, Patrique coetero, quinam portare homines possent, etiam si jam essent spiritales, quales adhuc Apostoli non fuerunt, quando ista eis Dominus loquebatur, qualesque postea veniente

F sancto Spiritu facti sunt? Nam utique quidquid de creatura sciri potest, minus est ipso Creatore, qui summus & verus & immutabilis est Deus. Et quis eum tacet? Ubi non à legentibus, disputantibus, querentibus, respondentibus, laudantibus, cantantibus, quoquo modo sermocinantibus, postrem ab ipsis etiam blasphemantibus nominatur? Et cum eum nemo taceat, quis est qui eum sicut intelligendus

Graec. idem
yices.

Psal. 85. 11.

Isa. 54. 13.

Johann. 6. 45.

Math. 18.

10.

Sep. 9. 15.

1 Cor. 13. 9.

2. Cor. 1. 22.

1. Cor. 13. 12.

2. Cor. 1. 22.

G. s. 5.

1. Cor. 2. 9.

1. Cor. 6. 4.

1. Cor. 2. 9.

10. Johann. 16.

12.

telligentus est capiat, cùm de oribus & auribus hominum non recedat? Quis est cuius acies ad eum mentis accedit? Quis est qui eum Trinitatem esse scisset, nisi ipse sic innotescere voluisse? Et quis hominum jam istam sileat Trinitatem: & tamen quis hominum sicut Angeli sapiat Trinitatem? Ea ipsa ergo quæ de Dei æternitate, veritate, sanctitate, in promtu & palam sine cessatione dicuntur, ab aliis bene, ab aliis malè intelliguntur: immo ab aliis intelliguntur, ab aliis non intelliguntur. Qui enim malè intelligit, non intelligit. Ab eis ipsis autem à quibus bene intelliguntur, ab aliis minùs, ab aliis amplius mentis vivacitate cernuntur, & à nullo hominum sicut ab Angelis capiuntur. In ipsa ergo mente, hoc est, in interiore homine quodammodo crescit, non solum ut ad cibum à lacte transeatur, verum etiam ut amplius atque amplius cibus ipse sumatur. Non autem crescit spatiosa mole, sed intelligentiâ luminosâ; quia & ipse cibus intelligibilis lux est. Ut ergo crescat, eumque capiatis, & quanto magis crescat, tanto magis magisque capiatis, non ab eo doctore, qui vestris auribus sonat, hoc est, forinsecus operando plantat & rigat, sed ab eo qui dat incrementum, petere ac sperare debetis.

2. Proinde sicut præterito sermone commonui, cavete, maximè qui parvuli estis, & adhuc alimentis lacteis indigetis, ne hominibus sub huc occasione deceptis ac deceptoribus, quia Dominus ait, *Adhuc multa habeo vobis dicere, sed non potestis portare modò*, aurem curiosam præbeatis ad incognita scienda, cùm mentes invalidas habeatis ad vera & falsa dijudicanda: maximè propter obscenissimas turpitudines, quas docuit satanas animas instabiles atque carnales, ad hoc Deo sinente, ut ejus ubique sint tremenda judicia, & in comparatione impuræ nequitia dulcescat purissima disciplina: atque ut illi det honorem, timorem autem vel pudorem sibi, qui in illa mala vel illo regente non cecidit, vel illo inde levante surrexit. Cavete timendo & orando, ne irruatis in illud ænigma Salomonis, ubi mulier insipiens & audax, inops panis effecta, convocat prætereuntes dicens, Panes occultos libenter adtingite, & aquæ furtivæ dulcedinem. Hæc enim mulier vanitas est impiorum, cùm sint insipientissimi, aliquid se scire opinantur, sicut de ista muliere dictum est, inops panis effecta. Quæ cùm sit inops panis, promittit panes: id est, cùm sit ignara veritatis, promittit scientiam veritatis. Occultos tamen panes promittit, quos dicit libenter adtingi, & aquæ furtivæ dulcedinem: ut ea scilicet libentius & dulcius audiantur & agantur, quæ palam in Ecclesia dici credique prohibentur. Ipsa quippe occultatione condidunt quodammodo nefarii doctores sua venena curiosis: ut ideo se existiment aliquid discere magnum, quia meruit habere secretum, & suavius hauriant insipientiam, quam putant scientiam, cujus prohibitam quodammodo furantur audientiam.

3. Hinc & nefarios ritus suos hominibus sacrilega curiositate deceptis vel decipiendis magiarum artium doctrina commendat. Hinc illæ illicitæ divinationes inspectis pecudum visceribus occisorum, aut vocibus & volatibus avium, aut signis multiformibus dæmonum, insurrantur auribus hominum peritiorum per colloquia perditorum. Propter hæc illicita atque punienda secreta, mulier illa non solum insipiens, verum audax etiam nuncupata.

Tom. III. Pars II.

A tur. Sed hæc non solum à re ipsa, verum & à nomine nostræ religionis aliena sunt. Quid quod mulier hæc insipiens & audax, sub Christiano vocabulo tot scelestas hæreses condidit, tot nefandas fabulas finxit? Utinam tales quales in theatris sive cantantur, sive saltantur, sive mimica scurrilitate ridentur; & non quasdam tales, quales adversus Deum fingere potuisse sic illam doleamus insipientiam, ut miremur audaciam. Omnes autem insipientissimi hæretici, qui se Christianos vocari volunt, audacias figmentorum suorum, quas maximè exhorret sensus humanus, occasione Evangelicæ sententiæ colorare conantur, ubi Dominus ait, *Adhuc multa habeo vobis dicere, sed non potestis portare modò*: quasi hæc ipsa sint quæ tunc discipuli portare non poterant, & ea docuerit Spiritus-sanctus, quæ palam docere atque prædicare, quantilibet feratur audaciâ, spiritus erubescit immunus.

4. Hos Apostolus in Spiritu-sancto prævidens ^{2. Tim. 4.3.} C ait, Erit enim tempus quo sanam doctrinam non sustinebunt, sed secundum desideria sua magistros sibi coacervabunt prurientes auditu: & à veritate quidem auditum suum avertent, ad fabulas autem convertentur. Illa enim secreti furtive commemoratio qua dicitur, Panes occultos libenter adtingite, & aquæ furtivæ dulcedinem, pruritum facit audientibus in auribus spiritualiter fornicantibus, sicut pruritu quodam libidinis etiam in carne corruptitur integritas castitatis. Audite itaque Apostolum talia prævidentem, & ea vitanda salubriter admonentem, Profanas, inquit, verborum novitates evitare: multum enim proficiunt ad impietatem, & sermo eorum sicut cancer serpit. Et non ait verborum novitates, sed addidit, profanas. Sunt enim & doctrinæ religionis congruentes verborum novitates, sicut ipsum nomen Christianorum quando dico cœperit, scriptum est. In Antiochia enim primum post adscensionem Domini appellati sunt discipuli Christiani, sicut legitur in Actibus Apo-

E stolorum: & xenodochia & monasteria postea sunt appellata novis nominibus, res tamen ipsæ & ante nomina sua erant, & religionis veritate firmantur, qua etiam contra improbos defenduntur. Adversus impietatem quoque Arianorum hereticorum novum nomen patris Homousion considerunt: sed non rem novam tali nomine signaverunt: Hoc enim vocatur Homousion, quod est, Ego & Pater unus sumus, unius videlicet ejusdemque substantiae. Nam si omnis novitas profana esset, nec à Domino diceretur, Mandatum novum do vobis: nec Testamen- ^{Iohan. 10.} tum appellaretur novum, nec cantaretur in universa terra Canticum novum. Sed profanæ sunt verborum novitates, ubi dicit mulier insipiens & audax, Panes occultos libenter adtingite, & aquæ furtivæ dulcedinem. Ab hac pollicitatione falsæ scientiæ prohibet etiam illo loco Apostolus ubi dicit, O Timothee, depositum custodi, devitans profanas vocum novitates, & contradictiones falsi nominis scientiæ, quam quidam promittentes circa fidem exciderunt. Nihil enim sic amant isti quam scientiam promittere: & fidem rerum verarum quas credere parvuli præcipiuntur, velut imperitiam deridere.

5. Dicit aliquis, Nihilne spiritales viri habent in doctrina, quod carnalibus taceant, & spiritualibus eloquantur? Si respondero non habent, continuo mihi dicetur ex Epistola ad Corinthios apo-

AAa

1. Cor. 3. 1. „ stoli Pauli , Non potui vobis loqui quasi spiritalibus,
6. 2. „ sed quasi carnalibus , quasi parvulis in Christo lac
 „ vobis potum dedi , non escam ; nondum enim po
 „ teratis , sed nec adhuc quidem potestis , adhuc enim
1. Cor. 2. 6. „ estis carnales : & illud , Sapientiam loquimur inter
Ibidem 13. perfectos : & illud , Spiritalibus spiritalia compa
6. 14. rantes ; animalis autem homo non percipit quæ
 „ sunt Spiritus Dei , stultitia enim est illi . Hoc totum
 quale sit , ne rursus propter hæc verba Apostoli pro
 fanis vocum novitatibus secreta querantur , & ea
 quæ debet castorum spiritus corpusque vitare , di
 catur carnales sustinere non posse , sermone alio si
 Dominus donaverit , disputandum est , ut jam istum
 aliquando claudamus .

TRACTATUS XCVIII.

In eamdem lectionem.

Johann. 16. 12. **E**X verbis Domini nostri , ubi dicit , *Ad
 huc multa habeo vobis dicere , sed non pote
 stis portare modò* , exortam difficilem quæ
 stionem me recolo distulisse , ut inde otiosius tra
 ctaretur , quia illum modus competens compelle
 bat finire sermonem . Nunc ergo quoniam tempus
 est promissa reddendi : pertractetur ut Dominus
 ipse donaverit , qui cordi nostro ut proponeretur
 ingessit . Hæc est autem quæstio , **U T R Ù M S P I
 R I T A L E S H O M I N E S** habeant aliquid in doc
 triна , quod carnalibus taceant , & spiritalibus dicant .
 Quia si dixerimus , Non habent : respondebitur no
 bis , Quid est ergo quod dicebat Apostolus scribens
1. Cor. 3. 1. ad Corinthios , Non potui vobis loqui quasi spi
6. 2. „ talibus , sed quasi carnalibus , quasi parvulis in Chri
 „ sto lac vobis potum dedi , non escam ; nondum enim
 „ poteratis , sed nec adhuc quidem potestis , adhuc
 „ enim estis carnales ? Si autem dixerimus , Habent :
 timendum & cavendum est , ne sub hac occasione
 in occultis nefaria doceantur , & spiritalium nomi
 ne velut ea quæ carnales capere non possunt , non
 solùm excusatione dealbanda , verùm etiam præ
 dicione laudanda videantur .

2. Primùm ergo scire debet Caritas Vestra ,
 quod ipse Christus crucifixus , quo velut lacte par
 vulos aluisse se dicit Apostolus ; ipsa verò caro ejus ,
 in qua facta est vera mors ejus & vulnera vera con
 fixi , sanguisque percussi , non eo modo à carnalibus
 quo ab spiritalibus cogitatur , & illis est lac , istis
 cibus ; quia & si non audiunt amplius , intelligunt
 amplius . Non enim æqualiter mente percipitur ,
 etiam quod in fide pariter ab utrisque recipitur . Ita
 fit ut prædicatus ab Apostolis Christus crucifixus ,
 & Judæis esset scandalum , & gentibus stultitia , &
 ipsis vocatis Judæis & Græcis Dei virtus & Dei sa
 pientia : sed carnalibus parvulis id tantum creden
 do tenentibus , spiritalibus autem capacioribus id
 etiam intelligendo cernentibus ; illis ergo tamquam
 lacteus potus , istis tamquam solidus cibus : non quia
 hoc illi aliter in populis , isti aliter in cubiculis co
 gnoverunt ; sed quod eodem modo utrique cùm
 palam diceretur audiebant , pro suo modo quique
 capiebant . Cùm enim Christus propterea sit cruci
 fixus , ut in remissionem peccatorum sanguinem fun
 deret , qua ejus Unigeniti passione divina gratia
 commendatur , ut nemo in homine glorietur ; quo
 modo intelligebant Christum crucifixum qui adhuc
1. Cor. 1. 12. dicebant , Ego sum Pauli ? Numquid quomodo ipse
Galat. 6. 14. Paulus qui dicebat , Mihi autem absit gloriari , nisi
 in cruce Domini nostri Jesu Christi ? De ipso itaque

A Christo crucifixo , & ipse cibum pro sua capacitatem
 sumebat , & illos lacte pro eorum infirmitate nu
 triebat . Denique illa quæ scripsit ad Corinthios ,
 aliter utique ab ipsis parvulis , aliter à capacioribus
 posse intelligi sciens , ait , Si quis est inter vos pro
1. Cor. 14. propheta aut spiritalis , agnoscat quæ scribo vobis , quia
 Domini est mandatum : si quis autem ignorat , igno
 rabitur . Solidam profectò voluit esse scientiam spi
 ritalium , ubi non sola fides acommodaretur , sed
 certa cognitio teneretur : ac per hoc illi ea ipsa cre
 B debant , quæ spiritales insuper agnoscebant . Ignor
 rabitur autem , ait , qui ignorat : quia nondum ei
 revelatum est , ut quod credit sciatur . Quod cùm fit
 in hominis mente , ipse dicitur cognosci à Deo ;
 quia Deus illum cognoscentem facit , sicut alibi ait ,
Galat. 4. 9. Nunc autem cognoscentes Deum , immo cogniti à
 Deo . Neque enim tunc cognoverat eos Deus , præ
 cognitos & electos ante mundi constitutionem : sed
Ephes. 1. 4. tunc eos seipsum cognoscere fecerat .

3. Hoc igitur primitus cognito , quod ea ipsa
 C quæ simul audiunt spiritales atque carnales , pro suo
 quique modulo capiunt , illi ut parvuli , isti ut ma
 jores , illi ut lactis alimentum , isti ut cibi solida
 mentum : nulla videtur esse necessitas , ut aliqua se
 creta doctrinæ taceantur , & abscondantur fidelib
 us parvulis , scorsum dicenda majoribus , hoc est
 intelligentioribus ; & hoc ideo faciendum putetur ,
 quia dixit Apostolus , Non potui vobis loqui quasi
 spiritalibus , sed quasi carnalibus . Hoc ipsum enim
 quod non judicavit se scire in eis nisi Jesum Chri
1. Cor. 2. 2. stum , & hunc crucifixum , ipsis non potuit loqui
 quasi spiritalibus , sed quasi carnalibus : quia id sicut
 spiritales capere non valebant . Quicumque autem
 spiritales inter eos erant , idem quod illi tamquam
 carnales audiebant , spiritali ipsi intellectu capie
 bant : ut sic intelligatur quod ait , Non potui vobis
1. Cor. 3. 2. loqui quasi spiritalibus , sed quasi carnalibus , ac si
 diceret , Non potuistis quasi spiritales , sed quasi
 carnales capere quod loquebar . Animalis enim ho
1. Cor. 2. 14. mo , id est , qui secundum hominem sapit , animalis

Edictus ab anima , carnis à carne , quia ex anima &
 carne constat totus homo : non percipit quæ sunt
 Spiritus Dei , id est , quid gratiæ credentibus crux
 conferat Christi ; & putat hoc illa cruce actum esse
 tantummodo , ut nobis usque ad mortem pro veri
 tate certantibus imitandum præberetur exemplum .
 Nam si scirent hujusmodi homines , qui nolunt esse
 nisi homines , quemadmodum Christus crucifixus
 factus sit nobis sapientia à Deo , & justitia , & san
 ctificatio , & redemptio , ut quemadmodum scrip
 F tum est , Qui gloriatur , in Domino gloriatur : pro
 culdubio non gloriarentur in homine , nec carnali
 ter dicerent , Ego quidem sum Pauli , ego autem
 Apollo , ego verò Cephæ : sed spiritaliter , Ego sum
1. Cor. 1. 12. Christi .

4. Verùm illud adhuc quæstionem facit , quod
 in Epistola ad Hebræos legitur , Cùm jam debere
Hebr. 5. 12. tis in tempore ipso esse doctores , iterum doctrinæ in
 digetis , quæ sint elementa sermonum Dei ; & facti
 estis opus habentes lacte , non solidi cibo . Omnis
 G enim qui lactatur , inexpertus est verbum justitiæ ;
 infans est enim . Perfectorum est autem solidus ci
 bus , eorum qui per habitum exercitatos habent
 sensus , ad separandum bonum à malo . Hic enim
 videmus tamquam definitum esse quem perfecto
 rum dicit solidum cibum ; & hoc esse illud quod ad
 Corinthios scriptum est , sapientiam loquimur in
 ter perfectos . Quos autem perfectos voluerit hoc

» loco intelligi, subjicit atque ait, Qui per habitum exercitatos habent sensus, ad separandum bonum à malo. Hoc ergo qui invalida & exercitata mente non possunt, profectò nisi fidei quodam lacte teneantur, ut & invisibilia quæ non vident, & intelligibilia quæ nondum intelligunt, credant, facile ad vanas & sacrilegas fabulas promissione scientiæ ducuntur: ut & bonum & malum nonnisi corporalibus imaginibus cogitent, & ipsum Deum nonnisi aliquod esse corpus existiment, & malum nisi substantiam putare non possint; cùm sit potius ab immutabili substantia mutabilium substantiarum quidam defectus, quas fecit ex nihilo ipsa immutabilis & summa substantia, qui est Deus. Quod profectò quisquis non solum credit? verùm etiam exercitatis interioribus animi sensibus intelligit, percipit, novit; non est jam metuendum ne seducatur ab eis qui malum putando esse substantiam quam non fecit Deus, mutabilem substantiam faciunt ipsum Deum, sicut Manichæi, vel si quæ aliae pestes ita desipiunt.

5. Sed mente adhuc parvulis, quos dicit Apostolus carnales lacte nutriendos, omnis de hac sermo, quo agitur ut non solum credatur, verùm etiam intelligatur sciaturque quod dicitur, percipere talia non valentibus onerosus est, facilisque illos premit quām pascit. Ex quo fit ut spiritales ista carnalibus non omnimodo taceant, propter catholicam fidem, quæ omnibus prædicanda est; nec tamen sic differant, ut volentes ea perducere ad intelligentiam non capacem, facilis fastidiri faciant in veritate sermonem, quām in sermone percipi veritatem. Propterea dicit scribens ad Colossenses, Et si corpore absens sum, spiritu vobiscum sum, gaudens & videns ordinationem vestram, & id quod a deest fidei vestræ in Christo. Et ad Thessalonicenses, Nocte ac die, inquit, abundantius orantes, ut videamus faciem vestram, & suppleamus quæ desunt fidei vestræ. Intelligendi sunt utique ita primum catechizati, ut lacte alerentur, non solido cibo: cuius lactis ad Hebræos commemoratur ubertas eis quos volebat cibi soliditate jam pascere.

*Coloff. 2.5.
1. Thess. 3.
10.
Heb. 6. 1.
6c.*

Propter quod ait, Ideoque remittentes initii Christi verbum, in consummationem respiciamus: non iterum jacientes fundamentum pænitentiæ ab operibus mortuis, & fidei in Deum, lavacri doctrinæ & impositionis manuum, resurrectionis etiam mortuorum, & judicii æterni. Hæc est lactis ubertas, sine quo non vivunt, qui jam quidem ratione utuntur ut possint credere, sed bonum à malo, non credendo tantum, verùm etiam intelligendo (quod pertinet ad solidum cibum) separare non possunt. Quod autem in lactis commemoratione posuit & doctrinam, ipsa est quæ per symbolum traditur & orationem Dominicam.

6. Sed huic lacti absit ut sit contrarius cibus rerum spiritualium firmâ intelligentiâ capiendus, qui Colossensibus & Thessalonicensibus defuit, & supplendus fuit. Quando enim suppletur quod defuit, non improbatum quod fuit. Nam & in ipsis quæ sumimus alimentis, usque adeo non est lacti contrarius solidus cibus, ut ipse lactescat, quò possit esse aptus infantibus, ad quos per matris vel nutricis pervenit carnem: sicut fecit etiam mater ipsa sapientia, quæ cùm sit in excelsis Angelorum solidus cibus, dignata est quodammodo lactescere parvulis, cùm Verbum caro factum est, & habitavit in

A nobis. Sed ipse homo Christus, qui vera carne, vera cruce, vera morte, vera resurrectione sincerum lac dicitur parvolorum, cùm bene ab spiritualibus capit, invenitur Dominus Angelorum. Proinde nec sic parvuli sunt lactandi, ut semper non intelligent Deum Christum; nec sic ablactandi, ut deserant hominem Christum. Quod alio modo id ipsum ita dici potest: Nec sic lactandi sunt, ut creatorem numquam intelligent Christum; nec sic ablactandi, ut mediatorem umquam deserant Christum. In hoc quippe non convenit huic rei similitudo materni lactis & solidi cibi, sed potius fundamenti: quia & puer quando ablactatur, ut ab alimentis infantæ jam recedat, inter solidos cibos non repetit ubera quæ sugebat: Christus autem crucifixus, & lac sufficientibus, & cibus est proficientibus. Fundamentum verò ideo est aptior similitudo, quia ut perficiatur quod struitur, additur ædificium, non subtrahitur fundamentum.

7. Quæ cùm ita sint, ô quicumque estis, qui sine dubio multi estis parvuli in Christo, proficite ad solidum cibum mentis, non ventris. Proficite ad separandum bonum à malo, & magis magisque inhærente mediatori, per quem liberamini à malo: quod non est à vobis separandum, sed in vobis potius est sanandum. Quisquis autem vobis dixerit, Nolite credere verum hominem Christum, aut non à vero Deo corpus cujuslibet hominis vel cujuslibet animantis creatum, aut non à vero Deo vetus Testamentum datum, & si quid hujusmodi, hæc enim vobis prius ideo non dicebantur, quando lacte nutriti erres, quando ad vera capienda cor nondum habebatis idoneum: non vobis iste cibum præparat, sed venenum. Propter quod beatus Apostolus eos alloquens qui sibi jam videbantur esse perfecti, cùm se imperfectum ipse dixisset, Quotquot ergo, inquit, perfecti, hoc sapiamus: & si quid aliter sapitis, hoc quoque vobis Deus revelabit. Et ne forte incurrent in seductores, qui eos vellent à fide avertere promittendo scientiam veritatis, & hoc putarent esse quod dixit Apostolus, id quoque vobis Deus revelabit; continuò subjunxit, Verumtamen in quod pervenimus, in eo ambulemus. Si quid ergo intellexeris quod non sit contra regulam catholicæ fidei, ad quam velut viam, quæ te ducat ad patriam, pervenisti; & sic intellexeris, ut inde dubitare omnino non debeas: adde ædificium, noli tamen relinquere fundamentum. Sic debent majores docere aliquid parvulos, ut omnium Dominum Christum, & seipsis longè majores Prophetas & Apostolos non dicant aliquid fuisse mentitos. Non autem solum vaniloquos & mentis seductores fabulosa & falsa garribentes, & in eis vanitatibus velut altam scientiam promittentes contra regulam fidei, quam catholicam suscepistis, cavere debetis: verùm etiam ipsis qui de ipsa divinæ immutabilitate naturæ vel incorporeæ creatura, sive Creatore veraciter disputant, & quod dicunt, omnino documentis atque rationibus certissimis probant, & tamen ab uno Dei & hominum mediatore conantur avertere, tamquam pestem insidiosorem ceteris fugite. Tales enim sunt de quibus dicit Apostolus, Quia cognoscentes Deum, non sicut Deum glorificaverunt. Quid enim prodest habere intelligentiam veram de immutabili bono, ei qui non tenet per quem liberetur à malo? Prorsus admonitio beatissimi Apostoli de vestris cordibus non recedat, Si Gal. 1. 9.

* Pro regia firmamentum, legebat uirgina id quod deest: sic etiam in epistola ad Paulinum. quæ nunc est 149.

quis vobis evangelizaverit præter quod accepistis, anathema sit. Non ait plus quæ accepistis: sed, præter quod accepistis. Nam si illud diceret, sibi ipse præjudicaret, qui cupiebat venire ad Thessalonicenses, ut suppleret quæ illorum fidei defuerunt. Sed qui supplet, quod minus erat addit, non quod inerat tollit: qui autem prætergreditur fidei regulam, non accedit in via, sed recedit de via.

8. Quod itaque ait Dominus, *Adhuc multa habeo vobis dicere, sed non potestis portare modo*: adjicienda illis fuerant quæ nesciebant, non quæ didicerant evertenda. Et ille quidem, sicut in pristino sermone jam exposui, potuit hoc ita dicere, quia illa ipsa quæ docuerat, si vellet eis sic aperire, ut in illo concipiuntur ab Angelis; hoc infirmitas humana in qua adhuc erant, ferre non posset. Spiritalis autem homo quilibet potest alterum hominem docere quod novit, si perficiendo capaciorem faciat Spiritus-sanctus, in quo & ipse docto aliquid amplius addiscere potuit, ut sint ambo docibiles Deo. Quamquam & inter ipsos spiritales sunt utique aliis alii capaciores atque meliores; ita ut quidam illorum ad ea pervenerit, quæ non licet homini loqui. Qua occasione vani quidam Apocalypsim Pauli, quam sana non recipit Ecclesia, nescio quibus fabulis plenam, stultissima præsumtione finixerunt: dicentes hanc esse, unde dixerat raptum se fuisse in tertium cælum, & illic audisse ineffabilia verba, quæ non licet homini loqui. Utcumque illorum tolerabilis esset audacia, si se audisse dixisset, quæ adhuc non licet homini loqui: cùm verò dixerit, quæ non licet homini loqui, isti qui sunt qui hæc audeant impudenter & infelicitate loqui? Sed jam istum sermonem hoc fine concludam: per quem vos esse cupio sapientes quidem in bono, integros autem à malo.

TRACTATUS XCIX.

In illud, Non enim loquetur à semetipso, sed quæcumque audiet loquetur.

I. **Q**uid est quod Dominus ait de Spiritu sancto, cùm eum venturum esse promitteret, & docturum discipulos ejus omnem veritatem, vel eos deducturum in omni veritate, *Non enim loquetur à semetipso, sed quæcumque audiet loquetur?* Simile est enim hoc ei quod de se ipse dixit, *Non possum à me facere quidquam*, sicut audio judico. Sed illud cùm exponeremus, secundum hominem posse accipi diximus, ut obedientiam suam qua factus est obediens usque ad mortem crucis, prænuntiasse Filius videretur & in judicio futuram, quo vivos & mortuos judicabit; quia hoc per id facturus est quod filius hominis est. Propter quod dixit, Pater non judicat quemquam, sed omne judicium dedit Filio: quia in judicio non forma Dei qua æqualis est Patri, nec ab impiis videri potest, sed forma hominis apparebit, qua minoratus est etiam modico minùs ab Angelis: quamvis jam in claritate, non in pristina sit humilitate venturus, conspicuus tamen futurus & bonis & malis. Hinc ait & illud, *Et potestatem dedit ei judicium facere, quoniam filius hominis est.* In quibus verbis ejus manifestatur non eam formam præsentandam esse judicio, in qua cùm esset, non rapinam arbitratus est esse æqualis Deo; sed illam quam cùm semetipsum exinanisset, accepit. Semetipsum enim exinanivit formam servi accipiens: in qua videtur

A etiam ad faciendum judicium obedientiam suam commendasse, cùm dixit, *Non possum facere à meipso quidquam*, sicut audio judico. Adam namque per cuius unius hominis inobedientiam peccatores constituti sunt multi, non sicut audivit, judicavit; quia quod audivit prævaricavit, & à semetipso fecit malum quod fecit; quia non Dei voluntatem, sed suam fecit: iste autem per cuius unius hominis obedientiam justi constituuntur multi, non solùm obediens fuit usque ad mortem crucis,

B in qua est vivus judicatus à mortuis; sed obedientem se futurum promittens in ipso quoque judicio, quo est de vivis judicaturus & mortuis, *Non possum*, inquit, à meipso facere quidquam, sicut audio judico. Sed numquid de Spiritu sancto quod dictum est, *Non enim loquetur à semetipso, sed quæcumque audiet loquetur*, secundum hominem vel secundum assumptionem cuiusquam creaturæ dictum esse audiendum opinari? Solus quippe in Trinitate Filius formam servi accepit, quæ forma illi ad unitatem personæ coaptata est, id est, ut Filius Dei & filius hominis unus sit Jesus Christus; ne non Trinitas, sed quaternitas prædicetur à nobis, quod absit à nobis. Propter quam personam unam ex duabus substantiis divinâ humanâ constantem, aliquando secundum id quod Deus est loquitur, ut est illud quod ait, *Ego & Pater unus sumus*: aliquando secundum id quod homo est, sicuti est illud, *Quoniam Pater major me est*: secundum quod acceptimus esse ab eo dictum & hoc unde nunc disputo, *Non possum à meipso facere quidquam*, sicut audio judico. In persona verò Spiritus-sancti quomodo accipiamus quod ait, *Non enim loquetur à semetipso, sed quæcumque audiet loquetur*: cùm in ea non sit alia divinitatis, alia humanitatis, vel alterius creaturæ cujuscumque substantia, magna exoritur difficultas.

2. Illud enim quòd sicut columba Spiritus-sanctus apparuit specie corporali, visio fuit ad horam facta atque transacta: sicut etiam quando super

E discipulos venit, visæ sunt illis linguae divisæ velut *Ag 2.3.*

ignis, qui & insedit super unumquemque eorum. Qui ergo dicit columbam ad unitatem personæ Spiritui-sancto fuisse conjunctam, ut ex illa & Deo, (*quia Spiritus-sanctus Deus est*), una Spiritus-sancti persona constaret; hoc etiam de illo igne compel-

F litur dicere, ut intelligat nihil horum debere se dicere. Ista enim quæ de substantia Dei quoquo modo ut opus erat significanda, corporeis hominum sensibus se se intulerunt atque transierunt, ad horam divinitus facta sunt de creatura serviente, non de ipsa dominante natura, quæ in se manens quod vult movet, & quod vult immutabilis mutat. Sicut etiam vox illa de nube aures utique adtigit corporales, eumque sensum corporis qui vocatur auditus, nec tamen ullo modo credendum est Verbum Dei, quod est unigenitus Filius, quoniam Verbum dicitur, syllabis sonisque finiri: quia nec omnes simul sonare possunt cùm sermo fit, sed tamquam nascentes morientibus ordine suo soni quicunque succedunt, ut totum quod loquimur novissimâ syllabâ compleatur. Absit ut sic loquatur Pater ad Filium, hoc est, Deus ad Verbum suum Deum. Sed hoc eorum est capere, quantum ab homine capi potest, ad quos non lac pertinet, sed solidus cibus. Cùm igitur Spiritus-sanctus nulla susceptione hominis sit homo factus, nulla susceptione Angeli sit Angelus factus, nulla susceptione cuiusquam crea-

Iohann. 6. 45.

Apocalyp-
sis Pauli.

2.Cor.12.4.

Iohann. 16. 13.

Iohann. 5. 30.
Suprà in
Tract. 22.

Philip. 2. 8.

Iohann. 5. 22.

Philip. 2. 7.

Iohann. 5. 30.
Rom. 5. 19.

Iohann. 10.

Iohann. 14.

28.

Matth. 3.

16.

Ag 2.3.

Columba

Spiritu S.

ad personæ

unitatem

non con-

juncta.

turæ creatura sit factus; quomodo de illo intelligendum est quod Dominus ait, *Non enim loquetur à semetipso, sed quæcumque audiet loquetur?* Ardua quæstio, nimis ardua. Ipse adsit Spiritus, ut saltem sicut eam cogitare possumus, sic eloqui possimus, ac sic ad intelligentiam vestram pro mei moduli facultate perveniat.

3. Priùs itaque nosse debetis, & intelligere qui potestis, credere autem qui intelligere nondum potestis, in ea substantia quæ Deus est, non quasi per corporis molem sensus locis propriis distributos, sicut in carne mortali quorumque animalium alibi est visus, alibi auditus, alibi gustus, alibi olfactus, per totum autem tactus. Absit hoc credere in illa incorporea immutabilique natura. Audire ergo ibi & videre, id ipsum est. Dicitur & olfactus in Deo: *Ephes. 5. 2.* unde dicit Apostolus, *Sicut & Christus dilexit nos, & tradidit semetipsum pro nobis oblationem & hostiam Deo in odorem suavitatis. Et gustus intelligi potest, secundum quem Deus & odit amaricantes,* *Apoc. 3. 16.* & nec frigidos nec calidos, sed tepidos evomit ex ore suo: & Deus Christus dicit, *Meus cibus est ut faciam voluntatem ejus qui me misit.* Est etiam tactus ille divinus, unde dicit sponsa de sponso, *Sinistra ejus sub capite meo, & dextera ejus complectetur me. Non sunt hæc in Deo per diversa corporis loca.* Cùm enim dicitur scire, ibi sunt omnia, & videre, & audire, & olfacere, & gustare, & tangere, sine ulla ejus mutatione substantiæ, sine ulla mole quæ in alia parte major, in alia minor: etiam in senibus puerili pectore cogitatur, quando Deus sic cogitur.

4. Nec mireris quòd ineffabilis Dei scientia, qua novit omnia, per varios humanæ locutionis modos, omnium istorum corporalium sensuum nominibus nuncupatur: cùm & ipsa mens nostra, hoc est homo interior, cui uniformiter scienti per hos quinque veluti nuntios corporis diversa nuntiantur, quando immutabilem veritatem intelligit, eligit, diligit, & lumen videt de quo dicitur, *Erat lumen verum; & verbum audit de quo dicitur, In principio erat Verbum; & odorem capit de quo dicitur,*

Cant. 1. 3. Post odorem unguentorum tuorum curremus; & *Psal. 35. 10.* fontem bibit, de quo dicitur, *Apud te est fons vita;* & tactu fruitur, de quo dicitur, *Mihi autem adhærere Deo bonum est: nec aliud atque aliud,*

Psal. 72. 28. sed una intelligentia tot sensuum nominibus nuncupatur. Cùm ergo de Spiritu-sancto dicitur, *Non enim loquetur à semetipso, sed quæcumque audiet loquetur:* multò magis ibi simplex natura, ubi verissimè simplex est, vel intelligenda est vel credenda, quæ longè altèque naturam nostræ mentis excedit. Mutabilis quippe est mens nostra, quæ percipit descendendo quod nesciebat, & amittit dediscendo quod sciebat; & veri similitudine fallitur, ut pro vero approbet falsum, & obscuritate sua quasi quibusdam tenebris impeditur, ne perveniat ad verum. Et ideo non est ista substantia verissimè simplex, cui non hoc est esse quod nosse: potest enim esse, nec nosse. At illa divina non potest, quia id quod habet est. Ac per hoc non sic habet scientiam, ut aliud illi sit scientia qua scit, aliud essentia qua est; sed utrumque unum. Nec utrumque dicendum est, *Johann. 5. 26.* quòd simpliciter unum est. Sicut habet Pater vitam in semetipso, nec aliud est ipse quæ vita quæ in ipso est; & dedit Filio habere vitam in semetipso, hoc est, genuit filium qui & ipse vita esset. Sic itaque debemus accipere quod de Spiritu - sancto

A dictum est, *Non enim loquetur à semetipso, sed quæcumque audiet loquetur,* ut intelligamus non eum esse à semetipso. Pater quippe solus de alio non est. Nam & Filius de Patre natus est, & Spiritus-sanc-
tus de Patre procedit: Pater autem nec natus est de alio, nec procedit. Nec ideo sanè aliqua dispacilitas in summa illa Trinitate cogitationi occurrat humanæ: nam & Filius ei de quo natus est, & Spiritus-sanc-
tus ei de quo procedit, æqualis est. Quid autem illic intersit inter procedere & nasci, & longum est querendo differere, & temerarium cùm differueris definire: quia hoc & menti utcumque comprehendere, & si quid fortè mens inde comprehendenterit, linguæ difficillimum est explicare, quantuslibet præsit docto, quantuslibet adsit auditor. *Non ergo loquetur à semetipso:* quia non est à semetipso. *Sed quæcumque audiet loquetur:* ab illo audiet à quo procedit. Audire illi scire est: scire verò esse, sicut superius disputatum est. Quia ergo non est à semetipso, sed ab illo à quo procedit, à quo illi est essentia, ab illo scientia: ab illo igitur audientia, quod nihil est aliud quam scientia.

5. Nec moveat, quòd verbum futuri temporis positum est. Non enim dictum est, quæcumque audivit, aut quæcumque audit, sed quæcumque audiet, loquetur. Illa quippe audientia sempiterna est, quia sempiterna scientia. In eo autem quod sempiternum est, sine initio & sine fine, cuiuslibet temporis verbum ponatur, sive præteriti, sive præsentis, sive futuri, non mendaciter ponitur. Quamvis enim natura illa immutabilis & ineffabilis non recipiat fuit & erit, sed tantum, est: ipsa enim veraciter est, quia mutari non potest; & ideo illi tantum convenerat dicere, *Ego sum qui sum: &, Dices filii Israël, Qui est misit me ad vos: tamen propter mutabilitatem temporum in quibus versatur nostra mortalitas & nostra mutabilitas, non mendaciter dicimus, & fuit, & erit, & est. Fuit, in præteritis sæculis, est in præsentibus, erit in futuris. Fuit, quia numquam defuit; erit, quia numquam deerit; est, quia semper est.* Neque enim velut qui jam non sit, cum præteritis occidit, aut cum præsentibus velut qui non maneat labitur, aut cum futuris velut qui non fuerat orietur. Proinde cùm secundum volumina temporum locutio humana variatur, qui per nulla deesse potuit aut potest aut poterit tempora, vera de illo dicuntur cuiuslibet temporis verba. Semper itaque audit Spiritus-sanc-
tus, quia semper scit: ergo & scivit, & scit, & sciet: ac per hoc & audivit, & audit, & audiet: quia sicut jam diximus, hoc est illi audire quod scire, & scire illi hoc est quod esse. Ab illo igitur audivit, audit, & audiet à quo est: ab illo est à quo procedit.

6. Hic aliquis forsitan querat, utrum & à Filiō procedat Spiritus-sanc-
tus. Filius enim solius Patris est Filius, & Pater solius Filii est Pater: Spiritus autem sanctus non est unius eorum Spiritus, sed amborum. Habes ipsum Dominum dicentem, Non enim vos estis qui loquimini, sed Spiritus Patris vestri qui loquitur in vobis: habes & Aposto-
lum, Misit Deus, Spiritum Filii sui in corda vestra. Gal. 4. 6. Numquid duo sunt, alias Patris, alias Filii? absit. Unum enim corpus, ait, cùm significaret Ecclesiasticus; moxque addidit, & unus Spiritus. Et vide & quomodo illic impleat Trinitatem. Sicut vocati estis, inquit, in una spe vocationis vestræ. Unus & Dominus, hic utique Christum intelligi voluit: re-
stat ut etiam Patrem nominet: sequitur ergo, Una &

*Matth. 10.
20.* " fides , unum baptismia : unus Deus & Pater om-
nium , qui super omnes , & per omnes , & in om-
nibus nobis . Cùm ergo sicut unus Pater , & unus
Galat. 4. 6. Dominus , id est Filius , ita sit & unus Spiritus ; pro-
fectò amborum est : quandoquidem dicit ipse Christus Jesus , Spiritus Patris vestri qui loquitur in vo-
bis . Et dicit Apostolus , Misit Deus Spiritum Filii
Rom. 8. 11. sui in corda nostra . Habes alio loco eundem Apo-
stolum dicentem , Si autem Spiritus ejus qui susci-
tavit Jesum ex mortuis , habitat in vobis : h̄c uti-
que Spiritum Patris intelligi voluit : de quo tamen B
alio loco dicit , Quisquis autem Spiritum Christi
non habet , hic non est ejus . Et multa alia sunt te-
stimonia , quibus hoc evidenter ostenditur , & Pa-
tris & Filii esse Spiritum , qui in Trinitate dicitur
Spiritus-sanctus .

*Johann. 4.
24.* 7. Nec ob aliud existimo ipsum vocari propriè spi-
ritum : cùm etiam si de singulis interrogemur , non
possimus nisi & Patrem & Filium spiritum dicere ;
quoniam spiritus est Deus , id est , non corpus est
Deus , sed spiritus . Quod ergo communiter vocan-
tur & singuli , hoc propriè vocari oportuit eum qui
non est unus eorum , sed in quo communitas appa-
ret amborum . Cur ergo non credamus quòd etiam
de Filio procedat Spiritus-sanctus , cùm Filii quo-
que ipse sit Spiritus ? Si enim non ab eo procederet ,
non post resurrectionem se repræsentans discipulis
suis insufflasset dicens , Accipite Spiritum-sanctum .
*Johann. 20.
22.* Quid enim aliud significavit illa insuffratio , nisi
quòd procedat Spiritus-sanctus & de ipso ? Ad hoc
pertinet etiam illud quod de muliere quæ fluxum
sanguinis patiebatur , ait , Terigit me aliquis , ego
enim sensi de me virtutem exiisse . Nam virtutis
Luke 8. 46. nomine appellari etiam Spiritum-sanctum , & eo
loco clarum est , ubi Angelus dicenti Mariæ , Quo-
modo fiet istud , quoniam virum non cognosco :
respondit , Spiritus-sanctus superveniet in te , &
virtus Altissimi obumbrabit tibi : & ipse Dominus
Luke 1. 34. promittens eum discipulis , ait , Vos autem sedete
in civitate quòd usque induamini virtute ex alto : &
iterum , Accipietis , inquit , virtutem Spiritus-san-
cti supervenientem in vos , & eritis mihi testes . De
Luke 6. 19. hac virtute credendus est dicere Evangelista , Vir-
tus de illo exibat , & sanabat omnes .

b 8. b Si ergo & de Patre & de Filio procedit Spi-
ritus-sanctus ; cur Filius dixit , De Patre procedit ? Cur
putas , nisi quemadmodum ad eum solet referre &
quod ipsius est , de quo & ipse est ? Unde illud est
Johann. 7. 16. quod ait , Mea doctrina non est mea , sed ejus qui
me misit . Si igitur intelligitur h̄c ejus doctrina ,
quam tamen dixit non suam , sed Patris ; quantò F
magis illic intelligendus est & de ipso procedere
Spiritus-sanctus , ubi sic ait De Patre procedit , ut
non diceret De me non procedit ? A quo autem
habet Filius ut sit Deus , (est enim de Deo Deus ,)
ab illo habet utique ut etiam de illo procedat Spi-
ritus-sanctus : ac per hoc Spiritus-sanctus ut etiam
de Filio procedat , sicut procedit de Patre , ab ipso
habet Patre .

9. H̄c utcumque etiam illud intelligitur , quan-
tum à talibus quales nos sumus , intelligi potest , cur G
non dicatur natus esse , sed potius procedere Spiritus-sanctus . Quoniam si & ipse Filius diceretur ,
amborum utique Filius diceretur , quod absurdissi-
mum est . Filius quippe nullus est duorum , nisi pa-
tris & matris . Absit autem , ut inter Deum Patrem

A & Deum Filium tale aliquid suspicemur . Quia nec
Filius hominum simul & ex patre & ex matre pro-
cedit : sed cùm in matrem procedit ex patre , non
tunc procedit ex matre ; & cùm in hanc lucem pro-
cedit ex matre , non tunc procedit ex patre . Spir-
itus autem sanctus non de Patre procedit in Filium ,
& de Filio procedit ad sanctificandam creaturam ;
sed simul de utroque procedit : quamvis hoc Filio
Pater dederit , ut quemadmodum de se , ita de illo ,
quoque procedat . Neque enim possumus dicere
quòd non sit vita Spiritus-sanctus ; cùm vita Pater ,
vita sit Filius . Ac per hoc sicut Pater cùm habeat
vitam in semetipso , dedit & Filio habere vitam in
semetipso : sic ei dedit vitam procedere de illo , si-
cūt procedit & de ipso . Sequuntur autem verba
Domini dicentis , * Et quæ ventura sunt , annuntia-
bit vobis . * Ille me clarificabit , quia de meo accipiet ,
& annuntiabit vobis . * Omnia quacumque habet Pa-
ter , mea sunt : propterea dixi , quia de meo accipiet ,
& annuntiabit vobis . Sed quia iste jam prolixus est ,
C in alium sunt differenda sermonem .

TRACTATUS C.

In ejusdem lectionis verba postrema .

1. **C**UM promitteret Dominus venturum
Spiritum-sanctum , Docebit vos , inquit ,
omnem veritatem , vel quod in nonnullis
codicibus legitur , Deducet vos in omni verita-
te . Non enim loquetur à semetipso , sed quæcumque
D que audiet , loquetur . De quibus Evangelicis ver-
bis jam quod donavit Dominus disputavimus : nunc
ea quæ sequuntur adtendite . Et quæ ventura sunt ,
Johann. 16. inquit , annuntiabit vobis . Neque h̄c est , quoniam
planum est , immorandum : nihil enim habet quæ-
stionis , cuius à nobis expositio flagitetur . Sed quod
adjungit , Ille me clarificabit , quia de meo accipiet ,
& annuntiabit vobis , non negligenter est transeundum .
Quòd enim ait , Ille me clarificabit , potest intelligi ,
quia diffundendo in cordibus credentium carita-
tem , spiritalesque faciendo , declaravit eis quomo-
do Filius Patri esset æqualis , quem secundum car-
nem priùs tantummodo noverant , & hominem si-
cūt homines cogitabant . Vel certè quia per ipsam
caritatem fiduciâ repleti & timore depulso annun-
tiaverunt hominibus Christum : ac sic fama ejus
diffusa est toto orbe terrarum . Ut sic dixerit , Ille
me clarificabit , tamquam diceret , Ille vobis aufe-
ret timorem , & dabit amorem , quo me ardentius
prædicantes , gloriæ meæ per totum mundum da-
bitis odorem , commendabitis honorem . Quod
enim facturi fuerant in Spiritu-sancto , hoc eum-
dem Spiritum dixit esse facturum : quale est etiam
illud , Non enim vos estis qui loquimini , sed Spi-
ritus Patris vestri qui loquitur in vobis . Verbum
Math. 10. quippe Græcum quod est δοξα , alias clarificabit ,
alias glorificabit , Latini interpretes in sua quisque
translatione posuerunt : quoniam ipsa quæ Græcè
dicitur δοξα , unde dictum est verbum δοξα , &
claritas interpretatur & gloria . Gloriâ namque fit
quisque clarus , & claritate gloriosus : ac per hoc
quod utroque verbo significatur , idipsum est . Si-
cūt autem definierunt antiqui Latinæ linguæ cla-
rissimi auctores , Gloria est frequens de aliquo fa-
Gloria-
ma cum laude . Quæ cùm est in hoc mundo facta
quid .
de Christo , non Christo credenda est magnum ali-

* Editi , per omnia . At MSS. per omnes : nec nisi pauci addunt nobis in
vers. fine . Porro in Græco est οὐδὲ μήτερ , incerti generis : & ad finem |

| νῦν vobis , qua in voce consentiebat Vulg. in antiq. Corbeiens. Bibliis .

b Hunc locum transtulit August. in 15. lib. de Trinitate c. 27.